




張勳題詞

國全集

外傳十卷圖



上海張川軒印

海上曾敬三重訂 虞道園先生詩集嗣出

倪高士清閔

閣全集



校讎無訛

城書齋藏板



家大人平居無他好獨好蓄古法書名畫金石文字暨唐宋元以來先賢遺集雖殘紙斷幅蟲蝕鼠啣之餘皆勤勤補綴手自點勘築一室而弄之朝夕坐臥其下此元高士雲林先生清閔閣遺稿乃其一也初雲林先生詩僅從前朝諸老選本中獲見數十首文則缺焉從兄諤廷嘗覓得義興蹇氏刻抄本復逸其半最後 家大人乃得其裔孫瑄所彙刻遺稿展讀盡卷欣然曰我向從僻間觀高士山水小幅煙波滅沒遺世獨立之意以為如見雲林之面而已今也見其心矣於是復徧搜篋中及友人家所藏墨跡石刻之繫於先生者悉取付雕次為清閔閣全集十二卷既成命小子廉曰高士遺

跡之幸存者少矣單辭隻字皆其用意所在我不及見則已及見之而又漏之古人憾焉我是以不敢小子識之竊惟先生清風介節其鄉高顧兩先生論之詳矣詩格樸雅一洗穠麗則諸家之評具在廉何庸贅惟是後先生之生四百餘年而猶得從容討論其遺編不至得什失一貽恨殘缺者雖廉家庭間平簪之好尚使然抑豈非先生之志氣有以相感於筆墨之外也與用誌其歲月以告後之讀者云康熙五十有二年歲在癸巳六月既望海上後學曹培廉拜題於城書室

東吳當元季割據之時智者獻其謀勇者効其力學者售其能惟恐其或後而有甘抱清貞絕俗之態卒閱其用全其身而不失其所守者非篤於自信不能也錫山倪雲林先生是焉先生諱瓚字元鎮雲林其自號也家故饒於貲至先生始輕財好學嘗築清閼閣蓄古書畫於中人罕跡其所愛寫溪山竹石攻詞翰皆極古意性甚狷介好潔絕類海岳翁然尤善自晦匿有若愚駮無似盡棄其所蓄如敝屣然卒之扁舟獨坐焚香弄翰以與漁夫野叟混跡於五湖三泖間又類天隨子既而昭代御宇遂使六合一統底今且百年矣彼之倖功譽於一時者颺馳電迅泯無聲迹之可尋而獨先生詩畫流

落於人世雖片紙不啻拱璧耽玩之際猶覺清風灑然
使人爲之興起噫謂非篤於自信者能然乎先生之詩
僅嘗見於題詠近得常之荆溪蹇君朝陽彙梓五七言
古律絕句總若干卷走書京師俾予評之以傳予謂其
清新典雅迴無一點塵俗氣固已類其爲人然置之陶
韋岑劉間又孰古而孰今也邪大羹玄酒不和而自醇
朱絃疏越一唱而三嘆有遺音者矣朝陽讀書好義高
先生之誼而重其才寶愛是集欲傳之無窮真可謂深
知夫詩而樂揚人之善者歟不然則是編也其不至於
湮沒無聞者幾希故不辭而爲之序

天順四年歲舍庚辰菊月旣望翰林院侍讀學士奉直

大夫直文華殿雲間錢溥書

倪先生當勝國之季潔身棲遯孤標特立照映巖谷可謂矚然不污抗迹霞外者矣晉陶徵士書甲子不書元先生亦不書元張士誠據有江東以僞爵餌士士靡然從之先生竄蹟林莽不受其聘後士誠弟士德邂逅先生不勝憤榜笞之先生不吐一辭此其節類龔勝會元社將易海內逐鹿者四起先生恐懷璧爲罪盡散家財避之三泖五湖不及於難此其高又類鴟夸子皮今世最重先生畫次重其詩又次乃重其人是以詩掩詩以畫掩世所最重者特先生末技耳先生詩風調閒逸材情秀朗若秋河曳天春霞染岫望若可採就若可餐而終不可求之於聲色景象之間雖虞楊范揭諸公登

詞壇執牛耳非不稱盟主矣然比於先生猶垂棘夜光
之視水碧金膏也先生詩有二刻一為江陰孫大雅序
一為華亭錢學士序皆歲久剝裂不堪吟諷讀者病其
豕魚其八世孫理懼風雅之失傳悼祖德之無述捐鏹
授毀煥然復新於是先生之詩家披戶覽想像其人若
登雲林窺清閼彷彿見其寒松幽壑之姿也刻成問序
於不肖不肖蓋重先生詩畫而又最重其人惜乎生晚
不能為之執鞭竊幸序先生詩獲附於孫錢二君之後
豈非東郭先生所云濫竽者耶先生世家梁溪之祇陀
村子孫迄今不徙號為名宗理尤好禮多長者之游自
其王父文潤而下世以文學相禪宗人推為白眉嗚呼

先生之高風宜其華胄遙遙哉萬曆辛卯春正月廿五
日王穉登序

天下亂甚濁運將返則必有神聖之主芟除掃蕩於其上又必有特異之士激烈震變於其下蓋其功相成而不可相無云是故周馬不叩神農虞夏沒矣富春不畊東京節義微矣夫惟一夫蹕厲迴拔不倫大非凡情故態之所習睹驟而嘗之適與靡靡之運爲瞑眩之藥然後一激而返人心變焉風俗移焉蓋天以偏至之性付之豪傑而與大亂相值必非苟焉已也余讀雲林先生遺事多潔癖多傲迹合之中正怪其不符徐而證今邇古度以其時先生實有關於天下非吾錫一邑之士也高皇龍飛淮甸賢哲景從天地重開日星再朗士於其間固多風雲着態草野埋光交相應和以變世道而以

奇鋒恠鏖砭肌入骨痛刮積穢則先生一人是已說者
謂想其世如高皇饑渴求賢弓旌四馳而獨不及收先
生迹先生之所自負渺然意不可一世而獨不及攀龍
附鳳誠未免以為恨愚竊惟當是時運籌帷幄則有若
劉誠意李宣國諸公戰必勝攻必取則有若徐中山常
開平諸公制禮作樂潤色皇猷則有若宋文憲陶姑孰
諸公假令先生進而與之翱翔於其間陳一奇效一職
其何能有加於諸公之上若乃不臣不友獨往獨來奇
節殊采使聞之者且駭且愕且震且悚頑夫廉懦夫立
一洗喪亂之餘習卽諸公且退然兄先生而弟之由前
則功在社稷山河由後則功在人心風俗由前則其為

用也顯聲施當年由後則其為用也隱風流永世然則
當其際高皇之所以用先生與先生之所以為高皇用
兩相默契蓋皆得之牝牡驪黃之外有不可以常情測
者故曰天以偏至之性付之豪傑而與大亂相值必非
苟焉已也先生畫跡流寶人間雖好事者不能盡有而
獨其詩故幸無恙於是八世孫瑄將重梓而新之屬其
子錦問序於余輒為之志斯語於簡端讀者由先生之
詩而得先生之心銳然為世道擔一寄焉其亦可以登
先生之清閼矣萬曆庚子五月一日邑人顧憲成序

今天下學者好稱說中行夫道中焉止矣中行豈不貴然徐而覈之往往敗裂名檢者多出好爲中行之士何居孔子時中之聖孟氏曰吾所願則學孔子也至其舉聖人百世師則曰伯夸柳下惠何居豈非以孔子中和之極如天地渾然無迹而高蹈絕迹矚然塵滓之外者能令人欣慕愛悅油然而起而不自覺也夫吾少則愛慕古之隱君子如逸民之倫尚矣至沮溺丈人於陵仲子未嘗不賞其獨往之趣以爲其人縱不得附中庸之義不有聚斂之冉求壟斷之叔疑乎何可令諸賢見耶俯仰千載而吾鄉有倪雲林先生間嘗誦其詩想見其人如在雲霄之表願爲執鞭而不可得會其裔孫瑄將

重刊先生詩集謂余不可無一言篇端余謂之曰夫詩也者先生之所以傳也夫先生也者詩之所以傳也後之人誦其詩不論其世可乎先生生元末當天下大亂張氏雄據江左一時才名之士無不匍匐其門竊其餘潤先生知不足與有爲鴻飛冥冥不可榮以祿當是時先生詩若畫布滿人間鄉翁市豎扣無不得而獨不可張氏至麾其造廬之幣先生以是幾不免恬然殺身不悔也易不云乎履道坦坦幽人貞吉又曰鴻漸於逵其羽可用爲儀幽人而可用爲儀也先生有焉詩不云乎皎皎白駒在彼空谷生芻一束其人如玉又曰所謂伊人在水一方溯洄從之道阻且長其人如玉可望而不

可即也先生有焉此先生所以爲先生而先生之詩所以爲詩已先生嘗曰吾所謂畫逸筆耳聊以自娛不求形似吾於先生之詩亦云如以其詩而已則高者固不能出唐人以是求之小之乎觀先生矣夫舉世混濁清士乃見當勝國之季天下浸淫已極先生生其間如清風澄露滌濯寰宇以開盛代清明之治將見廉頑立懦自有鼓勵一世之作用焉惜天下既定先生已老不及風雲之會而先生亦得遂其肥遯之志是其長往固與沮溺丈人輩殊科迨於今故老陳說其遺事猶能使人欣慕愛樂自拔其沉酣流俗之氣則先生之風所磨礪者遠矣吾惡夫鄉原鄙夫接迹天下而漫言中行故於

先生特表而出之以附於孟氏之義云同邑後學高攀
龍撰

昔泰伯仲雍文身斷髮犇荆蠻荆蠻義之從而歸者千
餘家其後吳立季札季札棄其室而耕乃舍之已封於
延陵雲林倪先生自稱倪迂又稱懶瓚又自稱荆蠻民
荆蠻者延陵之故鄉而先生之所居也先生癖人也而
潔為甚吳之潔者自泰伯仲雍季札而後梅福潔於市
梁鴻潔於傭而指屈倪先生矣先生高臥清閤洗拭
梧竹摩挲鼎彝此贗為古者能跡之誰能於元兵未動
先散家人產乎能見張士誠兄弟噤不發一語乎能避
俗士如恐免乎能畫如董巨詩如陶韋王孟不帶一點
縱橫習氣乎余讀先生之集所謂其文約其辭微其志
潔其行廉其稱文小而其指極大獨先生足以當之蓋

先生先見類梅福孤寄類梁鴻悉散家產贈之親故有
荆蠻延陵之風月清則華水清則澄雲鮮露生焉下此
雖金碧丹青滓焉而已何堪與先生並先生殘煤斷繭
江東之家以有無為清俗豈惟張吾吳勁卽置先生於
孔廡間度無愧色或曰倪先生癖人也似未聞道余笑
曰否否聖人之行不同也歸潔其身而已矣萬曆辛亥
秋八月望日雲間陳繼儒撰

凡例

一雲林先生集舊有二刻皆歲久漫漶萬曆中其後裔
特為重刊每卷首有八世孫珪瑛九世孫錦鈇謹輯
十世孫永建十一世孫仁勇亮采叅訂字樣詩八卷
卷各一體合之樂府贊題跋雜著尺牘各一卷雲林
遺事一卷誌銘傳贊并諸家題咏一卷共十有五卷
多寡不均閱者病其瑣碎今改編十二卷前後次序
悉從原本其增補集中未備者俱附各體卷末不及
另列

一原本卷首舊有雲林詩集原序及重刻遺稿序跋并
倪氏世系一冊今仍首列惟世系訛謬難以校讎其

重刊詩集卷之四
題詠詩篇緬懷先生之作舊刻亦載首冊今以類編
入外紀中

一原本末二卷遺事以及傳銘題咏皆屬後人編輯表
彰因題曰外紀分上下二冊上冊列遺事傳銘并前
後諸家贈答弔挽之作下冊則專彙品題先生詩畫
語也其中倫次頗多舛錯今詩文各體仍以類叙悉
依作者時代爲後先間有第書其號姓名不全時代
無考者則悉仍之

一原本有體制誤列者如壬子九月十九日題畫詩一
首本係七古誤編七律中泉州兩義士行一首係長
短句體應入七古誤編雜著後凡類此者悉爲訂正

一原本附錄他人詩甚夥或係原韻或係和韻今仍悉
錄本詩之後皆作雙行小字以示區別俾閱者舉目
了然

一集中七言古詩醉歌行原本止一首獨毛氏汲古閣
本有二首意義彷彿字句互異茲從毛本並載

一先生詩有附見於題跋外紀卷中者各體詩內不復
重出惟題吳仲圭詩畫古詩一首贈別宋仲溫詩三
首原本列題跋中今從毛本編入詩內

一原刻字句不無譌謬今取先生著作散見於諸家選
本者如曹石倉十二代詩錢牧齋列朝詩毛氏汲古
閣元人十種詩集諸刻彼此叅校冀無亥豕之誤間

有兩刻互異而意義俱通者則註明一作某字於下
不敢妄為改竄閱者鑒之

刻本初裝書實五請裝九先
印數十部尚有刻訛處未及校
嗣後所刷俱已校過閱者鑒之

清閼閣全集目錄

卷之一

四言詩

五言古詩

卷之二

五言古詩

卷之三

五言律詩

五言絕句

六言絕句

卷之四

七言古詩

卷之五

七言律詩

卷之六

七言律詩

卷之七

七言絕句

卷之八

七言絕句

卷之九

樂府

贊

題跋

卷之十

雜著

尺牘

卷之十一

外紀上

卷之十二

外紀下

清閱閣全集目錄

刻工初竣書賈亟請裝先為別
印數十部間有刻訛處
爾後所刷俱已校正閱者
之

倪氏世系圖

謹按時代官爵之無詳者皆以
倪氏子孫所輯未便擅改姑仍其舊

曹姓子爵出自邾挾之後夸父顏有功於周周封其子
友於邠為附庸春秋時邠黎來始朝魯其地在東海昌
慮縣東北邠城是也齊小白霸邠君附從進爵為子始
列諸侯謂之小邾子嗣後失國子孫為卿氏避仇改為
兒子孫因以為氏後又改為倪至西漢御史大夫寬是
為始祖

西漢

一世

寬

御史大夫
治尚書

二世

□

三世

皓

字賓玉朝舉
試科拜樞密
院使封鄭國
公

四世

朋

字會元監察
御史後拜中

五世

湛

洵

芻

字子元太
子洗馬

演

無嗣

五世

湛 朋長子

六世

興祖 荆州從事
位至侍中

七世

應昭

八世

承贊 字淳父中
書舍人參
知政事居
姑蘇

九世

績

溶

五世

洵 朋次子

嗣祖 官的鎮節度
使居蔡州

繼祖

應品

應照

文贊

汝贊

維 武城
令

繡 無嗣

溶

承祖 字季常慶
太守居蔡州

應照

日安

日新 御史中丞遷
徽猷學士

綱 字希文官至著
作即秘書監

紀 襲祖侯

綠

傳世系

一

九世

績 承贊子

十世

彥國 榮陽參
軍

十一世

顥

十二世

思玄 字穎老
官司徒

十三世

公弼

緣 字玉父官昆陵
教授遷還於此

公綽

公望

公麒 字彥德拜
光祿大夫

公麟

頊

思立

思總

思敬

思悛

彥成

彥榮

夢良

維 文贊子

綱 日安子

頊

碩 翰林學士後
隱於都梁

晦

嶠 字仲言杭
州教授

城書室

侯氏世系

鑄
有詩
宿字道明督師交廣荆江等八州軍事贈大司馬
巨無嗣

嶠晦長子
若水字子泉汁州刺史遂居汴
有書
實
宗愈

峴晦次子
若愚
有益
寥
宗文無嗣

崧盱長子
若源
積博學宏詞科
寅
宗孔字國華秘書學士

若海
稔
寧
宗朝

科
宏字君實青州刺史
宗武
宗畢無嗣

岩盱次子
若思
憲
宗立

通眺長子
良能監察御史
亶
寶

良節
雍
宣

通眺次子
良輔
言
宗道滋貴令

十七世
十八世
十九世
二十世
二十一世

世基元興子
時中
挺
光復字章甫大理卿
樸

茂中
揮

世南元弼子
允中
拱字可嘉筠州守
光顏
偁字文舉居吳興錦山下少張橫浦之門

文中
城書室

侯氏世系

四

世榮	質	杲	光弼	儒
<small>元忠長子</small>	<small>字元龍翰林學士</small>			<small>無嗣</small>
世華	資	杲	符	儼
<small>元忠次子</small>	賢			<small>字宏美工部堂監文肅</small>
旦	貫	鼎	籥	諤
<small>宿次子</small>	<small>康州刺史</small>		<small>舉明經及第</small>	
宗愈	益	昊	節	詡
<small>實子</small>			<small>知貢舉</small>	
宗孔	惠起	渠	竺	詣
<small>寥子</small>				<small>無嗣</small>
宗朝	惠成			
<small>寅子</small>				

宗武	惠成	樂	邃	謨
<small>宏子</small>		<small>零陵守</small>	<small>太學生</small>	
宗立	惠元	懷	材	
<small>憲子</small>				
宗道	惠英	慎	麓	訖
<small>宣子</small>				
二十一世	二十二世	二十三世	二十四世	二十五世
樸	忠	鯉		
<small>光復子</small>	<small>字中立國子祭酒</small>			
偁	懋			
<small>光顏子</small>	<small>舉明經及弟</small>			
	思	鯨		
	<small>乾道九年進士淳熙中博學宏詞科拜史侍兼直學士院</small>			
	鮒	鮒		

儼 <small>光啓子</small>	愿 <small>淳熙十年進士</small>	恣	恣 <small>嘉禾令</small>	軾 <small>紹熙五年進士</small>	鯨 <small>慶元六年進士</small>
佶 <small>箕長子</small>	邁	邁	軾		
偃 <small>箕次子</small>	迨	迨	輕		
諤 <small>箕子</small>	千五	千五			
	千六	千六	中復		
			幾復		
詡 <small>節子</small>	千八	千八			
謨 <small>濠子</small>	千乘	千乘			
	千能	千能			

訖 <small>麓子</small>	千之			
二十五世	二十六世	二十七世	二十八世	二十九世
二十九世	三十世	三十一世	三十二世	
	百貞一	萬亨一	濤一 <small>字百齡號九思又號九疇</small>	

自若水十七傳而至百貞一五代寢衰中原濁亂戍為行伍督軍事失利變姓名為李元復元復子萬亨一萬亨一子為濤一是為南渡前始祖

朝宋	一世	二世	三世	四世	五世 <small>南宋</small>
	濤一 <small>萬貞子復本姓</small>	處仁 <small>字明善號文伯學精於易真宗天禧間每</small>	允清 <small>字觀瀾號可珍慶曆四年應舉官至樞密</small>	景祥 <small>字國麟號靖明紹聖間德學聞於朝三詔</small>	師道 <small>字士誠號怡然清康元年為官撫使建炎</small>

歲收租二
十萬斛世
稱倪陶朱
公

院使風姿
瀟灑有孝
行

不受祿後
被金人擄
汴遷太原
太原復國
家資譜牒
俱燬兵燹

二年護駕
南渡遂居
杭州

師文

隨兄南渡
居杭

師章

替趙氏
居太原

師奎

遭金厄流
散鎮江

景瑞

景禎

允澄

居汴

允濟

居汴

處義

居汴

處禮

居汴

師道子子雲為杭州路總管兼勸農事再為吳縣監丞

隆興二年遂家吳縣始定元年復徙居無錫梅里之祇陀遂占籍焉因譜師道為梁谿始祖

一世

師道

景祥長
子壘杭

二世

子雲

字時瞻號
雪松為杭

三世

及

字起源號
桂月百萬

四世

淞

字壽元號
九五千七

五世

彌昌

又名椿
號友梅

州射的
山

州路總管
尚義輕財

中郎

承事郎

彌遠

號雲耕奉
直承事郎

彌大

號介軒
官典簿

德
人皆感其
死者瘞之
囊資以贈
遇流解解
從駕時道
尚義輕財

子虹

字時霑
號貞固

五世

椿

即彌昌
字長子

六世

煥

字堯章又字
振初號米祥

七世

明三

諱珪字元
佩號雲山

八世

明朝

元辟為桂陽
主簿不就以
高節著

炳

字尚一亦字
仲文號冰葉

明七

諱齊字元
鎮號雲林

詵

字孟羽

累資巨萬辟
召不就以高
節著

先生娶蔣
氏華江陰
之習里復
遷芙蓉山

季民

號耕逸明
祖徵辟不
就時稱為
小雲林

成弘間李舜明輯錫山志作宋元遺逸傳屈指五百年
僅得五人吾祇陀倪氏以高節著者得三人焉堯章仲
文雲林公也嗣後世系繁多載諸家傳者茲不盡列

裔孫桌百拜謹輯

清閼閣全集卷之一

梁溪

倪

瓚

元鎮

著

海上後學曹培廉

敬三

校

四言詩

至正十年十月廿三日余以事來荆溪重居寺主
邀余寓其寺之東院凡四閱月待遇如一日余
將歸廼命大覺懺除垢業使悉清淨乃為寫寺
南山畫已因畫說偈

我行域中求理勝最遺其愛憎出乎內外去來作一作止
夫豈有礙依桑或宿御風亦邁雲行水流遊戲自在乃
幻巖居現於室內照曾中山歷歷不昧如波底月光燭

盼睐如鏡中燈是火非詒根塵未淨自相翳晦耳目所
移有若盲瞶心想之微蟻穴堤壞輾然一笑了此幻界
義興異夢篇

辛卯之歲寅月壬戌我寢未興戶闔於室爰夢鬼物黯
淡慘慄或禽而角或獸而狨夔足駿奔豕形人立往來
離合飛搏跳擲紛攘千態怪技百出予茲泊然抱冲守
一廓如太虛雲歛無迹晨雞既鳴冠櫛斯畢涉庭而詠
已化奚恤春風惟振亮月在席凋瘁何損榮華匪益獨
以圓悟境無順逆愚夫說夢轉墮迷惑滔滔天下病者
良極俟我大雄拯此羣溺

至正乙未素衣詩

素衣內自省也督輸官租羈繫
憂憤思棄田廬斂裳宵遁焉

素衣湟兮在彼公庭載傷
隘中心怔營彼苛者虎胡
恤爾岷視岷如縱寧辟尤詬禮以自持省焉內疚雖曰
先業念毋盪失守而不遷致此幽鬱身辱親殆孝違義
屈蔚蔚荒塗行邁靡通雖雖鳴鳳世莫之逢夕風淒薄
曷其有旦吁嗟民生實罹百患先師遺訓豈或敢忘簞
瓢稱賢樂道無殃予獨何為悽其悲傷空谷有芝窈窕
且廓爰宅希靜菽水和樂載弋載釣我心不忤安以致
養寤寐忘憂修我初服息焉優游

徐良夫耕漁軒

鄧山之下其水舒舒林廬田圃君子攸居載耕載漁爰

讀我書唐虞緬邈愴矣其悲棲遲衡門聊得我娛敬慎
誠篤德罔三二四勿是克一作事三益來一作斯萃彼溺於利我
以吾義彼自暴棄我以仁智匪今之同惟古是嗜虛邪
逍遙隱約斯世

題畫

義興之山維水瀾瀾載遊載咏操觚挾几聊樂一日百
歲奚俟

五言古詩

春日雲林齋居

池泉春漲淡徑苔夕陰滿諷咏紫霞篇馳情華陽館晴
嵐拂書幌飛花浮茗盃階下松粉黃牕間雲氣暖石梁

蘿薦垂翳翳行踪斷非與世相違冥棲久忘返

次韻懷張外史

緬懷蕭閒館乃在華陽天焚一作燒香坐幽一作當谷濯纓向清
泉真靈浮空至樓觀與雲連彈琴明月下飄飄舞胎仙

雨中寄孟集

英英西山雲翳翳終日雨清池散園文空林絕行屨野
性夙所賦好懷誰共語燒香對長松相與成賓主

聽袁子方彈琴

蕙帳凝夕清高堂流月明芳琴發綺席列坐散煩纓迴
翔別鵠意縹緲孤鸞鳴一寫冰霜操掩抑寄餘情

贈天寧福上人

荆溪霜落後銅官日出初自櫛頭上髮更理篋中書上人從定起咏言方繞除邂逅發微笑幻身同太虛

十二月十七日過與之洛澗山居畱宿忽大雪作
及明起視戶外巖岫如玉琢削竹樹壓倒徑無
行踪飄瞥竟日至暮未已雪深尺餘因賦詩畱
別

世途縈荏苒歲晏不知歸密雪竹林夜挑燈共掩扉蕭
條塵慮淨諷咏玄言微遇此巖中賞心事悵多違

別張天民

鳴雁將北歸徘徊舊棲處江湖春水多欲去仍回顧稻
梁豈余謀繒繳非所慮猶爲氣機使暄冷逐來去寥寥

天宇寬彼此同一寓風萍無定踪易散聊爲聚君看網
中魚在疾猶相煦

夜泊芙蓉洲寄張鍊師

芙蓉猶滿渚疎桐已殞霜泊舟菰蒲中吳山隱微陽因
懷靜默士竹林闕玄房煮茗汲寒澗燒丹生夜光憶與
鄭郊輩閒咏步修廊時子有所適顧瞻重徜徉庭下生
苔蘚牖間繙詩章奕勢鄭老勝酒榼郊生將雅歌雜詼
諧列坐飛羽觴子歸日已晚棗栗亦傾筐揮手輒謝別
暮宿荒城傍遲明趨所期待子鄭公堂晨往遂至昏企
望徒悵悵乃嗟仙真馭固非世所望惻惻理歸棹泛泛
秋浦長還尋甫里陸更醉山陰王素冠斯馳贈喜知終

未忘余茲將遠適旅泊猶彷徨微風動虛碧初月照石
梁曠望對清景賦詩託陳郎茯苓思同煮夜雨共匡床
蕭閒道館聽袁南宮彈琴是日風雨蕭然有感而
作
玉琴轉清亮風雨更飄飄疎桐蔭高館朱槿耀芳條生
物曷可遏撫事發長謠弱齡陪清讌櫛髮想垂髫相見
日以老離居夢且遙秋江眇雲水去鶴影搖搖

送高太守之秦郵

秦漢置牧守猶古之侯伯封建而郡縣仁政固不易漢
宣知所本留意二千石慎哉高侯車願循古轍迹

蕭閒館夜坐

隱几忽不寐竹露下泠泠清燈澹斜月薄帷張寒廳躁
煩息中動希靜無外聆窅然玄虛際詎知有身形

和吳寅夫對雨見懷

溽雲變陰晦零雨隨風濤的皪集蓮池飄飄灑蘭皋朱
絲緩瑤瑟綠錢生寶刀撫事增慨慷端居倦遊遨處世
每慙柳懷人徒詠陶脆質愛靈藥閒情宣弱毫

次陶蓬韻送葉叅謀歸金華

手把玉芙蓉青天騎白龍出入人間世飛鴻踏雪踪瑤
草粲可拾羣峰森玉立璧月掛天南離離星斗溼君昔
在山時玉韞山有輝因同白雲出更與白雲歸白雲無
定處豈只山中住河漢共縈紆經天復東注金華牧羊

人遊戲不生嗔笑拂巖前石行看海底塵手調白羽箭
陋彼磨銅硯一語不投機歸歟寧再見士豈始隗乎全
趙匪相如項王疑亞父竟爾龍爲魚擾擾何時已百年
聊寄耳良也報仇歸言從赤松子去山今幾年還山大
學仙天台司馬宅雲氣近相連

偶成

積雨不爲休蕭條使人愁哀吟四壁靜病臥百蟲秋開
門望原野江湖漭交流誰能載美酒爲我散煩憂

次曹都水韻二首

杜陵布衣翁許身稷禹行賦詩原正始感事多哀傷煌
煌萬丈焰岌岌數仞墻君能仰餘輝假日尚高作升堂

弛擔息荒途日暮將安之挾彈狂遊子鬪雞輕薄兒衆
方巴人唱獨歌陽春詩天門何嚴邃綠窓隱呆愚

贈錢羽士

鍊師好神仙望拜金母臺疊疊應玄運煌煌秀靈荻天
風流瓊響夕露調玉盃鳳棲池上竹雨添堦下苔時見
兩青鳥碧海傳書來感此忽自笑飄然遺氛埃

送甘允北上

翔鴻縱高姿流水去不息枉道別友生揚舲望京國婉
變前途憇蕭條餘景匿神京衣冠會左右金陽宅驅馬
流星繁垂軒春霧集嘉子玉質朗早通金閨籍行逢明
主顧入補詞臣職束帶向晨趨陪讌終日是芳年易爲

清隱集卷一
晚所願崇令德英英白雲飛渺渺青山隔秋風應節起
萬里思親客遲子返舊居銜杯數相覲

雙寺精舍新秋追和戎昱長安秋夕

秋暑晚差涼茗餘眠獨蚤清風振庭柯寒蛩吟露草晨
興面流水西望吳門道不知人事劇但見青山好

寄段吉甫

簪者段干木踰垣避其君冥翳巖穴間清風扇炎氛德
綿百世下吉甫賢且文神鸞養奇采芳芷結幽芬回視
當世士雞鶩正紛紛區區事夸敍子獨介不羣舍瑟作
而嘆此道誰復云

送章鍊師并寄鄭有道

良覲忽云阻桐花今亦繁落日滿洲渚揚舲念孤騫因
懷息機叟蘊真從灌園晨掃石上雲佇子接清言

玄文館讀書

有引

余友玄中真師在錫之東郭門立靜舍名玄文館幽潔敞朗可以閒處
至順壬申歲六月余寓是兼旬謝絕塵事游心澹泊清晨櫛沐竟終日
與古書古人相對形忘道接儵然自得也且西神山下有泉味甚甘冽
與常水異館去山不出五里故得昕夕取泉以資茗菴余讀書研道之
暇時飲水自樂
焉乃賦詩記事

真館何沉沉寥廓神明居陽庭肅宏敞丹林鬱扶疎
言茲遊息脫屣榮利區檐榱初日麗池臺涼雨餘焚香
破幽寂飲水聊舒徐潛心觀道妙諷咏古人書懷澄神
自適意愜理無遺誰云黃唐遠泊然天地初迴首撫八
荒紛攘蚍蜉如願從逍遙遊何許崑崙墟

述懷

讀書衡茅下秋深黃葉多原上見遠山被褐起行歌依
依墟里間農叟荷篠過華林散清月寒水澹無波遐哉
棲遁情身外豈有它人生行樂耳富貴將如何

蛛絲網落花

落花綴蛛網蜀錦一規紅既映綺疏外復照碧池中含
悽戀餘景散魄曳微風昔人問榮穢詎識本俱空

冬日窗上水影

日池浮湛澹霞牖上縈迴敷腴三素雲照耀青蓮臺高
流輝自下含漪斂復開口坐以默觀靜極自春回

雪泉為王光大賦

高齋面絕壁林密徑難尋風落松上雪零亂幽澗陰皓
潔映鶴氅清圓和瑤琴閒咏以自樂聊用忘華簪

丙子歲十月八日夜泊閩門將還溪上有懷友仁

陸徵君

明發辭吳會移舟夜淹泊空宇垂繁星微雲暝前郭沉
沉抱冲素悄悄傷離索歸掃松徑苔遲君踐幽約

聽袁負外彈琴 有引

至正四年十一月袁負外來林下為留兼旬臘月十七日快雪初霽庭
無來跡與僕靜坐因取琴鼓之古音蕭寥如茂松之勁風春聲之流冰
負外時年八十有二顏貌筋力未如四五十許人為言甫弱冠遭逢盛
明初宰當塗過九華山道逢神人與棗食之後數數見夢寐間若冥感
玄遇者負外韜耀蘊真仕祿以自給不為
人所知豈郭恕先之流歟為賦五言以贈

郎官調綠綺谷雪賞初晴兩忘絃與手流泉松吹聲問

言踰八十云嘗見河清掛帆望九華神人歛相迎啖以
海上棗歡愛若平生玄遇寧復得惜哉遺姓名

早春對雨寄懷張外史

林卧苦泥雨憂來不可絕掀帷望天際春風吹木末飛
蘿散成霧細草綠如髮念子獨高世南山修隱訣取瑟
和流泉操瓢酌明月神安形不凋跡高行自潔思之不
可見饑渴何由歇願爲鸞鵠翔南遊拂松雪

懷常州學博強行之

君在西溪上年年楊柳春提壺坐柳下邀我見情真青
葉已垂帶白花還覆蘋別來今見柳思爾采芳芹

戊寅十二月丹丘柯博士過林下有賦次韻答之

積雪被長坂臥疴守中林山川雖云阻舟楫肯見尋傾
蓋何必舊相知亦已淡驚風飄枯條清池冒重陰聯翩
雙黃鵠飛鳴綠水潄顧望思鬱紆徘徊發悲吟願言齊
羽翾金石固其心歡樂胡由替白一作黃髮期滿簪

已卯正月十八日與申屠彥德遊虎丘得客字

余適偶入城本是山中客舟經二王宅弔古覽陳迹松
陰始亭午嵐氣忽斂夕欲去仍徘徊題詩滿苔石

送友仁之京師

春風吹蘭芷佳人將遠遊遠遊何當還神京鬱雲浮
曠言英邁志飛轡不可留豈無金閨彥與子結綢繆河山
風氣雄江水日夜流遙瞻雲中雁庶以慰離憂

啄木

何處啄木鳥飛止於喬林微形亦以勞終日聞其音所願木向茂不使蝨日侵吁嗟人之徒曾不如鳥心

江陰袁仲徵作軒名簣林日夕嘯咏其下至正十二年二月廿四日訪余南蘭陵寓舍徵僕賦詩遂走筆應請然不能盡道軒中清事也

風生簣簣谷雲迷渭水原蕭蕭春雨後翳翳清陰繁憶昔文使君燒笋具盤飧彭城詩適至大笑飯爲噴風流成異代寂寞今誰論夫君暨陽隱字徵其姓袁二仲接來遊子猷時到門冠同薩縣製坐對宜城尊翠羽共棲托鳳雛亦孤騫載誦偃竹記忽若聞清言邈哉古人跡

尚友不可謾

杜真人聽松軒

計籌白石頂聞有丹丘生和玉飲晨露褰林飡絳英止鶴眠松警螢火照書明爲善得仙道翛然不近名

擬陰常侍一首寄劉祕監趙負外

幽并游俠地都城百雉連河漢瞻疑近雲鳧信是仙樓分霞欲曙花將月共妍摘毫傾藻思獻賦足爲傳還知跨烏鵲夜宿綵雲邊

玉壺中插瑞香水仙梅花戲咏

寒梅標素豔幽卉弄妍姿團團紫綺樹共耀青陽時折英欲遺遠但恐傷華滋置之玉壺冰芳馨消歇遲

秋夜賦

清漏下數刻疎鐘仍獨聞零露溥夕影端居澄俗氛恬
淡斯寡欲榮名非所欣樂矣咏王風忘年棲白雲

述懷

嗟余幼失怙教養自大兄勵志務爲學守義思居貞閑
戶讀書史出門求友生放筆作詞賦覽時多論評白眼
視俗物清言屈時英貴富烏足道所思垂令名大兄忽
捐館母氏繼淪傾慟哭肺肝裂練祥寒暑并釣耕奉生
母公私日侵凌黽勉二十載人事浩縱橫輸租膏血盡
役官憂病嬰抑鬱事汙俗紛攘心獨驚罄折拜胥吏戴
星候公庭昔日春草暉今如雪中萌寧不思引去緬焉

起深情實恐貽親憂夫何遠道行遺業忍卽棄吞聲還
力耕非爲螻蟻計興已浮滄溟雲霾龍蛇噬不復辨渭
涇邈邈巖澗阿靈芝煇紫莖有志而弗遂悲歌歲崢嶸
冶長在縲紲仲尼猶亟稱嵇康肆宏放刑僇固其徵被
褐以懷玉天爵非外榮賤辱行豈玷表暴徒自矜蘭生
蕭艾中未嘗損芳馨

泊舟

泊舟嘉樹下開牖碧江潏慨然念黃落景憇惜清陰多
暇觀魚鳥容與一登臨蛻跡塵喧久欲寡天機深

寄王光大

春服始輕體嘉樹欲垂陰夫椒結秀色江流涵碧深晴

絲正高下好鳥亦嚶吟豈無伐木詩怡此風雩心

次韻酬友人

處世若過客踽踽行道孤願友吉德士邈焉如鳳雛人
而無恒心未易為醫巫往者不可作玉匣埋珠襦枳棘
何榛榛上有鴟梟呼維桐鸞棲止來匪應時需卓犖千
里馬壯氣塞九衢駑駘豈其偶齷齪當鹽車龍可豢而
致魚鮪固充厨未聞商山翁受屨稅以租俗人難與言
長吟野踟躕青松在澗壑坐閱霜桺枯所嗟鄭亂雅復
惡紫奪朱至道安可言多金豈禎符忽為蹙躓者憔悴
悲路隅簞瓢咏王風耿耿心勤劬

次韻姑蘇錢塘懷古六首

西子承吳寵餘踪見古臺空遺昔時月無復昔人來臺
邊越兵路幾見起兵埃

釀酒劔池水玉壺清若無揮盃送落月山鬼共歌呼松
間燈如漆白骨漫寒蕪

耕鑿古隧穿乃吳桓王墓金雁隨冷風黃腸畢呈露物

情一作悲歌異今昔踟躕緩歸步

仙人悲世換宴景在清都寒暑自來往英雄生釣屠錢
塘江畔桺風雨夜啼烏

江山國破後弔古一經行輦路苔花碧御溝菰葉生古
跡今寧有新城江上橫

南山靈石澗翠壁掩松關張君已厭世乘螭遂不還蘿

磴餘幽躅今復誰躋攀

贈惟寅

隱几方熟睡故人來扣扉一笑無言說清坐澹忘機衣
上松蘿兩袖中南礪薇知爾山中來山中無是非三十
不娶妻四十不出仕逍遙巖岫間翳名以自肆何曾問
理亂豈復陳美刺高懷如漢陰終老無機事

送惟寅

春江煙靄綠遠樹明晴旭歸雁影斜斜鳴聲斷復續陳
君掛帆去似與雁相逐水際白雲度山中甘雨足安得
從耦耕柴門藝松菊去去且入城懷抱向誰傾姚公有
古道虛夸多遠情俾爾遂高隱狂歌樂幽貞

至正二十三年正月廿日余與諸友集於貞松白

雪軒其地林石奇勝窗牖明潔且主人好文尚

古有文武材欵坐設有醴相與嘯咏以小謝雲

中辨江樹分韻各賦得辨字

境靜塵慮清雨餘山光變池館闕虛閒琴酌申繾綣蔚
哉春木榮憇我飛翮倦石間有題字苔蝕已難辨

對春樹

端坐對春樹影落身上衣美人手所成紉縫願無違步
庭悲往躅瞻景惜餘暉芳襟沾露溼蘭珮委風微凝思
自的的染澤尚依依晨雞催夢短夜鵲逐魂飛歡愛自
茲畢憔悴損容輝

送致用游閩

韓衆禹穴來語我長生訣偶坐聽春雨雨止即言別乃
知茅君山貞居相往還山經許寄我依依師友間貞居
登真久識子十年後掣箱出遺文猶作蛟鼉吼子去遊
七閩漁浦桃花春白鷗飛送爾停橈採綠蘋幔亭幾日
到言笑邈無因憑將棹歌去歌向武夸君

送馬生

送子淮南行繫舟江岸柳翠影舞晴煙落我盃中酒舉
杯向落日春水浮天碧時見白鷗飛雪光翻綺席應笑
披羊裘獨釣江邊石

寄楊廉夫

吳松江水春汀洲多綠蘋彈琴吹鐵篴中有古衣巾我
欲載美酒長歌東問津漁舟狎鷗鳥花下訪秦人

寄李隱者

南汀新月色照見水中蘋便欲乘清影緣源訪隱淪君
住鈿山湖綠酒松花春夢披寒雪去疑是剡溪濱

寄韓介石

江上雨雲歇夕陽歌吹濛朱絃彈綠綺令我憶韓衆魚
戲弱藻下鳥飛明鏡中夢乘清浦月直過雪溪東

次韻呈張德常

陶公興寓酒杜老愁亦酌豪傑千載人處世何磊落吐
詞蔚忠義安貧務簡約嗟哉嚇腐鳶邈矣鳴臯鶴

朱火

朱火日方永涼風拂琴絲麋鹿遊臺苑燕雀悲火帷蕩然京輔地無復漢官儀衆芳日蕪穢陰凝方自茲

寄穹窿主者

山雲淡縱橫幽鳥跂上下寂寥非世欣自足怡靜者平生臥遊趣屋壁何勞寫一作畫還期煮茯苓地爐同夜話

題原道西溪草堂

春水孤邨迴荆溪罨畫西晚日鳴榔起山雨竹雞啼櫻桃花已落蘼蕪綠未齊酒船尋賀監蚤晚到幽棲

煮石山房

汲澗煮白石雲棲南澗隈敲石發新火荆薪藉餘灰坐候升降理靜觀寒燠媒遂忘石鼎沸乍疑山雨來丹成同此術鶴化詎能猜我亦食金液清淺笑蓬萊

出郭

我初來城郭新綠餘薔薇今我既出郭秋蓮落紅衣郊居豈爲是市隱勿云非去去將何從西山行路微塵全夸昆海游潛四月餘賦歸亦無家塊處蝸牛廬身世一逆旅成虧分疾徐反已內自觀此心同太虛

聽錢文則彈琴

牛鳴野窳中雞登山木上黃鍾雜姑洗春容以清亮別鵠暮鳴飛流水春演漾夔爾絃手忘令我形神暢憶昔擅能事宋袁余所向錢君生獨後超軼絕塵鞅操琴晚

清隱集卷一
聞道月斧揮天匠杳如清廟瑟朱絃聽歎唱古道久寂
寥古音亦淪喪促軫淚沾纓歌詩重悲悵

贈王仲和

荒城夜風雨草木曉離披桂馥逗虛牖苔文滋硯池弄
翰聊寄逸永日以自怡且盡一日樂明朝非所知

訓張德機見贈

嘉藻枉我前令人意也消展咏當庭一作前除清陰起涼颺
出何去巖穴隱何逃市朝仙師赤城霞旦旦存神標

贈張士行

雲門有逸客非仕亦非隱玉井千尺泉此士難汲引結
交雲林叟不顧俗嘲哂我拙唯任真子德常戒謹相知

既有素力學仰顏閔久別見容色英資固天稟欲疎不
能忘欲褻不可近

贈友生

春林積雨晴汀江一作渚煙波綠谷鳥語綿蠻澗泉聲斷續
蘿徑無來踪空山聞伐木時援清琴坐還同白雲宿

九日過彥行和韻二首

蕩舟煙景晚舉杯當素秋黃花忽在眼白髮乃滿頭臨
流發悲嘆援琴歌楚調罷席更淹畱明月波間照何事
鹿皮翁逃名隱屠釣

九日喜初晴登高向何處山色見微茫波光淡容與鼓
枻逐輕鷗看雲覓新句適值無懷民相對澄神慮

對酒

題詩石壁上把酒長松間
遠水白雲度晴天孤鶴還
虛亭暎苔竹聊此息躋攀
坐久日已夕春鳥聲關關

贈野處民

水聲轉屋西山翠浮屋東
牀前苔滋雨門外松吟風
怡然無世一作外慮心廣神為充
曲肱以飲水至樂在其中
擊壤歌往古寧知事王公

靈鶴辭

陶公職仙署子良亦冥通
所修楊許業存思在祝融
周卿宅丹元末能仰仙宗
神明接祈禱虛夸恒恪恭
飛霞煥玉檢流響徹金宮
白鶴翔香烟僊僊載冷風
舞影綠室羽車儼浮空
步虛酌明水逶迤清夜終

陸德中祈雨有感

辟穀清虛久晨窓食絳霞
濯神咸池水宴景丹元家
憂國悲民瘼旱郊起雷車
枯魚出涸轍槁苗生稻花
我住清江渚種芹遶江沙
忽乘蓮葉舟贈我仙掌茶
擬訪安期生為覓棗如瓜

卧病

早憂命觴筭抱疾忽經旬
止酒卻腥腐端居謝喧塵
龕穢除內滯清虛以怡神
江雲載飛雨飄飄灑衣巾
矯首詠玄虛精思候仙真
道園遊恬淡心兵息狂狃
泠然風

清閼閣全集卷之一
濤靜鼓柅銀河津戒哉貪饕子病原果何因

清閼閣全集卷之一

清閼閣全集卷之二

梁溪 倪 瓚 元鎮 著

海上後學曹培廉 敬三 校

五言古詩

與全希賢

臥疴久不憚微瘳起行吟徑苔無來跡出門江水淡懷
我平生友金蘭契同心欲共一尊酒道遠力不任有客
闖我戶晤言樂中林飄蕭綠髮僊亦見雪滿簪取琴與
子彈悠悠山水音能成伐木詩歌以慰所欽

酬友生

擁褐南軒一作榮下晨暎煖似春忽思王子晉醉着白綸巾

遊宴無冬夏清狂忘主賓能持麋鹿脯寄與不羈人
尋友人不遇

洲渚多落英沂流尋遠山輕舟載美酒搖蕩綠波間俯
詠拾瑤草遐思隘塵寰緣忽失遇悵望遂空還

次張仲舉韻

秧疇蒔已遍午饑休中林忽聞輶車至攬衣欣慨淡遂
尋修竹下共憇西澗陰汲泉以煮茗遐哉遺世心

薛常州讓田詩

延陵古吳地泰伯有遺風仁讓自家國士民知孝忠春
暉草心碧日暮荆花紅為感使君政嗟時誰與同

潘公鳴臯軒

白鶴稟靈質翩翩有奇姿海月比高潔巖雲共逶迤池
上菖蒲花春煙紫綏綏飛鳴聊飲啄乘風來下之我登
鳴臯軒遂賦鳴臯詩安得赤玉笙一作鶴上吹參差
為張來儀賦匡山讀書處

廬山鬱岩堯上有香爐峰影落碧天外翠玉琢芙蓉牽
蘿讀書處雲磴無行踪猶遺石巖苔花開紫丰茸愁心
飛春雪寶劔沈雙龍應化蘇耽鶴歸棲千歲松山巖採
芝叟久別倘相逢

瞻雲軒 有引

金君伯祥名其先君墓左之室曰瞻雲軒蓋以寓夫孝思油然而義也
若夫父祖之魂氣精神其昭合感通之妙齋思則如見敬祭則來格開
牖而天光臨鑿池而泉脉動洋洋乎如在其上如在其左右者豈足為喻哉於是廣其義而為之賦詩

白雲起石上迅逸如迸泉汎演乎林莽飄颻乎山川飛霞共聯絡凱風與周旋開軒滌遐想我思何緜緜顧瞻忽在茲亦復停披焉卷舒無定理變幻徒縈纏興念松下塵若承鶴上仙空花結浮翳百態交我前戚欣從妄起心寂合自然當識太虛體勿隨形影遷

張鍊師祠醮感致瑞鶴賦贈

我識白雲君尚友赤松子仙署閱清巖社公隨役使步虛禮初日飛神謁鈞天時有五白鶴翩翩一作飛飛遶香煙手栽千樹桃風吹劫灰盡避世星壇西溪竹聞清磬倏來密霧集忽遂冷風還窗裏遺瑤瑟空中鏘珮環

題趙若巖龍山精舍

我生倦馳騫無機如漢陰重遊古蘭若對山開我襟風流李謫仙賞靜諧夙心琅然哦新詩如聞大雅音回首石林晚白雲花雨深

詠蓮

迴翔波間風的歷葉上露清池結素彩華月映微步雲陰花房斂雨歇芳氣度欲去拾明璫踟躕惜遲暮

送陳惟允之金陵

雪消江水綠花發冶城春白下烏衣處輕舟去問津指日望京國行歌非隱淪好及三釜養歸來以榮親

徐氏南園對雨

櫻桃花欲落風雨暮淒迷忽憶郊園日竹林通磻西弱

蔓滋野援蘭葉長芳畦念我當時友蒿萊沒舊蹊

春日有感

春岼生蘼蕪春風生蘭茝夢見平生歡美人今何在丹
槁玄以白忽忽容鬢改年邁誰能復憂來誰與解

七月廿四日風雨寂寥與玄度集宗道南窗具酒

肴宴談遂以永日因賦

蕭條風雨秋次寂窓牖晚故人山中來杯酒意勤懇歛
眷念乖濶握手話情悃千載鶴怨悲九時蓬萊尊市脯
良不易枯魚雜乾脰一作饌浮雲幾翻覆人事非余忖得時
寧足誇失勢焉用憤荆溪丘壑多松水饒芝菌結茅駕
厓巔雲棲且安穩瑶草手堪摘一作夏清冬與燠何事錡與番逐逐

闐闐遊戚戚塵俗混張子邃古學林君業務本達人解
其會畧近宜志遠鍾氏曷仇嵇司馬亦藉阮鹿遊姑蘇
臺鳥下長洲苑麻姑固狡獪蓬萊歎清淺七袞吾已老
一簣君宜勉後會未可期作詩陳繾綣

為方厓畫山就題

摩詰畫山時見山不見畫松雪白纏絡飛鳥亦閒暇我
初學揮染見物皆畫似郊行及城遊物物歸畫笥為問
方厓師孰假孰為真墨池挹涓滴寓我無邊春

題驪山圖

校獵上林苑洗馬昆明池霜威肅笳鼓雲氣畫車旗馬
班陳賦咏衛霍綏蠻夸王風既未遠文明方在茲逶迤

霄漢上鳳皇尚來儀

為徐有常畫葉湖別墅

葉湖水淪漣松陵在其西望見吳門山波上翠眉低白
蘋晚風起寒烟遠樹齊水蕉籠華檻一作筆格露柳罩金堤居
貞寧汲汲旅泊自棲棲屏處觀魚鳥風雨夜烏啼

題墨竹送顧克善府判之高郵

高郵古淮甸世產不乏賢顧君往佐郡才華當妙年歌
詩隱金石八音以相宣侈哉錦囊句雅甚朱絲絃而此
艱虞際撫事一愴然饑者易為食君能念顛連何以贈
子行墨君霜節堅

三月六日同李徵士遊禪悅僧舍禮上人出柯博

士所賦詩以示僕而博士君歿已二年展誦為
之悽斷因次其韻於後

佛生七佛後乃知青出藍寒月留孤光世人徒指談嗟
余墮狙網朝暮逐四三悲嘆明鏡塵何由息禪龕

題畫贈岳道士

義興岳道士野鶴如長身我知彌明徒不是侯喜倫結
喉吟肩聳鐵脊霜髯新手中石碁子頭上漉酒巾久居
離墨山自謂無懷民喪亂不經意松陵留十旬香雲作
輿衛長松為主賓既滋數畦菊復種二畝芹樂哉以忘
死道富寧憂貧為我具舟楫相期桃花春

題畫贈徐季明

梓樹陰當戶時聞好鳥鳴獨攜一壺酒展席坐前楹招
邀白鶴侶吹弄紫鸞笙杳杳日景晚紛紛飛絮輕風翻
竹影亂明月已東生

龍門茶屋圖

龍門秋月影茶屋白雲泉不與世人賞瑤草自年年上
有天池水松風舞淪漣何當躡飛鳧去采池中蓮

畫贈呂志學

江雲昏絕巘汀樹猶斜陽獨立霜柳下渺然懷故鄉歸
來茅屋底篝燈寫微茫

畫竹贈志學

綠竹飽霜雪歲寒無荏容風至天然笑復愛夏陰濃寒

暑不能移德比柏與松豈若桃李榮春花但丰茸

畫竹寄友人

先春競桃李凌陽嘆蒲柳謝君靜者徒種竹安所守亭
亭清淨心鬱鬱霜雪後賦詩寄遠懷此君真可久

西老圖

弔古嘆流俗高人陳太丘開牕玩蘭雪邀我畫瀛洲池

上哦一作賦青詠林間恣遠遊悠然遂永日下榻更淹留

題畫贈九成有引

至正十二年三月八日冒風雨過九成荆溪舟中劉德方郎官放舟煙
渚留宿談詩明日快晴移舟綠水岸下相與嘯咏仰睇南山遙瞻飛雲
夾岸桃柳相矚如散綺霞掇芳芹而薦潔瀉山瓢而樂志九成出片紙
命画眼前景物紙惡筆凡固欲騁其逸思大乏騏驥康莊也歐陽公每
云筆硯精良人生一樂書畫同理余亦云焉
時舟中章鍊師岳隱者對奕吳老生吹洞簫

清隱閣全集卷二
故人郊掾史邀我宿溪船把酒風雨至論詩煙渚前晨
興就清盥思逸愛春天復遇武陵守共尋花滿川

黃本中書齋爲寫寄傲窓圖

庭樹綠交陰時鳥語清綿春竹羅徑筍夏花敷沼蓮慨
然三季後契彼羲農前古井汲修綆空齋緼素絃長歌
歸去來悟悅陶公賢終尋桃花崦息景窮幽玄

送賢良北上

吳山朝靄外閭門春雨餘超忽孤帆遠天末浮雲舒君
今北闕遊我棲南山廬荷鋤事耕作閉戶咏詩書高林
鳴禽曙青苔行跡踈還期茅簷下一枉故人車

惻惻行

三月十五日陸玄素將從梁鴻山歸吳松之上是夕坐至夜
分始別余入舟賦此追至梁鴻山寄之以定及冬重來之約

惻惻復惻惻憂思從中發感子遠來訪畏子遽言別不
有同心人何以慰孤寂矧茲春夏交蕭艾盈路側江水
亦浩漾風帆還飄突行將阻攜手轉覺意忽忽交好匪
在今高誼敦自咎人生寧無別所悲歲時易坐嘆辛夷
紫還傷蕙草碧僕夫竊相告怪我悲憤塞山中梁鴻棲
江上陸機宅井臼今蕪穢鶴唳亦寂寞余往經其墟徘徊
徧但陳迹天地真旅舍身世等行客汎汎何所損皎皎
奚自益修短諒同歸數面聊歡懌

寄張外史

神鸞戲玄圃巨鱗偃演渤爾亦碧巘中遁形修隱訣燒

香庭竹淨洗研池苔滑撫弄無絃琴招邀青天月跡高
行亦苦冰蘖忌芳潔何當往相尋拂石棲松雪

次韻別鄭明德

思君阻言笑三歲同一日既見令人怒不見令人憶揮
觴縱謔浪抗論殫今昔世方雜涇渭已乃忘得失饒涎
飫甘美醉眼亂朱碧少逢人眼青每遇俗眼白不隨世
混混自喜心得得講學日光輝盡性久循率不意吳市
門尚復有此客茅齋素壁上佳句手自摘楓林已搖落
梅蕊尚未折吁嗟歲云暮感歎終日夕殘生能幾面念
此氣填臆富貴真可羞功名竟何物世事蟹登斲危機
猩着屐翁乎善自守氣體保寧逸去去勿重陳且復混

玉石

贈張以中

吾友張以中少年如老翁因過修竹裏邀我碧巖東琥
珀松醪醞玻璃茗碗紅子端今已矣千載事同風

答張鍊師

安居已度夏臥病乃經秋朝菌悲影短風萍歎波浮寸
田勤自治德宅可歸休慎勿與時競心境似虛舟

贈陸有恒

學行美德業孝弟為本根朝益以暮習夏清而冬溫無
逸勤稼穡幹蠱持戶門勿為習俗流必念古義敦謹身
尚節儉從善報蘭蓀堯舜雖有子朱均乃淫昏瞽鯨何

頑凶子也大聖尊蓮固生汚泥木可爲犧尊簡編蝨蟬
出各有至理存惟人異禽獸暴棄湮其源惟學必由本
根深見枝蕃於何繡輦悅外飾奚足論安宅正路間爾
居行爾轅斯道邇且易至樂不可諼

次韻張伯琦

長嘆悲人寰彈琴想天際夏殷禮相因孰謂周可繼大
道久榛蕪高才日凌替遺書歎不泯授受豈有二鄒孟
道性善宅路喻仁義後生事言說慨彼涕沾袂允矣二
三子仰鑽互立志松柏受命獨歲寒鬱蒼翠誰歟無媿
作夙駕尋吾契

贈友

一作律詩

父子相師友周南義理門阿翁如玉潔賢嗣似春溫舍
後自生笋堂陰亦樹萱西山近在望靜默以忘言

吾友陸友仁甫舊得古銅印一紐以示余辨之文
曰陸定之印以名其子而字之曰仲安友仁旣
沒仲安求爲賦焉

吾友伯仁甫覽古閱世盲示我古印章始得自幽并辨
文曰定之釋義爲爾名旣名字仲安勗哉在敬誠仁甫
今則亡緬懷涕沾纓繫簪黃太史結交漢米生手持玉
刻文螭鈕交縱橫上有元暉字印剞與弗輕殷勤字其
兒祖父冀可繩久矣學業懋繼述暉芳英書畫比二王
價重十連城高躅思仰止景行爾其行

韓伯休

韓康抱淵靜匿影以逃名亦有梁伯鸞五噫出漢京諒
哉古賢達道與人俱貞不以身徇物物固莫之撓胡爲
貴目前狗苟且蠅營粗計一時得不禍害乃生爾其繩
祖武景行尚勉行

畧上人松月軒

虛牖宿閒雲長松掛明月道人初定起淨境無炎熱手
持青鸞帚衣掃石上雪冷然滌心塵寂照光不滅

和拙逸先生閒居韻

芻豢非所悅甘我藜藿味無辱奚必榮知足方可慰客
行值炎天嘉木予來暨禁汝忿慾心養此浩然氣見義

思必爲奮若泉感沸學焉苟無成斯亦不足畏

寄良夫契友

昔者安豐董朝耕暮讀書親樂以妻順山樵而水漁徐
子慕古義林臥獨端居彈琴咏王風窅然觀化初月窗
淡疎竹跣趺當久如

附次韻

徐達左

故人雲山表日事琴與書藹然重交義不肯忘樵漁奚奴將錦囊來覓水竹居
佳画入幽趣雅句復古初七襄不成報高風慕相如

答徐良夫

八月七日偕耕雲叟訪耕漁隱者風雨寂寥中爲留三日有圖書筆硯之樂九日耕漁賦詩見贈次韻奉答

雲臥雨聲集庭樹颯以秋身同孤飛鶴心若不繫舟燕
組登松菌匏尊輒礪流蘭芳日凋悴吾生行歸休不作

蟻夢遊神鳳麟洲青山澹相對白髮忽滿頭仙去雲
冉冉風鳴竹修脩諒哉伐木詩鳥嚶尚相求居吳二十
載未及茲山遊君才如鮑謝搗詞亦云優歡然敬愛客
能不為爾留桑土夙所徹戶牖何綢繆地無車馬塵路
轉巖穴幽既晴引飛屨回望林間樓

附錄謝雲林處士畊雲照磨見訪

徐達左

涼風起幽壑蟋蟀鳴素秋之子從何來飄然駕輕舟蕭散古冠帶乃若晉風流
須眉既皓皓吟嘯方休休永懷眉山學氣逸鸚鵡洲能書誇草聖善畫追虎頭
嗟哉市井人白眼看前修鶴鳴溪渚陰自為同氣求握手叙心素忘形誠舊遊
為子下塵榻再宿情思優雖無盤飧美蘋藻聊淹留開懷寫高興彼此情綢繆
况有王衍談臨清借討幽期看丹桂月尊酒登南樓

次徐山人與雲林贈答詩韻

高啓

管遊紫藤塢空山鶴鳴秋相望隱人居興蘭竟回舟邇來獲晤賞玄談劇風流
每欲開南軒招我共偃休天寒鴻雁鳴芰荷落長洲豈無一釣船訪子溪水頭
終慚文墨牽只尺成阻修聽雨掩閣臥觀泉上巖遊朝覽贈答篇詞藻誇兩優
我本丘壑人猿鶴肯見留擬結歲晏期壺觴展綢繆况聆西澗濱禪宮閱清幽
夜看太湖月遲我同登樓

題高士圖

倪元鎮山水圖為胡中書題次韻 載李文正公麓堂續稿
移尊向別園展卷開清秋上有千仞峰下有一葉舟蕭蕭虛籟響脉脉寒谿流
時則當改序吾方賦歸休鶴鳴謝高侶鸚鵡思芳洲種松少三徑栽橘無千頭
卜居擬南國仰止懷前修松柳昔遺跡蘭陵多勝遊往事勿復道遺蹤猶可求
畫圖與詩卷天地長為留辭榮獲高價所直亦已優生也諒云晚感之念綢繆
恨無雲霄翼暫此林亭幽眼中人老矣空憶仲宣樓

僵臥雪塞戶汝南表邵公冠蓋洛陽令掃雪見高風冷
竈不生煙虛筭久塵蒙投謁非吾事舍君其誰從

道翁先生取余棄筆戲成五言因次韻

生與硯為隣惟知楮穎珍饑為雜吟嘯那用憂空困天
矯鍾王跡道媚骨肉勻澄懷靜臨寫時時見天真

吳淞山色圖

一作律詩

吳淞春水綠搖蕩半江雲嵐翠窗前落松聲渚際聞潘

清隱集卷二
郎狂嗜古容我醉書裙鼓柁他年去相從遠俗氛

惟寅友兄雅志林壑遠寄佳紙命僕寫圖賦詩因

作此以寄歲已亥五月八日

齋居誰爲友毛穎與陶泓有客附書至云是楮先生潔
白中含素柔滑表至精愛此風林意更起丘壑情寫圖
以閒咏不在象與聲

至正乙巳五月三日過開元精舍希遠首座爲設

湯餅煮茗焚香相晌明日將還穹窿寺因寫竹

枝賦詩贈別

僧夏已安居還山寺在郭初心了玄解自不爲律縛度
水獨浮杯采苓時負鏤余亦漫浪人枵然慚濩落

余自與庸叔別後不相見近十載矣今年冬邂逅

吳下班荆道舊殆若隔世因寫霜林遠岫圖并

賦詩以贈

賀公雅吳語嘗誦少陵詩遠孫有古風隱居淮水湄開
牖望青山尋真歌紫芝鏡湖似清淮煙濤春渺瀰何當
棹酒艇與爾相娛嬉永言以鼓瑟獻酬斟酌之伊魯龍
眠莊山水含清暉松桂蔚佳色田疇足耘耔結茅飯松
朮忘年樂熙熙贈此以爲好同心勿乖違

廿二日贈別耕雲

王君瑚璉器清鑒涵水鏡忍窮如鐵石居易安義命鳳
兮出非時不與凡鳥並勤勞世勲胄忠孝本天性白圭

絕微瑕朱絃駭羣聽任直唯疾讒亂雅猶惡鄭悄悄慍
迫隘咄咄恥奔競西壠松桂林白雲森相映巖僧同棲
止林叟奮嘯咏於時無美刺托物善比興藹然顏淵樂
陋彼原憲病瑗乎知非久慧也安心竟怡性壽而康克
戰道斯勝蕙草秋更綠松聲寒愈勁何當戲玄洲相期
適遐迴

廿三日聞耕雲至北村將來此

自余來南邨忽忽數日矣犬豕混人目烏鳶聒人耳不
見佳友生如逃空谷底足音聞蹙然云胡而不喜

曹君達卿婁江西渚隱君子也自號古民息景燕
處以禮義悅心亦不求知於人今年七十三而

耳目聰明體力強健有三男子皆能愉婉其容
色以爲養又信而智古之樂以悅生優游以佚
老者吾昔聞而今見之矣耕學叟命爲之詩
隱處婁江渚逍遙古逸民苔石作牀坐青山爲主賓商
巖黃綺輩北牖羲皇人漁郎問津去源上桃花春

蘧廬詩

并序 蘧廬子蔡質子賢也

有逸人居長洲東荒寒寂寞之濱結茅以偃息其中名之曰蘧廬且曰
人世等過客天地一蘧廬耳吾觀昔之富貴利達者其綺衣玉食朱戶
翠箔轉瞬化爲荒烟蕩爲冷風其骨未寒其子若孫已號寒啼飢於塗
矣生死窮達之境利害毀譽之場自其拘者觀之蓋有不勝悲者自其
達者觀之殆不直一笑也何則此身亦非吾之所有况身外事哉莊周
氏之達生死齊物我是遊乎物之外者豈以一芥蒂於胸中莊周我所
師也寧爲喜晝悲夜貪榮無衰哉予嘗友其人而今聞
其言如此蓋可嘉也庚戌歲冬予凡一宿蘧廬賦贈

天地一蘧廬生死猶旦暮奈何世中人逐逐不返顧此

身非我有易晞等朝露世短謀則長嗟哉勞調度彼云
財斯聚我以道爲富坐知天下曠視我不出戶榮公且
行歌帶索何必惡

寄叔方

乖阻方徂秋忽然已改年樓前櫻桃花開落春風顛米
船到家日雨砌溜涓涓綠酒仍滿眼素琴久無弦呼我
共斟酌歡劇更惘然處窮則已固言達誰當先俯仰歎
鳶魚浮沉各天淵慎勿傷本性木雕而土埏鸞翔安可
挽青雲氣翩翩猶羨羲皇人清風北窗眠

癸丑八月訪耕雲高士於西巖因寫耕雲軒圖又
爲之詩

芝田耒耜閒石廩山雲滿渚際荷衣翻巖前蘿帶緩垂
露藹輕帷芳池沃清盥霞飡非腥腐物化自修短空困
未足憂服食滋楨幹

宿王耕雲山居

城市厭煩燠江山玩清遠盥濯臨石湖吟嘯望雲巖范
公遊集地登陟塵情遣悽悽靡遺構鬱鬱猶荒苑仙人
王子晉抱道雲舒卷鳳吹翔河汾鶴巢來棲偃涼風縱
逸棹溪水清漣漣何當采靈芝忘年從嵇阮

周遜學辭親秋暑將事于役因寫幽磻寒松圖并
詩以遺之亦若招隱之意云

秋暑多病暍征夫怨行路瑟瑟幽澗松清陰滿庭戶風

聲雜湍激古音奏韶濩張幄儼停雲垂帷粲繁露諒哉
如金玉周子美無度息景無狂馳笑言以胥晤

附次韻

周南老

冷冷澗底泉迢迢溪上路陰聲生松風好山當牖戶
應門幸有子茲行迫王度願言早還家衰年慰言晤
應門幸有子茲行迫王度願言早還家衰年慰言晤

拙逸先生賦古意見招次韻奉答

楚狂咎悲歌鳳兮何德衰行邁心搖搖薺青麥離離雨
雲歎輕薄交道傷嶮巇鴻鵠志自遠燕雀棲其卑風吹
枳棘藜月照琅玕枝姦慝與賢智邪正亦易推忠本由
恕立義豈為利移瞳子分瞭眊履蹈知醇疵折桺以樊
圃狂夫尚睢睢不以禮自防言動輕乖宜友焉不以道
異端固紛披君看枯魚泣魴鯉慎所之

題吳仲圭詩畫次韻

元初真士嘗居嘉禾紫虛觀好與吳仲圭隱君遊故得其詩畫為多今
年十月余始識元初即出示此幀命僕賦詩因走筆次吳隱君詩韻題
於上隱君自號梅花道人云至正廿一年辛丑

鴛湖在嘉禾湖水春浩蕩家住梅花邨夢遶白雲鄉弄
翰自清逸歌詩更悠長緬懷圖中人看雲杖枕榔

一作

附梅花道人原韻
平林方漠漠野水正湯湯蒼莽日欲暮辛苦客異鄉草店月迴合村路迂更長
渡頭人散後漁父正鳴榔

清閔閣全集卷之二

清閼閣全集卷之三

梁溪 倪瓚 元鎮 著

海上後學曹培廉 敬三 校

五言律詩

積雨

積雨生朝菌微風墮碧蓮鵝池汲書水鶴帳理琴絃屐
躡苔衣破窓承樹影圓空林無與語長夏曲肱眠

春日客懷

白鶴煙霧遠滄洲雲海寬藤蕪細雨溼桃李春風寒沉
憂鬱不解離緒杳無端還憶郊園集琴醞共清
與張貞居雲林堂宴集分得春字

青苔網庭除曠然無俗塵
依微樵徑接曲密農圃隣
鳴禽已變夏疎花尚駐春
坐對盈樽酒欣從心所親

秋日寄謝參軍

岩堯太華隱婉戀東山情
學本猶龍老詩工阮步兵
心期流水遠世事浮雲輕
公府饒才彥琅琅玉雪明

次韻寄王長史

示病維摩室端居無俗情
清齋久絕飲白首不論兵
露僻蛩吟切風林鶴骨輕
何時同一作王內史清咏向蟾一作相見眼增

明

賦雪舟

一舸星河渚空明玉氣浮
懷仙李太白訪逵王子猷
月

色

一作明

如可掇曙光疑欲流銀屏雲母幃
夢為笙鶴遊

寄王道士宗晉

王君舊隱地聞夏結茅茨
鶴斲春栽苧鵝羣雪泛池
時歌綠水曲不負碧山期
夜雨生芳一作春草令人起夢思

題張德常良常草堂二首

一室良常洞幽淡古大茅
風瓢元自寂畦甕不知勞
獨出逢騎虎初來學種桃
還應白雲裏遲子共遊遨

翠壁鄰丹竈青楓背草堂
琴書聊卒歲麋鹿自成行
疊澗一作澗流杯滑飛花入座香
寧無問津者及此繫舟航

悼項山清上人

幽曠山中樂飄飄物外踪
梵餘閒憇石定起獨哦松
花

落春衣靜雲垂澗戶重依依種蓮處林暝只聞鐘

垂虹亭

墟閣春城外澄湖暮雨邊飛雲忽入戶去鳥欲窮天林
屋青西暎吳松碧左連登臨感時物快吸酒如川

稽山草堂爲韓致因賦

稽山讀書處應近賀公湖礪月懸蘿鏡汀花落酒壺賣
藥入城市扁舟在菰蒲逃名向淡僻君豈伯休徒

俞子中見過

積雨衆芳歇新晴生綠陰獨眠方不愜多子復相尋鳴
鹿在春野啼鶯聞遠林余懷良已罄咏嘯罷清琴

邀張彥高

清風入庭戶野客意悠哉一與佳人別堦前生綠苔參

差松影亂

一作鬱鬱
松陰晚

寂歷

一作
悄悄

竹扉開我有盈樽酒懸榻待

君來

用韻重寄

山齋秋聽雨高臥興悠哉鹿飲荒池水蝸耕石逕苔寶
瑟芳塵滿臨尊詎忍開長吟我有待躡屩子能來

贈簡上人

初公經閣裏復遇簡禪師好飲茅君酒狂吟杜牧詩錢
唐江上去楊柳花飛時帆影青山隔依依夢見之

題張氏藪竹軒

高軒自虛曠幽竹亦藪生苔石寒依玉風泉夜奏笙治

冠輕可着醞酒綠因名好折青鸞尾仙壇掃月明

遊善權洞

載宜興縣志

來窺善權洞一上李公樓水玦巖前引雲旌松際浮然
燈長不夜垂釣只虛舟欲讀吳朝刻真成冒雪遊

野眺寄友

一作賦平野

見話幽人屋荒城落日邊川原一作途漫浩浩煙樹靄芊芊
野稻初收碧江魚上釣鮮何當剩沽酒直到爾門前

寄徐仲清

巖谷採靈藥蕭條棲遁情白雲簷下宿海鶴堦前鳴燕
俎登春菌晨飧脯竹萌詩憑五瀉水好過蘭陵城

贈劉道益并似陸明本

作賦雲間陸能詩鄴下劉悲秋多遠思揆柁作清遊竹
冷侵衣屨窓虛見女牛燈前一杯酒漂泊更維舟

賦德機徵君荆南精舍圖

結廬溪水南勝處一作憂幽撥夏果足山雨春衣染夕嵐
石欹招鶴磴門俯射蛟潭日日縈歸夢蕭條雪滿簷

次唐綦毋潛宿龍興寺韻寄方厓

無家何處歸南渚有禪扉湘簟間秋水風一作池蓮墮粉一作羽
衣硯池滋黯黯竹露淨微微社一作秋燕情如客攬君去槩

飛

贈謝長源

公子太傅裔好於湖上居卷簾微雨裏岼幘晚風餘古

刻秦斯篆玄經許椽書何當尋好事鼓枻及秋初
贈墨生

巖谷春風起桐花落澗紅隔水輕煙發收煤石竈中豹
囊秘玄玉鵝池生白虹湯生法潘谷千載事還同

雲槎軒

已比溝中斲空思海上浮隨雲秋汎汎貫月夜悠悠無
路通河漢憑誰問女牛漂搖非有待吾道付滄洲

悼朱高士

秋日高人逝微霜蕙草摧鵝群空碧沼鶴影自層臺應
御冷風出疑隨密霧來杉松暮蕭瑟撫事有餘哀

贈道益

簪者劉高士匡山曾結廬插籬培杞菊充棟著圖書鶴
影秋雲外蛩吟夜雨餘茂深繩祖武息景在林居

送徐元度還江西

悠悠西江水綿綿江上山借問離羣鶴孤飛幾時還白
雪亦忌潔青雲安可攀時時王子晉吹笙向人間

題元朴上人壁

蕭條江上寺迢遞白雲橫坐待高僧久時聞落葉聲鴟
夸懷往躅一作事張翰有餘情獨掉扁舟去門前潮未生

贈沈文舉

波光浮草閣苔色上春衣楊柳鶯啼暗櫻桃鳥啄稀榮
名非所慕登覽竟忘歸泖水宜修禊重來坐釣磯

七月十四日對雨

雨簷驚瀉瀑江漲忽通渠古砌羅秋草荒畦綴晚蔬稍
開雲表月還掩篋中書欲話幽貞意忘言已久如

寄虞子賢

天濶海漫漫崑山望眼寬桃源迷晉世松樹受秦官雨
蘚鹿迹一作迹遍霜梧鸞影寒封題數行字聊爾問一作問平安

徐伯樞歸耘軒作

歸耘向何處近在東膠山白雲宿虛牖釣艇當荒灣彈
琴送落月濯纓弄潺湲寸田勿稂莠所願勤治芟

贈張韓二君

張仲情何厚韓康誼亦淡賦詩論宿好聚首契初心阮

藉惟須酒陶潛不解琴與君忘爾汝蕭散鶴鳴陰

次韻酬彞齋見詒二首

秋氣入幽居堦前樹影疎筋骸渾懶惰服食轉清虛薄
晚魚潛渚新晴溜繞除茯苓期共煮悵望苦吟餘

荆溪丘壑遠暇日得躋攀野客時相過高人意自閒敲
門看修竹卜宅近青山勝事今寧有幽吟一解顏

暮春期潘徵君不至

風林驚宿雨澗戶落殘花芳月忽已晚幽期良恐賒黃
鸝念求友鸚鵡呼煮茶猶候犢車至心親寧憚遐

義興王子明以竹菌餽余口占謝之

竹下拾煙菌筠籃初送將亭亭似三秀楚楚異衆芳猶

帶雨露氣更懷泉石鄉此日山中客笋蕨得新嘗

贈公遠

霜葉落欲盡晚山看更青躡將沙際屐坐久水邊亭俛
仰已如夢漂搖同汎萍稻粱非所戀黃鵠思冥冥

對雨懷張貞居

戶庭來遊絕園林飛雨滋芳氣初襲蕙園文復散池栽
書恐沾溼聽一作對溜謾懷思清溪已可汎方舟幸及茲

附次元鎮見懷韻

張天雨

玄句何蕭蕭咀味生華滋換着空頂幘把卷適臨池憐君柔緩情起我淹留思
丘園歲將晏幽期方自茲

送僧

聞說四明道山川似若耶去依阿育塢還宿梵王家野

市一作封殘雪江船聚晚沙光公強健否持底作生涯

贈王光大

荆溪王隱士相見每從容借地仍栽竹巢雲獨傍松青
苔盤石淨嘉樹綠陰重約我同棲遁嵩高第幾峯

聽雨

樓上看春雨玉笙悲遠天辛夸紅染一作點筆芳草綠搖煙
冉冉侵書幌冥冥溼釣船新愁嫌點滴元不到鷗邊

送李徵君遊荆溪因寄王司丞

何處尋狂客故人王子猷花落庭前樹風吹溪上舟紫
笋生春雨綠蕢滿芳洲心隨酒船發悵望不能休

五雲書室

幽淡隱者宅迢遞少微山賀公鏡湖曲李白棹歌還雨
几研苔碧風軒江竹斑韓衆近何似晏景白雲間

雨霽呈德常

積雨琴絲緩泔堦蘚碧滋泥途方汨沒茅屋且棲遲酒
向隣家貰杯從野老持便應繇一作從此去海上候安期

答明卿

林靄去鶴唳孤煙原上邨稊澗綠雲滿換幘晴景暄處
和斯遺隘抱冲自寡言君亦固窮節衆溺何當援

張天民溪亭

罨畫溪亭月當窗影夏妍朱絃彈綠水細柳舞春烟杜
牧何年宅山僧棲夜禪張公一杯酒獨醉羲皇前

雨几

雨几唯生睡邨醪不解愁泥塗淡濁象身世眇浮漚徑
草紛披溼林扉慘淡秋何人富春渚五月披羊裘

寄張景昭

煙渚落日後風林清嘯餘輕舟下天際高人遺素書筍
脯炊菰米松醪薦菊菹子有林壑趣江海一迂疎

荒邨

踽踽荒邨客悠悠遠遁情竹梧秋雨碧荷芰晚波明穴
鼠能人拱池鵝類鶴鳴蕭條阮遙集幾屐了餘生

答光大

空谷枉嘉藻幽吟當素一作稟秋詩鏗清廟瑟書聳屈盧矛

學業余多愧才華子獨優飛鸞天外羽斯世邈難儔
寄東白上人

楓林散霞綺湖水淡秋烟忽憶白一作北麻漾初春掉酒船
羽客借鱸具高僧醉棲禪何時來甫里痛飲菊花前

酬雲浦

尋真狎隱淪息景絕風塵屈子能安義陶公每任真山
中宜餌朮江上憶羹蓴亦欲從棲遯柴車爲爾巾

題丘氏壁

我愛丘君宅蕭然隱者風石邊蒙細篠井上植高桐墨
沼鵝群白雲窗藥蕊紅咏歌當上已修禊樂融融

桂花

桂花留晚色簾影淡秋光靡靡風還落菲菲夜未央玉
繩低缺月金鴨罷焚香忽起故園想泠然歸夢長

寄章心遠

江海章高士相違已半年青山雲冉冉白鶴影翩翩坐
看神鰲下行吟秋水邊何當拾瑤草遲子華峰一作山巔

賦雪蓬

手把玉麈尾身披素綺裘梨花紫夜月柳絮入虛舟不
作饑鳶咏其如載酒遊因懷剡溪興烟水暮悠悠

輓張德常

孝弟由天性清貞有祖風宦遊江郭遠歸隱曲林通嗜
古真成癖歌詩信已工有才悲賈傅荏苒百年中

畫寄王雲浦

蕭散賢公子，衡門似水清。
花間青鳥過，砌下綠苔生。
山色排簷入，江波照眼明。
開圖想幽境，欲爲寫閒情。

高進道水竹居

我愛高隱士，移家水竹邊。
白雲行鏡裏，翠雨落堦前。
獨坐敷書席，相過趁釣船。
何當重來此，爲醉酒如川。

寄王叔明

能詩何水部，愛石米南宮。
允爾一作矣英才最，居然外祖風。
釣絲煙霧外，船影畫圖中。
他日千金積，陶朱術偶同。

秋日贈張茂實

久客東海上，秋風吹練裙。
放言愛莊叟，笑癖如綠雲。
采

藥清晨出哦，詩靜夜聞滄浪。
可濯足吾與爾，爲羣

期友人不至

山寺擁爐夜，風聲如怒濤。
獨吟何水部，還思王騎曹。
曠達余所羨，阻別心增勞。
來茲慰幽寂，輕舟幸卽操。

義興吳國良，用桐烟製墨。
將遊吳中，求售賦詩以

速其行

生住荆溪上，桐花收夕烟。
墨成羣玉秘，囊售百金傳。
孰謂奚珪勝，徒稱潘谷仙。
老松端媿汝，法已入玄玄。
一作桐法更清妍

題方厓墨蘭

蕭散重居寺，春風蕙草生。
幽林蒼蘚地，綠葉紫璫莖。
早悟聞思入，終由幻化成。
虛空描不盡，明月照敷榮。

為唐景玉畫丘壑圖因題

丹經畱玉斧真籙佩青童
蛻跡氛埃外怡情巖穴中
吹笙緱嶺月理詠舞雩風
欲畫玄洲趣揮毫清興同

題風竹圖贈于靜遠

故人于靜遠訪我到南湖
作黍蔬親澗開筵酒屢沽
臨流同嘯咏剪燭尚歌呼
長夜清無寐還為風竹圖

題畫

甫里林居靜江湖遠浸山
漁舟衝雨出巢鶴帶雲還
漉酒松肪滑敷茵楮雪閒
春風一來過似泊武陵灣

為文舉畫泖山圖因題

華亭西畔路來訪舊時踪
月浸半江水蓮開九朶峰
酒

杯時可把林叟或相從
興盡冷然去雲濤起壑松

畫竹寄王彞齋

荆南山色裏翠竹密緣溪
冉冉春煙薄冥冥暮雨迷
夢長蝴蝶化行遠鷓鴣啼
舊日栽桃李清陰自滿蹊

題李遵道山居圖

披圖慘不樂日暮眇余思
坐石看雲處空齋對榻時
世途悲荏苒墨氣尚淋漓
惆悵騎鯨客於今豈有之

贈王生蒙泉

曉鏡拂秋水晴簷度白雲
青春去浩浩艷蕊落紛紛
道在形神豫心由瞭眊分
君其慎語默世事豈余聞

畫江天晚色贈志學

不見呂君久題詩懷不忘風聲渾落葉山影半斜陽獨
鶴來遲暮孤帆出渺茫為圖秋色去畱寄讀書堂

題山陰丘壑圖寄趙士瞻

吾愛趙徵士清才能逸羣昔營山陰宅今在吳松濱月
牖自理詠春羹偏美芹遠懷松上鶴寫寄嶺頭雲

八月十五夜湖上翫月

平湖秋似練寒月白於銀泫泫衣上露青青水裏蘋歡
言一杯酒聊樂百年身茲夕對澄景况值高懷人

三月四日邂逅德方郎官九成掾史於荆溪之上
相從及旬而別因九成徵余畫并賦詩以贈

剡掾學阮掾宛然西晉風百年聊復爾三語將無同載

酒來溪上看山入剡中孤帆逐雲影烟雨滿春空

題漁樵友卷

釣水復樵山逃名字宙間一篙春水淨半畝落花閒鷗
鳥時親狎松雲共往還厭聞塵世事緬邈不相關

題畫贈王仲和

有引

南湖陸玄素高士幽居今王仲和居之水木清華戶庭幽邃余嘗寓其
家四年蕭然忘世慮也仲和以此幀索画竹石画已并詩其上以寫倦
倦之懷玄素仲和外舅也故尤感
余故人之思乙巳初月十七日

曾住南湖宅於今已十年叢筠還自翳喬木故依然雨
雜鳴渠溜雲連煮木烟何時重相過爛醉得佳眠

過惠山

重過湛公宅因嘗陸子泉佛香松葉裏僧飯石巖前市

駿唯憐馬池荒憶種蓮清心有妙契塵事久終捐

送宗天章歸廬山

屏風第九疊歸伴鶴巢松五老峰前路東林寺裏鐘宗
雷憂入社陶謝莽遺踪我亦名山隱他年何處逢

題畫贈張玄度

有引

玄度好文學工詞翰藹然如虹之氣真江南澤中千里駒也十二月十日侍乃翁訪僕江渚相與話舊踟躕深動故園之感因想像喬木佳石翳沒於荒筠草蔓之中遂寫此意并賦詩以贈焉

蕭條江渚上舟楫晚相過卷幔吟青嶂臨流寫白鵝壯
心千里馬歸夢五湖波園石荒筠翳風前悅浩歌

奉寄剡九成

州府今為椽風埃多厚顏香芹渾滿澗去鶴未巢山思

逐春雲亂心隨野水閒章君應話我樗散碧巘間

寄張德常

卜宅近溪西雲煙咫尺迷晝眠同野鶴晨起候林雞舊
種松三徑春栽菊滿畦來禽與青李囊致不封題

送王叔明

連榻臥聽雨劇談清更真少年英邁氣求子不多人仕
祿豈云貴貝琛非所珍當希陋巷者樂道不知貧

寫秋林遠岫圖贈約齋因題

五言韋刺史此地數曾遊無復綠■靜空悲紅樹秋市
聲晨浩浩雲影暮悠悠徵士冲襟勝邀余共茗甌

賦謝王彞齋

不面纔經宿題書細作行心親情戀戀事任意茫茫酒
榼浮松蓋羊腔截玉肪歌詩報佳貺期此共徜徉

三芳圖

丹桂月光落猗蘭琴調清獨憐秋鶴瘦相對夜江橫芳
烈誰先後才華孰重輕道心安有染無物惱閒情

題墨

一作題墨竹

贈李文遠

義興李文遠墨法似潘衡麋角膠偏勝桐花烟夏清紫
雲腴泛泛玄壁理庚庚安得龍香劑霜枝寫月明

題畫贈九成

吳山春雨淨江渚暮潮平解纜欣初霽開帆已到城剡
君有高趣樽酒慰閒情醉吐真丘壑毫端一笑成

畫竹寄張天民

良常南洞口聞有掃塵齋竹影春當戶泉聲夜遶堦自
矜霜兔健安有魯魚乖截得青鸞尾因風寄好懷

贈陸隱君

甫里高人後風流有裔孫
夢山仍夢畫畱饌復畱樽每
看雲眠石因尋竹欵門
今朝嵐翠溼應是雨翻盆

寓法藏禪寺

載宜興縣志

風雨入城府禪扉三日畱清齋聊弄翰曉浴更梳頭石
鉢香烟細經幢樹影稠移舟未褰霽少泊聽鳴鳩

浦城春色圖寫贈遜學

七閩嵐翠合山色浦城高春靄浮青壁晴曛醉碧桃吟

猿儔木客飛瀑亂松濤夢入千峰裏雲霄一羽毛

聞鶯送別鄭徵士

春日陽關道鶯聲滿上林來從金谷曉飛度玉樓陰柳
嫩難分色歌停稍辨音明朝空解語人去落花深

新涼戲呈甘白

閒靜幽人宅蕭條樂園亭炎暑淡旬劇遠山當戶青涼
生猶病瘥愁解如酒醒卧看風篁影落月滿階庭

贈郭本齋

高人郭本齋輕舟東渡淮賣藥不二價向人多好懷世
方憂暵死我豈與時乖欲覓金光草相期弱水涯

畫贈耕雲

戢柵泊清陂禪居獨下帷軒扉雨寥落草木晚離披野
老無機事江鷗更不疑虛舟身世遠萍葉任飄吹

贈陳維寅 有跋

十二月九日夜與維寅友契篝燈清話而門外此風號寒霜月滿地牕
戶間寂樹影零亂吾二人或語或默寤寐千載世間榮辱悠悠之話不
以污吾齒舌也人言我迂謬今固自若素履本如此豈以人言易吾操
哉維寅言歸因賦詩并書此為贈慎勿以示顯貴者必大笑以為謬語
也十三日贊書於
蝸牛廬中歲壬寅

陳君有古道夜話赴幽期翳翳燈吐焰寥寥月入帷冰
澌醜酒味霜氣折琴絲明日吳門道寒
獨爾思

六月六日盧氏客樓對雨一首呈維寅

無家隨地客小閣看雲眠涉夏雨寒甚似秋風颯然舞
鸞悲鏡影飛雁落箏絃好轉船頭去江湖萬里天

題郭天錫畫

并序

天錫掾郎與予交最久死別忽忽二十餘載念之悵悵如何可言錫山弓河上玄元道館錫麓玄丘精舍其畫壁最多今或為軍旅之居或為狐兔之窟顏垣遺址風景亦異雖予之故鄉乃若異鄉矣不歸吾土亦已十年因勝伯徵君攜此卷相示為之展玩感慨并叙述其疇昔相與之所以然者其中有不能自已也捉筆凄然久之至正二十三年歲在癸卯十二月十日夜笠澤蝸牛廬中

郭髯余所愛詩畫總名家水際三叉路毫端五色霞米顛船每泊陶令酒能賒猶憶相過處清吟夜煮茶

十一月一日燈下戲寫竹石霜柯并題

久客令人厭為生只自憐每書空咄咄聊偃腹便便野竹寒煙外霜柯夕照邊五湖風月迥好在轉漁船

惟允契友工為詩諠而圍棋鼓琴無一不造其妙雖游名公卿間無意於仕進故寫竹枝奉贈又

賦此詩

岷江陳秀士棲隱闔閭城覓句仍工畫看山不愛名棋枰消永日琴調寄閒情摩捋鬚髯美春苗紫過纓

寄友

吳淞江上宅青翠映丹楓欲覓幽人去遙憐雅好同珍圖藏顧陸蓮社憶雷宗聞道秋風夜清琴寫澗松

八月廿日為叔平畫紫芝山房圖并賦

山房臨碧海奕奕紫芝榮雲上飛鳧鳥月中聞鳳笙木烟生石竈竹雪灑茆楹誰見陳高士希曩善養生

有立徵君名其齋曰端居室讀書學道咏歌先王之遺風於其中為之題贈

五畝幽人宅端居思次寥圖書充棟積心跡去人遙卷
幔松風入當堦蘭雪飄善求顏子意陋巷樂簞瓢

徐良夫耕漁軒

僕來軒中自七日至此凡四日矣風雨乍晴神情開朗又與耕雲
耕漁笑言娛樂如行玉山中文采自足照映人也喜而賦此詩

溪水東西合山家高下居琴書忘產業踪跡隱樵漁積
雨客畱宿新晴人趁墟厭喧來洗耳清泚遶前除

至正癸亥秋七月三日乘雨至西園因寫此圖賦

詩以紀勝遊

卜宅清溪上烹茶秋樹根書堂微雨霽石榻古苔痕松
葉飄琴薦荷香罩酒罇邵公敦古道幽尚竟誰論

宿樂園林居

予來城郭而暑氣熾甚偶憩甘白先生之樂園林居不覺數日相與蔭
茂樹臨清池誦義文之象爰彈有虞之南風遂以求日忽忽已淹畱久
如閒成此詩以寓笑樂
耳甲寅六月十六日

暮投齋館靜城郭似山林落月半牀影涼風孤鶴音汀
雲縈遠夢桐露溼清琴喧卑靜塵慮蕭瑟動長吟

為耕雲賦山居

高木垂帷密清池拭鏡明蟲書葉字古風織浪紋輕悄
悄悲秋意悠悠惜別情古人雖已矣得失未須驚

示友人

子處窮愁際我居憂患中貪饕如鬼國喜怒屬狙公莫
笑淮陰俛誰同鮑叔風雪汀畱雁迹飛舞任西東

題梅花道人墨菜詩卷

肉食固多鄙菜烹元自癯曉畦含露氣夜鼎煮雲腴春
醪時一進林筍與之俱遊戲入三昧披圖聊我娛

孤雲用王叔明韻

烟浦寒汀雨吳山楚水春絕無凝滯跡本是不羈人鶴
鶴同棲息蛟龍任屈伸自嗟猶有累斯世有吾身

五言絕句

題臨水蘭

蘭生幽谷中倒影還自照無人作妍媸春風發微笑

和趙魏公張外史詠玄洲十景

菌山

奕奕三素雲團團如車蓋下有採芝仙游神與天會

羅姑洞

玉晨啓玄扉靈篇授飛仙鍊景返洞宮保真億萬年

霞駕海

混淪青瑤流煥爛雲錦光飛輶駕神君宛在甸山陽

鶴臺

胎仙集丹臺真宰降玄居翕忽神飈散燒香禮太虛

桐葉源

密葉蔭方壇珍林寄溪谷華源遠莫窮時有幽人宿

玄洲精舍

步虛朝東華高嘯追遠遊玄館授妙道逍遙宴神州

紫軒

清隱閣全集卷三
虛林想遺躅壇館廢仍存落葉藏丹竈清晨雲氣溫
隱居松

蒼雲乘白鶴傳說手栽松山室清眠夜千巘聞勁風
玉像龕

玉標明霞秀靈炁混合成流光映金宮雲旆招萬靈
題自畫二首

東海有病夫自云繆且迂書壁寫絹楮豈其狂之餘
青林藏曲密遠水間微茫飛鷺浴鳧處人家半夕陽
夜作古木怪石因題

夜遊西園渚初月光炯炯徙倚巖石下愛此林木影
雨竹

雨過瀟湘渚風生渭水波暮窓揮醉墨翠霧溼煙蘿
二月廿二日潘子素王叔明來訪臨別為寫水傍
樹林圖

積雨開新霽汀洲生綠蕓臨流望遠岫歸思忽如雲
寫竹枝為子中陳君

子中高世士脫帽著黃冠久勵冰霜操虛心共歲寒
題鶴

海月生殘夜遼天入莫秋安期應有待清喚起玄洲
題畫鶴

白鶴何僊僊翠石亦岌岌風日媚幽芳春禽飛相及
題王叔明小畫

餘不溪上路不到已三年范蠡扁舟小披圖思惘然
題夏圭紈扇圖

孰識琴中趣山峩水淡淡馬史妙於畫無言會古音
題畫三首

筆鋒雖小劣景物亦清新蕭瑟風林晚江湖有逸民
杳杳碧山岑森森灌木陰幽亭足清眺臨風聊鼓琴
江城秋雨後竹石曉蒼蒼聊以規摹此留看宿鳳凰

荆溪

載宜興縣志

荆溪清遠地水秀石幽貞誰識懷歸者終期憤憤情

題秋亭曉色圖

園林夏雨歇旭日照蒼苔誰見竹亭裏孤坐興悠哉

寄友

風雨暮蕭蕭高人共寂寥何時截湘玉踏月夜吹簫

菜圃

食菜雖云美荼苦薺自甘猶勝高陽徒羶葷自飫酣

春江獨釣圖

春洲菰蔣綠江水似空虛望山以高咏釣志一作意釣不在魚

墨竹

明月臨虛一作書幌疎篁舞翠鸞獨吟苔石上霜葉媚天寒

題畫與溥泉

息景憇烟霞澄懷卧丘壑久遲蘇仙君莫驚松上鶴

題畫二首

荆溪山水勝不到十年餘蔣氏遺基上寒藤學草書
雨過黃陵廟風生湘水波當時卸帆處苔石倚喬柯

畫竹為景周寫

修竹種丹房亭亭枝葉茂青寧忽日生拾取延人壽

題畫贈彥貞二首

翠竹並奇石蒼蒼留古柯明窗坐相對試問興如何
遠山清欲滴疎林淡生煙春潮晚來急維定渡頭船

贈宋仲溫

宋君天下士畫竹能鼓琴來我北渚下相從論古心

題秋林圖

一作陳則題雲
林畫林亭遠岫

雲開見山高木落知風勁亭下不逢人夕陽澹秋影

六言絕句

田舍二首

山鳥下窺窓牖春風時過柴門避世何須鄭谷作書已

絕巨源

映水五株楊柳當窓一樹櫻桃灑掃石間蘿月吟哦琴

裏松濤

畫竹

珍重黃華父子遺風得似洋州松雪於今冥冥房山去

後休休

為曾高士畫湖山舊隱

厭聽殘春風雨捲簾坐看青山波上鷗浮天遠林間鶴

帶雲還

題畫八首

雨過黃陵廟下雲生玉女井邊野雉雌鳴斜日鷓鴣啼
破林烟

罨畫溪頭喚渡銅官山下尋僧水榭汀橋曲曲風林雲
磴層層

高柳喬柯小閣水光山色衡門未老作閒居賦無錢對
北海樽

舟泊溪流曲曲鳥啼烟樹重重獨思白鶴遺址好居五
老雲峯

孝侯廟前雨過罨畫溪頭日曛舊迹如今夢裏春風愁

亂行雲

月下參差雙玉燈前蕭散孤鴻寄興只消毫楮寫懷不
用絲桐

竹上誰彈清淚如鉛春雨斑斑滿眼湘江波浪望窮白
鳥飛還

高樹長松共晚蒼筠野石同貞珍重王家公子翩翩白
鶴神清

南邨草堂

雲溶溶兮覆渚波剡剡兮侵扉觀魚泳而自樂狎鷗馴
以不飛

雲溪佳處

誰覓雲溪佳處渚花汀竹迷藏去鶴原邊倚杖浮鷗波
上鳴榔

已酉八月廿六日謾題

田父聊同爾汝狂夫從問如何管日揮金豪俠今朝苦
行頭佗

題竹

黃陵廟前雨過邯鄲谷口風生夔殺山人清致縱橫淡
寫秋聲

我愛焦君味道筆端點綴清新規模虎兒早歲未窺北
苑入神

題溪山雪霽圖贈以中張君

水影山容黯淡雲林翠一作細篠蕭疎誰見重居寺裏雪晴
沙際吟餘

贈潘仁仲

瓶內花簪白鶴庭中池養金魚馴虎只憑丹竈活人惟
畱素書

燕乳

燕乳雛成竟去鸞悲影隻難雙借問榮歸故里何如高
臥北牕

壬子十一月五日余遇牧軒於吳門客邸求寫贈

安素高士并賦

石潤苔痕雨過竹陰樹影雲深聞道安素齋中能容狂

客孤吟

至正癸卯九月望日畫贈勝伯徵君并題

江渚暮潮初落風林霜葉渾稀倚杖柴門閒寂懷人山色依依

東吳十詠

望洞庭

一望洞庭秋水相看

一作逢

南浦孤篷江干有興騷客閒居

久約漁翁

泛石湖

遙接太湖惘然尚畱赤壁圖景越來溪水東西香雪寒梅飄影

遊靈巖寺

此山勝景玄賞舊遊今日皆非籃輿林間烟暝爛柯谷口忘歸

登姑胥山

吳王館娃西子兩情斷送長流麋鹿淚沾荒草故人汗漫重遊

泊橫塘

山寺微茫淡渡寒煙蒼莽橫塘杖梢自挑村酒船頭猶夢漁郎

懷甫里

筇行依依故里石刊翰墨模糊龐公力田二頃拾遺扁

舟五湖

過盤門

將軍南過吳國魚龍跳下江潮無限吁嗟陳一作神跡怕聞
淒涼洞簫

過獨墅

短棹微風窈窕片帆落日橫斜舍傍誰開酒肆牛疲知
是田家

過車坊漾

蕩舟滄波萬頃搖櫓白鷗渚傍不知新月東起回頭過
盡東方

歸闔閭浦

極目煙江盡頭屈指搖城渡口世人不理曲肱自餉黃
雞白酒

題良常草堂圖

和靖處士嘗賦詩曰山水未深魚鳥少此生猶擬再移居口應天竺溪
流上獨木為橋小結廬以中之大父鶴溪先生自金壇移居荆溪因以
中相過話處士
舊詩戲為圖此

結屋正臨流水開門巧對長松為待神芝三秀移居華

岳西峰

至正戊戌八月便過岷翁出趙宗漢鴈山高隱圖

索題遂作短句聊博一笑

層閣突兀雲外細路委曲烟中對嶺臨谿未遠度阡越
陌難通

清閼閣全集卷之三

清閼閣全集卷之四

七言古詩

送徐君玉

閩江之水清漣漪
隔江名園多荔枝
閩中女兒天下白
越波飛漿逐鳧鷖
棹歌清綿洲渚濶
蕩槳落日令人悲
蠻烟怪雨忽冥密
蔣芽蒲葉相參差
此中勝事不為少
徐郎遠遊牽我思

寄張徐二秀才

東膠山麓繚修阻
春水鳴渠竹滿園
玄真棲遁樂耕釣

梁溪 倪 瓚 元鎮 著
海上後學曹培廉 敬三 校

徐孺風流存子孫適我騎犢詣其處荷爾作黍留清言
夜闌把燭竟歸臥烟草蝶飛勞夢魂

十二月七日岳季堅夜坐走筆贈之

僧扉共臥風雨夕岳生清真何太顛持家有弟足自慰

無錢沽酒殊可憐梅蕊衝寒欲破白一作愁燈花惱人故

生妍孰知旅枕作孤夢周處廟前行買船

古意一首答曹德昭

齊王好竿客鼓瑟操瑟何以干齊門古人結交多豪傑
况爾封君之子孫王國陳詩終大雅楚俗尚鬼悲招魂
相思日暮不可見鴻飛冥冥目力昏

劉君元暉八月十四日邀余玩月快雪齋中對月

理詠因賦長句二首

卷簾見月形神清疑是山陰夜雪明長歌欲覓剡溪戴
悵然停杯遠恨生爾營茅齋名快雪邀我吹笙弄明月
明星如銀浮翳消垂露成帷桂花發酒波蕩漾天河傾
笙聲嫋嫋秋風咽古人與我不並世鶴思鷗情迴愁絕
涼月紛紛疑積雪凝暉散彩白於銀此時獨酌開軒坐
便欲剡溪尋隱淪爾營茅齋名快雪我醉行吟踏秋月
河漢無聲風露寒心境冷然同一潔

餘不溪詠 并序

開玄館在餘不溪濱距溪無百步上清王真人所居溪流冬夏盈演玉
光澄映與他水特異故為名焉庚午歲春因市藥過浙江趣便道將歸
梅里俯斯水而悅之泝流閒咏盥濯平津顧瞻壇宇近在東麓遂舍舟
造其下真人為出酒脯燕嘯巖洞竟日乃返悠悠徂歲忽已十有七寒

暑矣余既為農畝畝身依稼穡復爾政繁奔走州里欲為昔遊其可得乎鍊師超然物表閒情夸朗周覽宇內將還玄館余因彷彿疇昔之所觀追賦短章以饒斯別若夫超踪溷濁逍遙玄邁蓋深志於是矣覽而咏言能無動悲慨乎

餘不溪水綠生蕢放舟演漾當青春舟隨鶴影忽行遠
洞口桃花飛接人雲松蔽虧烟蘿席儼在溪東之石壁
羽人垂衣坐鼓簧饋我晨食芝菌香從茲更發洞庭渚
濯髮咸池臨故鄉

餘不溪水涵綠蕢微風吹波感龍鱗看山蕩槩不知遠

花間白鹿來迎

一作兩岬
桃花飛接

人溪迴路轉松風急竹林華房霞

氣溼忽逢道士頽而長疑是韓國張子房相期飄拂紫
烟裏下攬滄溟浮玉觴

醉題許生壁

生有破屋山西邨風雨不出臥衡門藜書其間讀且溫
客來輟書就琴尊寂寞古道安可論

醉歌行次韻酬李徵君春日過草堂賦贈

昔聞杜陵之茅屋汀花冥冥汀樹綠舊題新詠答年華
種木行椒繞山麓石床丹竈青琅玕春渠流水夜潺湲
當年寶劍淪黃土空餘山月照波間今我不樂懷往古
短世紛紛誰比數花下欣逢李白來山鳥溪童亦歌舞
酒酣長嘯五情熱軒冕何榮築巖說邈然抗節餓首陽
何異佯狂抱貞潔君歌已竟歌我詩賢愚榮顛百年期
少文豈愛壁間畫老疾俱來難命駕仰視翕忽浮雲馳
安得乘螭與雲化楊花縈夢滿晴天迸壑春雷驚醉眠

李侯神清色不動手敲茶雪落輕煙相逢爲樂誠草草
竟欲攜君臥煙島城郭秋風白鶴飛海上滄霞不知老
杜陵管年有茅屋浣花溪邊錦江曲古人不見春風來
桃李無言自山麓石牀蘚澀青泥乾決渠流水夜潺湲
可憐寶劍埋黃土空餘山月照波間今我不樂空懷古
短世長年誰比數花下那知李白來山鳥恣歌童亦舞
酒酣大笑五情熱作相形求築巘說夸齊相逝居首陽
逍遙采薇飽芳潔勿歌虞夏神農詩賢愚等是百年期
魯連恥秦亦蹈海笑爾局促商山芝少文壁間對圖畫
莫待老來誰命駕仰看翕忽浮雲馳安得乘螭與之化
漠漠楊花縈遠天迸壑晴雷驚醉眠李侯神爽色不動

江南春

汀洲夜雨生蘆筍日出瞳矓簾幕靜驚禽蹴破杏花烟
陌上東風吹鬢影遠江遙曙劍光寒轆轤水咽青苔井
落紅飛燕觸衣巾沉香火微縈紛塵 春風顛春雨急
清泪泓泓江水溼落花辭枝悔何及絲桐哀鳴亂朱碧
嗟胡爲客去鄉邑相如家徒四壁立柳花入水化綠萍
江波搖蕩心怔營

江南春詞二闕和倪雲林韻 載秘笈

周履靖

春林夜雨朝迸笋桃李芳菲門徑靜主人寂寂對疎櫺簾外交飛雙燕影峭寒
風雨羅衣冷幾樹梨花開近井社酒歸來倒角巾歌斜醉步動輕塵 蝶飛忙
花信急杜鵑聲裡春衫溼韶光撚指嗟何及倚樓芳草連天碧幾處笙歌滿城

邑垂楊繫馬風前立請看綠水汎青萍堪笑隨波空自營
邨前萬樹桃花盛綠柳垂絲間紅杏呼朋拉友玩芳春歷遍韶華三月景雕鞍
金勒相馳騁青樓柳巷追佳興吳姬嫋娜笑歡迎握手殷勤話更親 入蘭房
檀麝集銀燈翠管延嘉客水盤玉饌陳芳席金尊激灑浮琥珀玉指纖纖調錦
瑟牙牀繡帳娛此夕金雞三唱促登程惆悵相看 不盡情

賦許君震杏林小隱

江上春雨歇喬柯散繁花開尊藉莓苔共醉仙人家霽
景麗華彩微波搖絳霞東風夜來急吹雪滿江沙明朝
杏熟虎為守郊原綠遍聞鳴蛙

贈顧定之

輕薄紛紛新少年論詩作賦如湧泉為雲為雨手翻覆
背面傾擠當面憐阿翁七十仍踰四與我同心生並世
高臥白雲冷絳霞草堂門對靈巖寺

贈康素子

道德五千言玄之又玄谷神不死曰玄牝用之不勤
以綿綿太原道士康素子口講此書手畫指猶龍之後
有蒙莊迴薄宇宙有根柢蝴蝶栩栩觀物化濠魚洋洋
樂何似壺丘弟子御風遊遊仍有待曷足恃尻輪神馬
鴻濛外恍惚杳冥隨所止化人之居鄰太清十二重樓
臨五城千劫謂如一食頃不起於座空飛行王喬鶴上
吹玉笙食棗東海安期生雲車霓靴到平地渴飲懸河
天為傾大茅登雲二弟迎紫虛永和傳玉經揚曦以授
許長史玉斧清映道初成貞白子微如日炯千巖萬壑
春冥冥葛玄登鍊匡廬頂淵雷一聲眠鶴醒道陵章奏

陽平治子孫繩繩祖武繼重陽晚出金末裔全真爾名
欽世世仰瞻在昔老莊列近比肝膽遠胡越要知道不
出智勇疾似秋空鷹一撇素乎素乎爾隣乎道德而不
孤凡夫皆具仙真體一扇仁風病即蘇

寄徐元度

二月苦雨晝如晦閉戶獨眠無所爲黃鳥翻飛乍依竹
櫻桃爛熳開滿枝起覓杜康欲自慰坐無徐孺令人悲
春帆早晚江西去東湖宅前舟可維

陸隱者禱雪獲應

紇干山頭黃草枯年年雪花大如掌春風草綠牛羊蕃
誰爲祈禳復誰賞南雪由來到地消今年冬煖知爲妖

民間禱雪誠希有旱禱桑林聞昔謠

鄭有道隱居梁鴻山

伯鸞近在東山隱室無孟光唯兩兒草堂資煩王錄事
蓮社緣依遠法師迎我掃除松下雪因君起寫壁間詩
便思從子遂真隱溪谷紫芝堪療饑

賦耕雲贈友

大茅峰前萬頃雲煙耕雨漑曉網緼也知神物無根蒂
誰種空山誰與耘愛君茅屋當南面閒看陰晴玩其變
白鶴眠松夜夜歸朝逐孤雲如匹練

贈季丙卿

季子蕭條千古心斷碑荒冢在江陰行人過客寧知此

春雨年年江水淡君家一作家園正近延陵郭世遠義風猶未
薄誰識寥寥未裔一作派孫種杏成林惟賣藥

延陵道

延陵道去國千有餘里民風質直昔季子攸居義興其
屬邑過百里而遠麗於南隅民當西晉有周處肆勇鬪
狠於鄉閭人皆以為患父老揚言其非一朝發憤易行
忠孝俱其歿已千載民今仰而祠我幸生居在鄰邑春
服始成來游而來娛式逢劉公揚驪踟躕酌山之泉擗
渚之蒲相率奠拜步趨檐如歎咏而去方舟載塗錫山
之陽其水舒舒山氣磅礴而敷腴上升為雲雨彌滿乎
九區厥土沃若君子於以田鮒公度中流揚揚其旗載
挹載注原茲古初睠此平墟泰伯所都夫子所謂至德
也已矣吁嗟逝流百世下聞其風者尚敦乎薄夫

送潘生適越

鏡湖春水綠沄沄兩岸楊花飛白雲落日繫舟微雨歇
一壺濁酒飯香芹嘉爾盛名年少得筆精墨妙比羊欣
日長高臥無餘事應有人書白練裙

贈陸子華

為愛泖西春水綠三年不來今乃復如來不三宿桑下
子華留我經旬宿東隣唯有沈休文文字詩篇與討論
時時亦復具雞黍未能厭飫嘉盤飧為君吐出無味句
歎爾網魚共濡煦不作卑卑兒女情仰天大笑飄然去

宿薩判官家聽琴

薩公能琴賢且文城闈一遇何懽欣高齋一作堂掃榻新雨
霽為鼓瀟湘之水雲竹林蕭瑟風嫋嫋山日掩靄波汙
汙曲終推琴意逾妙一作淡高山流水餘音聞一作忍即別去隨飛蚊

送錢成大赴淮南

桐柏山高淮水濶道途悠悠心忽忽大藩作鎮據兩淮
公侯干城孰子越帶雨春潮送櫓聲淮山千里青相迎
隱居行義今寥落到邑煩君訪董生

李徵君將還揚州因言沈郎官吳中賦此以寄

二月桃始華淮南客還家堦前疎雨落堂上春衣薄為
言沈約在吳中玉壺青絲酒如空春風相過蕙草綠芳

菲滿堂樂未終

姚節婦詩

節婦復節婦處心良獨苦苟不義以生寧從義而死荆
南流水石齒齒寇辱形虧浣清泚妾可死不可辱夫從
父生死攜女婦兮婦兮死所安使我感激涕洟瀾古今
出處多射利委身事國為貪奸嬴王易主意未殫身沒
令名生美官嗚呼史臣直筆古來少孤臣直節今尤艱

奉寄沈理問

紫霞虛皇之上清迢迢十二樓五城烟霧窗扉鳥為使
霞綃衣裳翠織成雲旂芝蓋一作翠旂集真侶清露如鉛籠玉
宇回看人世方蚍蜉擾擾泥塗困雲雨騏驥繫足鳴何

饑黃鵠截翮不得飛
杜鵑哀號鷓鴣泣
苦竹嶺頭無月輝
可憐仙凡一塵隔
哀樂紛綸殊不極
人間亦有學仙人
神巫傲傲舞瑤席
精靈翕忽虹影長
觴湛桂酒羞楓香
雲情蜷局難爲駐
世味臃腥不足嘗
仙人舊亦人間住
乘雲往列仙曹
署願從帝所話
悲辛明良畱心乃
奇遇我聞天道自
循環福善殃淫帝
所關令威亦成歸
來願豈遂忘情出
兩間

贈丁醫士

泊舟風雨芙蓉城
江上君山雲錦屏
我來已是千年後
館主子孫猶姓丁
丁君手煉不死藥
芙蓉仙人久相約
孤鰥七十老無家
種杏春來一作林看落花

詠鶴

丹鳳歲隄何處藏
翳茲天孫雲錦裳
嘎然長鳴引圓吭
晨飛峨峨一作岷峨暮良常
玉笙寥寥珮琅琅
千年仙驥時歸翔
步苔飲泉下趨蹌
忽然不返歲月長
爾居雞群獨彷徨
羽衣猶白未老蒼
清都霄臺應已忘
啄腥吞腐塵土鄉
乘軒豈復思華陽
樊籠未離勿張皇

蝓蝓

歲己亥春仲月之六日
自寅迄酉震雷且雪
甲辰暮冬日癸卯
蝓蝓見於震陬飛龍
挾雷電落景皎出月
老夫頻年熟災異夏
淒其風冬乃熱晝霧
暝如夜淫雨十旬
浹疲農不使憇殘喘
志士不得安爨穴國
之祆沴古亦

有十月雷電天或隕石或雨血人君修德灾可弭桑生
於朝赫王業方今滔滔天下墊鋒鏑四起羣豪傑孰能
拯亂以爲治嗜仁而不虐吁嗟斯民命矣夫荼毒殘傷
亦何辜

秋鶴軒

開軒北郭名秋鶴鶴影翩翩向寥廓不見千年丁令威
悲嗟城郭是耶非紛紛霜葉飄庭樹苔色荒陰翳烟霧
草逕逶迤淡樹中時有山僧自來去

賦翠濤硯

岳翁嘗寶翠濤石今我還珍翠濤硯翠濤泐泐生穀紋
雲章龍文發奇變元章硯山徒自惜此硯顛應未曾見

我初避亂失神物玉蟾滴淚空悽戀珠還合浦乃有時
洗滌摩挲冰玉姿書舟輕迅逐鳧鷖喜出火宅臨清漪
松雲磨香淬毛錐天影江波映碧滋一咏新詩開我眉

題王元用秋水軒

秋水如玉涵綠蒲玉壺美酒清若無佳人倚窗調錦瑟
文君勸飲坐當壚昔年種柳繞漢南樹今搖落人何堪
惟有年年秋水至翠烟石黛漾晴嵐開軒清映臨秋水
斜日荷花淡相倚凌波微步襪生塵交甫凝情佩還委

送顧生歸四明

江上買舟歸四明楓林搖落一作竹枝嫋嫋秋風生好營三釜爲
親養此去千里飛雲情禾稼登場候鴈至霧雨如晦晨

雞鳴舒王舊日宰邑處苔石縱橫湮姓名

贈陶得和製墨

麋膠萬杵搗玄霜螺製初成龍井庄悟得廷珪張遇法
古松煙細色蒼蒼桐花烟出潘衡後依舊升龍柳枝瘦
請看陶法妙非常一點濃雲瓊楮透

郭文顯推人禍福神驗賦贈

昔者馬季主賣卜如有神郭君言禍福奇中乃其倫顧
我年衰野而戇尚復紛紛嬰世網爲卜明年春水生欲
問桃源刺漁榜

題陳氏齋壁

愛爾茅齋寡塵鞅

一作雜

時來下帷清晝眠風流任

一作政

使書

裙去嬾慢惟知坦腹便林間病鶴尚俯啄池上山雞徒
自憐何爲當年種桃者移家偶脫區中緣

題曹雲西畫松石

雲西老人子曹子畫手遠師韋與李衡門晝掩春長閒
彩毫動處雄風起葉藏戈法枝如籀蒼石庚庚橫玉理
庭前明月滿長松影落吳淞半江水

對梓樹花

去年梓樹花開時美人明璫坐羅帷今年梓樹花如雪
美人死別已七月梓花如雪不忍看沉吟懷思淚闌干
鳴鳩乳燕共悲咽柳綿風急烟漫漫

題趙榮祿馬圖

嘗聞唐開元時畫馬曹將軍妙合變化神紛紜少陵爲
作歌其詞藹如雲又聞宋元祐之中李龍眠畫法奄出
將軍前蘇黃二子誇神駿險語驚飛蛟蟄淵國朝天馬
來西極振鬣駑駘爲辟易玉堂學士寫真龍筆陣長驅
萬人敵學士歌詩清且腴當時作者數楊虞畫成題就
兩奇絕價擬一作連城明月珠吁嗟天馬天一隅寶繪於
今亡矣夫學士多師內廐馬得法豈在曹李下俗工未
解知神妙此日罷駑遍華一作區夏好事流傳亦苦心誰爲
幽賞伯牙琴獨悲蘭亭繭紙隨零雨轉覺臨寫紛紛費
毫楮

爲曹僉事畫溪山春曉圖因題

荆溪之水清連漪溪上晴嵐紫翠圍連舸載書烟渚泊
提壺入林春蕨肥身遠雲霄作幽夢手栽花竹映山扉
磯頭雪影多鷗鷺也着狂夫一浣衣

畫寄王雲浦

吳松江水漾春波江上歸舟發棹歌邀我江亭醉三日
鳳笙鸞吹拂雲和紛紜省署縻官職老我澄懷倦遊歷
看君骨相自有仙故作長松掛青壁

題畫

橘窗春夜雨潺潺剪燭裁詩畫碧山迸水定侵林下路
蕙花委砌石苔斑夢乘艇子清江濶坐聽橈聲暗相撥
未必漁翁似我閒棹歌不待鳴鳩聒

畫竹贈王允剛

子猷借地種修筠何可一日無此君葉籠書席搖翠雨
陰結香爐屯綠雲聞孫住近吳江渚二仲遨遊如蔣詡
置酒邀余寫竹枝隔竹庖人夜淡語

題畫竹

吾友王翁字元舉喚我濡毫畫縑楮喬柯修竹蒼蘚石
霜葉風梢碧滋雨湖州仙去三百禩坡翁高絕孰與侶
黃華父子亦間出氣粗惜產旃裘所本朝高趙妙一世
茂視子端少稱許薊丘黃巖筆墨間瑞鶴神鸞競翔翥
二公去後無復有谷鳥林鳥誰指數奎章博士丹丘生
未若負嶠能濡响道園歌咏譽丹丘坡曉畫法難爲語

常形常理要玄解品藻固已英靈聚少陵歌詩雄百代
知畫曉書真謾與坡淡書畫詩更妙味永甘香試耽咀
嗟余生後愛詩畫所恨遨遊不從汝王翁好古已成癖
說史談詩身欲羽吳江遇我意慷慨一作涕飯我羹芹一
炊黍晚持此卷索塗抹醜婦爲顰走隣女此詩此畫君
勿笑焚棄筆硯當樽俎

題畫贈呂彥貞

江上秋雨晴泊舟煙水汀孤吟誰和予悠悠蟪蛄鳴故
人邀我畱三宿豆畦蘿徑居幽獨松醪陸續酌山瓢燈
影縱橫寫風竹水光雲氣共悠悠鶴思鷗情樂此畱無
褐無衣悲翫麟三沐三釁歎伊優君自息機江上住我

且沿洄從此去圖訖新詩草草裁眼底流光水東注
至正十三年三月四日同章鍊師過張先生山齋
壁間見柯敬仲墨竹因懷其人其詩文書畫鑒
賞古跡皆自許為當代所少狂逸有高海岳之
風但目力稍恕耳今日乃可得耶
柯公鑒書奎章閣吟詩作畫亦不惡圖書寶玉尊鼎觶
文彩珊瑚光錯落自許才名今獨步身後遺名將誰託
蕭蕭烟雨一枝寒呼爾同遊如可作

送潭州魯總管

翾翾文鶴飛渡淮葳蕤五采下天階西疇昨夜雨初遍
田父謳歌有好懷湘潭山色隨輕轂談笑來為此州牧

隔岸桐林散綺霞三月洞庭春水綠

十一月廿三日率性德原共載過林下而余適不
在遂返棹還家明日詩來因次韻重邀之

雲林風雪德不孤指顧可求塗豈迂兩忘主賓政自好
一以禮法何其拘我方飄忽念歲月君乃疎豁笑人奴
再為理棹急相就放筆看寫狂遊圖

題文貞公墓道奉先亭子

奉先亭子山之陰雲氣低迴何處尋烏啼隧道風林靜
蘚剝龜趺雨溜澗故老猶言前日事鯁生謾感二毛侵
河山流峙英靈在世事紛紛一短吟

恒德堂

虛林閒居養黃寧隱几逍遙遊玉京怡然樂康息天黥
良醫良相仙道并厥施同仁而異名沒身身存故長生
龍虎佩符鳳皇翎出戲玄洲入紫清一念不已三千齡
子能神視廬幽貞觀恒斯見天地情氣專志一德乃恒

賦清隱閣

爾營草閣名清隱著在輕鷗遠水邊春池覓句正思爾
拄杖敲門忽繫船共賞奇文哦庾信更誇草聖法張顛
到此自忘歸興逸研雲歸寫古苔篇

寫墨竹贈顧友善

顧伯末派隱君子林居江濱古東里澡身潔行讀書史
思友天下之善士綠竹猗猗蔚材美獨立不懼羣不倚

長吟揮毫為君起寫其形模惟肖似諒哉直清可以比
贈丘氏兄弟及周生

岑參兄弟皆好奇二丘那復論東西欵門看竹我初到
置酒投轄烏欲棲掃壁寫圖觀落墨淪芹畱坐綴新題
東風甚與周郎便桃李陰陰晝滿蹊

題柯敬仲竹

誰能寫竹復盡善高趙之後文與蘇檢韻蕭蕭人品係
篆籀渾渾書法俱奎章博士生最晚耽詩愛畫同所趨
興來揮灑出新意孰謂高趙先乎吾

古劍行

雍公孫子氣甚清示我楊顛古劍行劍鋒詩律兩奇絕

秋蓮光彩玉庚庚揚顛健筆老縱橫是亦鐵中之錚錚
吐詞鬱律鳴不平鳳皇來爲盛世鳴一代惟數虞翁生
余也學書學劍旣老何由而成名

富貴咏

富貴詘於人曷若貧肆志何從得此言聞之魯連子鴻
飛冥冥天爲低下視俯啄何卑微去去煙蘿碧巖裏瀑
流千尺洗塵衣

食無肉

食無肉兮出無車旅無依兮歸無家秋風嫋嫋江漢槎
遠波落日明荷花枳棘芟芟道云賒飛蓬蕭颯雙鬢華
夜有吟蛩晨有鳴蛙玉琴在匣但聞淫哇龍劍掛勝幽
澁吾生有涯知無涯世迫隘兮紛浮華思從句漏求丹
砂忍食安期棗如瓜高臥白雲食絳霞

趙善長氏妙於繪事以荆關法爲遜學周君畫天

香溪處圖復賦此篇

周君洵美玉色溫有宋尚書之子孫尚書第宅古閩國
秋風老桂蒼雲屯有子五人總攀桂孝友才華稟忠義
周君今住讓王城澤流綿延俄八世載懷先世發咏歌
月明珠樹粲交柯白榆歷歷不可數手援北斗酌天河
尚書父及■騎箕入霄漢逝波逐回風翕忽驚世換清
芬沾灑後人多翠靄金葩影零亂鳳歌我亦楚狂人吳
市經遊幾度春泛泛去來舟不繫狎鷗決去忽難親天

香淡處畱茶屋爲愛珍圖思超俗好繩祖武揚德馨公
侯之始爾其復

次遜學廣文舟出金焦山韻

眼前金芙蓉一朵迎人青焦山岌業蒼石稜長江無波
素練平蛟鼉出沒魚龍變化翕忽徙南溟絳霞晴虹映
朝日光彩激射雲錦屏指點齊州瞰吳楚欬唾萬里吞
爲吐江水潺湲橫淚流古人去我今幾秋有子仲謀才
不世多情庾亮晚登樓遡流轉柁鳴津鼓歷亂沙鷗起
檣櫓當時行樂恣經過舉酒觀魚登網罟海若決水不
滿酌任公釣鰲且胥俎棹謳清綿斷復續瑤草琅玕動
盈掬豈意一朝憂患生夫君處南予處北江流東去不

西迴爾亦胡爲乎嗟哉寒蜂長吟送落景砌蛩悲切助
予哀仙人王子喬吹笙駕風雲招邀女媧補天手鍊石
看作五色文

和周正道拔時髦韻

何處林間搭鳳毛鳳兮歲蕤潛九苞空林春風露梢梢
雉雊不聞鶴鳴臯雲中金支紛翠翹龍鸞天矯群仙翽
網羅張弛野喧囂羣飛畢命罔遁逃隕身析翮隨所遭
毋啄我殼傾我巢鳳兮麟兮遠莫招腥風血毛灑林郊
隼鷗飛擊當絳霄西飛鷓鴣東伯勞旭日鳴雁聲嗷嗷
鬼車鷓鴣鷓鴣風雨如晦聞呶號時乎時乎孰如嘲
吁嗟清濁寧混淆拔乎其萃皆時髦

春草堂

是日表君子英同集軒
中壬子正月五日也

春草軒中隱几坐中有表髯閒似我欲浮清海狎群鷗
擬向鴟夸借輕舸二月水煖河豚肥子苦畱我我懷歸
半鐺雪浪薰香茗掃榻蕭條共掩扉麝煤繭紙齊梁筆
寶繪珍題品神逸洗滌古玉龍眠池臨榻奇蹤淨名室
紅蠶捲碧春將酣檳榔萋葉嚼香甘夜闌更鼓湘妃瑟
笙磬同音詠雅南別君此去何草草山為迴旋海為倒
令威白鶴會重來世人胡為易衰老

至正丁酉十一月五日余友陳兄惟允過余旅寓

鼓楚詞一再行因寫墨君并走筆賦長句以贈

△18

下二刻矣筆硯荒落自愧草草惟允當有

題趙千里扇上畫山

誰見解衣作盤礴卷懷雲煙歸掌握春雨冥冥江水淡
一作波竹間日暮衣裳薄零落王孫翰墨餘越王臺殿久荒
蕪要知人好畫亦好愛比當年屋上烏

附錄次韻

張伯雨

翠竹丹山氣磅礴幾疊香痕經手握何年破鏡飛下天吳淞水剪并刀薄江南
寶繪多遺餘王孫不歸恨靡蕪靡蕪消歇秋風起班班為我歌烏烏

鄭元祐


宋諸王孫妙盤礴萬里江山歸一握卷藏袖中舒在手清風徐來穀衣薄文采
於今淪落餘雕闌玉砌凄靡蕪至寶不隨黃土化門上空啼頭白烏

陳方

又
苧衣春暖初盤礴點綴溪山不盈握白雲隔浦見桃花坐使涼風起叢薄故物
凋零百歲餘王孫有恨迷平蕪衡門今日看真蹟始與人辨雌雄烏

苦雨行

孟秋苦雨稻禾死天地晦冥龍怒嗔南隣老翁卧不起



原件短缺

P18

春草堂

是日表君子英同集軒
中壬子正月五日也

春草軒中隱几坐中有袁髯閒似我欲浮清海狎群鷗
擬向鴟夸借輕舸二月水煖河豚肥子苦畱我我懷歸
半鐺雪浪薰香茗掃榻蕭條共掩扉麝煤繭紙齊梁筆
寶繪珍題品神逸洗滌古玉龍眠池臨榻奇蹤淨名室
紅蠶捲碧春將酣檳榔萋葉嚼香甘夜闌更鼓湘妃瑟
笙磬同音詠雅南別君此去何草草山為迴旋海為倒
令威白鶴會重來世人胡為易衰老

至正丁酉十一月五日余友陳兄惟允過余旅寓
鼓楚詞一再行因寫墨君并走筆賦長句以贈
時漏下二刻矣筆硯荒落自愧草草惟允當有

題趙千里扇上畫山

誰見解衣作盤礴卷懷雲煙歸掌握春雨冥冥江水淡
一作波竹間日暮衣裳薄零落王孫翰墨餘越王臺殿久荒
蕪要知人好畫亦好愛比當年屋上烏

附錄次韻

張伯雨

翠竹丹山氣旁礴幾疊香痕經手握何年破鏡飛下天吳淞水剪并刀薄江南
寶繪多遺餘王孫不歸恨靡蕪靡蕪消歇秋風起班班為我歌烏烏

又

鄭元祐

宋諸王孫妙盤礴萬里江山歸一握卷藏袖中舒在手清風徐來穀衣薄文采
於今淪落餘雕闌玉砌凄靡蕪蕪至寶不隨黃土化門上空啼頭白烏

又

陳方

苧衣春暖初盤礴點綴溪山不盈握白雲隔浦見桃花坐使涼風起叢薄故物
凋零百歲餘王孫有恨迷平蕪衡門今日看真蹟始與人辨雌雄烏

苦雨行

孟秋苦雨稻禾死天地晦冥龍怒嗔南隣老翁卧不起

漏屋溼薪愁殺人自云今年八十剩力農一生茲始病
兩逢赤旱三遇水租稅何曾應王命吾今寧免身為魚
死當其時良可吁

汎滄浪

滄浪可濯纓春雨看潮生斲得木蘭槳欲向桃源行桃
花源裏秦人住花發綺霞明處處何用文章寄武陵時
有漁郎自來去

至正乙巳五月廿三日畫雅宜山齋圖并題

靈巖對直雅宜山穹林巨石臨一作憶蒼灣若翁遁跡在其
麓有子讀書常閉關松根茯苓煮可握一作掘林下慈烏去
復還寫圖愛此錦步障白雲紅杏春闌斑

戲贈東方生

國士腰間玉鹿盧猛將手中金僕姑英雄往往出屠釣
輕薄紛紛能諂諛寶劔生塵無所用黃流明月若為污
楊雄枉儼相如賦今日論兵重武夫

送友之紹興

賀監宅前路荷花今亦無空餘湖上月照見水中蒲送
爾作官幽絕處錢唐江頭飛柳絮聽事一作署臨堤滿夕嵐
惟有沙鷗自來去

題張外史剪韭亭

外史詞華耿霜月劍花秋瑩鷓鴣膏皎然光燄照綠水
不假雕琢慚鉛刀雅音自出性情正庸工徒為血汗勞

若人逝矣不復作稂莠雨溪那可蓐

壬子九月十九為潘翁仲暉畫并賦詩右方

此畫在長安中

阿翁好讀閒居賦桃李春風滿庭戶時與華陽道士行
還隣角里先生住寶淨僧居共齋粥已看富貴如風霧
我來三宿夜連床行路荆榛歲將暮

泉州兩義士行

孫天富陳寶生皆泉州人

泉州兩義士異姓乃同心同心而同居利矣能斷金不
見橫海虹夢見海畔路夢隨春雪舞迴風思逐奔湍向
東注婁江之水汙汙其波方舟容與遄歸以歌落葉不
息飄揚無蹤大風雲飛嗟彼斷蓬人生乖離式與此同
翩翩者鴻飛鳴相隨睠彼儉人我心實悲兄弟戕賊室

家瘡痍背義競利曾弗之思兩士相讓以義其誰似之

清閔閣全集卷之四

清閼閣全集卷之五

梁溪倪瓚元鎮著

海上後學曹培廉敬三校

七言律詩

送倪中愷入都

酌酒送君遊上京風帆回首闔閭城煙消南國梅花發
冰泮長河春水生太史奏雲龍五色伶倫吹律鳳雙鳴
仰觀禮樂夔龍盛好播聲詩頌治平

送張外史還山

道士朝乘白鶴還樓臺金碧鎖空山半天花雨飛幢節
萬壑松風雜佩環丹井夜寒光剌剌石壇春靜蘚斑斑

飄然便擬從君隱分我玄洲一半間

別姚子章都事

不見高人十五年相看兩鬢各皤然酒溫鶯語煩三請
堪熟蠶匡已四眠舞袖醉傲明月下歸心飛度白鷗前
練溪倘見韓徵士好示新圖竹色娟

送徐子素

山館畱君才一月梅花無數倚霜晴垂簾幽閣團雲影
貯火茶爐作雨聲溪竹每容馴鹿臥青山時與道人行
歸舟載得梁溪雪惆悵隣雞月四更

送張鍊師遊七閩

高士不羈如野鶴忽思閩海重經過舟前春水它鄉遠

雪後晴山何處多
鷖觶臥雲芳草細
鈎輶啼樹野烟和
武陵九曲最清絕
落日采蘋聞棹歌

聽秋軒

聽秋軒裏聽秋雨定起山僧坐翠微
隱隱煙濤搖夜席
濛濛花雨着人衣
驟如崖瀑衝雲落
婉似湘靈鼓瑟希
六用根塵今已淨
松篁陰下共香霏

晨起一首寄丹丘

竹窗晨起聞幽鳥深巷絕無車馬喧
多病相如一作馬卿非不
遇歸田靖節一作陶令自忘言
墻陰薯蕷苗方茁雨裏櫻桃花
正繁二月冥寒少晴日漸一作坐看春水上柴門

次錢思復見貽韻

文章傳法似傳燈治病宜求三折肱退食君休大槐國
安居我學小乘僧業勤已有朋來樂步濶能無祖武繩
欲挈一壺相慰藉春船月色待君乘

東林隱所寄陸徵士

巖扉桃李晝陰陰耕鑿居人有遠心一夜池塘春草綠
孤邨風雨落花淡不嗔野老羣爭席時有遊魚出聽琴
白髮多情陸徵士松間石上續幽吟

失鶴

啄粟巢松泰華峰直將天地作樊籠不聞丁令歸華表
應馭王喬入太空行跡縱橫苔石上寒棲依舊竹林中
清齋我亦厭腥腐遐舉一作長嘆思乘萬里風

北里

舍北舍南來往少自無人覓野夫家鳩鳴桑上還催種
人語煙中始焙茶池水雲籠芳草氣井床露淨碧桐花
練一作練衣掛石生幽夢睡起行吟到日斜

山園

春水鳧鷖野外堂山園細路橘花香棲棲身世書盈篋
漠漠風烟酒一觴豈謂任真無禮法也須從俗着冠裳
不營產業人應笑竹木栽培一作竹本桃栽已就行

林下遣興

眼見藤梢已過墻手拈書卷復堆床閒臨水檻親魚鳥
欲出柴門畏虎狼剋製不嫌龜殼小衣裙新剪鶴翎長

從來任拙唯疎懶一月秋陰不下堂

春日

閉門積雨生幽草歎息櫻桃爛熳開春淺不知寒食近
水溪唯有白鷗來卽看垂柳侵磯石已有飛花拂酒杯
今日新晴見山色還須拄杖踏蒼苔

林下

林深何處尋行徑披草時過野老家練練澄波晴偃月
蜿蜿小塢曲藏蛇孤帆賣藥來勾曲獨木爲橋似若耶
高卧閉門成懶癖蒼苔從滿石樽窪

二月十日玄文館聽雨

臥聽夜雨鳴高屋忽憶陂塘春水生何意遠林饑獨鶴

若爲幽谷滯流鶯成叢枸杞還堪采滿樹櫻桃空復情
二月江頭風浪急無機鷗鳥亦頻驚

對雨寄張伯雨

把酒獨臨溪上雨林深地僻少相過忽與天際真人想
欲乞山陰道士鵝坐久苔花一作研苔侵袖碧書成簷溜沒堦
多悠然靜寄東軒下日暮徘徊聊短歌

次陳子貞見示韻

漠漠寒烟墟落際猶餘凍雪鎖荒榛行隨雲谷采樵者
飯供松龕學道人未必杜陵渾懶慢可憐逸少轉清真
酒船好繫一作纜溪頭石花鳥相娛行及春

次韻答鄒九成見寄

郭外青山舊結廬微茫野逕望中無殘生竟抱煙霞癖
好事猶傳海岳圖夜壁松風懸雅樂秋池菊水酌商觚
倘從世外求玄賞好趁輕舟看釣鱸一作
滄鳧

和虞學士寄張外史韻

華陽上館誰曾到知有高人避世深當戶春雲團紫蓋
洗空花雨散青林丹臺篆迹龍蛇動經閣松聲鸞鶴吟
念子離居消息遠幾將書札寄遙岑

再用韻

外史棲真何處尋桐花原上草苔深星壇醮後雲封徑
仙驥歸來風滿林丹竈石幢遺往迹寒松流水續幽吟
虞君傳世琅玕句千古清標寄石岑一作虞書傳寶人間
世為有清詩寄壁岑

贈張景昭

君能不負白綸巾一作張卿自
道古遺民世外尋真狎隱淪虛閣松聲
答笙磬小山桂樹絕風塵晨朝絳闕存三景夜掃青壇
禮七真每御天風自來去凌虛好是鶴為身一作末俗頑仙
非所取清年如

子不
多人

送章鍊師入京

五鶴翩翩朝帝京青童遙侍玉宸一作
皇君倚天樓觀金銀
氣蔽日旌旗錦繡文夜禮洞庭薦明水春陪遊輦望祥
雲何人得似愚溪子高舉凌風思不羣

與伯雨登溪山勝槩樓

樓下清溪夏亦寒溪頭箇箇白鷗閒風迴綠卷平堤水

林缺青分隔岸山若士振衣千仞表何人况宅五湖間
絕憐與子同清賞擬向雲霄共往還

送張貞居遊靈常洞兼簡王晉齋

荆溪山水悶靈宮子晉笙鸞駐碧峰午夜月明風滿帳
千厓人靜鶴眠松緣知瑶草春來長應有仙人洞口逢
莫爲青螺翁久住歸時騎取葛陂龍

過許生茅屋看竹

舟過山西已夕曛許生茅屋遠人羣鑿池數尺通野水
開牖一規留白雲煮藥煙輕衝竈出碓茶聲遠隔溪聞
可憐也有王猷興堦下新移廿此君

答王彛齋

客居北渚靜窺臨霜藻蕭蕭雪滿簪玉石在山聊混璞
金蘭惟子久同心每懷往事悲今事莫棄分陰惜寸陰
自笑蝸廬無長物窓前陶器與單衾

長至後十日蓋十一月十日也獲與德機伯昂二高尚書董伯充二賢良恭味
彛齋有道先生見貽佳製絕歎敦厚優柔得唐人句法宋諸老性情也張高尚命
即次韻奉和書紙尾所謂以狗尾續貂多見
其不知量也恕之幸甚是歲乙巳倪瓚再拜

八月廿三日留南宮岳山人飲明日岳山人過玉

山南宮老矣不知復幾聚首觀花聽琴情不能
堪因賦兼柬玉山

芙蓉著花已爛熳濁酒彈琴聊少停數聲別鵠隔江渚
一醉秋風空玉瓶况當賓客欲行邁忍使風雨卽飄零
攀條掇英重惆悵但願花下長不醒

在同里懷元用

一水東西雲窈窕幾家楊柳木芙蓉齋居幽閒無人到
屐齒經行破蘚封密竹窓虛秋半雨叢一作楓林寺遠日沉
鐘寄詩爲道長相憶欲話離愁何日逢一作想亦依
依念去踪

寄王成夫

茂溪閉閣獨焚香那識窮愁客異鄉坐拂朱絃彈綠水
狂攜紅袖浹清觴春池雨後泉應滿庭樹雲移影更長
月燭露帷非予樂五湖烟景屬漁郎

乙未歲余年適五十幼志於學皓首無成因誦昔
人知非之言慨然永嘆賦此

陰風二月柳依依隱映湖南白板扉旅泊無成還自笑

吾生如寄欲何歸美人竟與春鴻遠短髮忽如霜草一作藻
稀五十知非良有以重嗟學與寸心違

三月廿二日雨懷荆溪勝遊寄原道

我昔繫舟尋杜牧荆溪流水落山一作川光春茶已放仙人
掌露蘚渾侵玉女床酒闌更踏花間月舞罷猶彈陌上
桑此日狂遊忘旦暮十年回首意茫茫

贈張玄度時方喪內

吳松江水似荆溪九點烟嵐落日西寂寂郊園寒食過
蕭蕭風雨竹雞啼蕙花委砌心應折芳草歸途意轉迷
曾得魯連消息否春潮隨雨到長堤

上巳

石梁破屋路欹斜，似華陽道士家。漠漠春雲飛別鶴，
潺潺夜雨雜鳴蛙。閒看稚子翻書葉，時有隣翁汲井花。
日暮傷心江水綠，共舟人已躡飛霞。

題張以中野亭

人境曠無車馬雜，軒楹只在第三橋。開門草色侵書幌，
隔水松聲和玉簫。一榻雲山供夏簟，滿江煙雨看春潮。
君能擷取飛霞佩，天際真人近可招。

送德常同知

聞道之官嘉定去，載書連舸泊江濱。城樓近瞰吳松月，
堠館微霑滄海雲。宓子風流常宰邑，張翰識達更能文。
亦欲東觀釣鯨手，棹歌秋趁白鷗羣。

贈君震

遠夢尋山復好仙，鶴歸城郭幾何年。靈芝每掇巖前秀，
秘訣還從肘後懸。松月半空垂羽蓋，風湍一壑寫鷗絃。
擬開精舍當飛瀑，一作懸溜與爾棲遲日論玄。一作唯爾丹陽許叔玄

江上作

一作贈友生

江頭二月雨垂垂，起濯塵纓水滿池。賀監宅前重載酒，
辟疆園裏更題詩。川途幽邈鴻歸遠，窓戶虛寒燕到遲。
忽見故人王架閣，夜闌秉燭話余思。

燕吳氏樓居

雲松之樓高入雲，風起松濤一作松頂松聲十里聞瓊杯。綺食行
春雨翠幔朱簾捲，夕曛宴遊適當山。擁榻醉臥莫遣人

書裙西飛白鶴東歸去回首巢居謝俗氛

九日

自嘆不能孤九日一壺濁酒對西山遙憐玉樹秋風裏
靜看冥鴻浴照間草木蕭蕭雲更碧山川漠漠鳥飛還
長途誰是陶彭澤被褐行吟意自閒

懷歸

載都玄敬
先生詩話

久客懷歸思惘然松間茆屋女蘿牽三杯桃李春風酒
一榻菰蒲夜雨船鴻迹偶曾畱雪渚鶴情原只在芝田
他鄉未若還家樂綠樹年年叫杜鵑

雪後過陳子貞隱居

陶公卜宅南邨裏快雪初晴思一遊樹辨微茫來獨鶴

櫓搖欹側散輕鷗墨池繞溜春冰滿塵榻繙書夕照收
相見惘然如有失棹頭吟咏出林丘

贈友

開元道士來相訪索寫雲林春霽圖別我梁溪已二載
去濯滄浪遍五湖滿目波容蘸山黛撩人柳眼亂花須
避喧政欲尋耕釣源上桃花無處無

荆溪即事

銅官之山溪水南周處廟前多夕嵐看卷雲帆歌白紵
勸嘗春酒破黃柑長林獨往誰能覓幽事相關性所耽
苦欲避喧那畏虎倘從地主結松龕

顧仲贄過訪聞徐生病瘥

室裏維摩病已瘳竹爐藥鼎雨聲秋一畦杞菊為供具
滿壁江山入臥遊舟外鷗波情浩蕩窓間蝶夢思綢繆
虎頭癡絕從談謔煮茗聊為半日畱

雨後

雨後堦一作循除泉亂流落花時節綠陰稠石尊貯酒供杯
飲素壁圖書入臥遊翳日長林藏伏虎際天春水浴輕
鷗幽居四月饒櫻笋醉裏題詩一散愁

次柯博士寺壁題韻

初月五日春意動遠水蕩漾情如何鏡中羞見白髮短
柳上愁看青眼多起拂綠琴歌楚調為畱明月掛松蘿
弭棹溪南一杯酒他年浪迹倘重過

吳門賦謝陸繼之黃柑紫蟹之貺

闔閭城外皆春水斜日維舟方醉眠攜手故人驚夢裡
送書飛雁落樽前黃柑開裹煩相贈紫蟹傾筐也可憐
憶爾獨居湖上宅晴窗奇石翠生烟

送甘允從

來尋墨沼雲林下共愛女蘿懸石床喚人鸚鵡語猶澀
當戶枇杷子半黃霜一作奉橘定應題百顆籠鷺卽欲寫千
行蘭亭書法人間少好去山陰覓野航

鶴溪為張天民賦

溪西松影高千尺白鶴時時眠上頭風雨不驚鷗鷺宿
雲霄應與鳳鸞遊明窗筆格珊瑚樹新釀松花瑪瑙甌

露下鳴臯聲徹遠幽人空谷獨相求

悼頂山清上人

孟渡前溪見水源偶來佩芷服蘭蓀香臺猶帶山窗影
經卷長依松樹根雲起晴峯還有觸雪消春野不留痕
儵然我已忘言說翠竹黃花自滿園

送貞居還山

日暮書傳青鳥使華林瑤草待君歸挾舟婉婉雙龍出
背雨寥寥一鶴飛秋水琢成蒼玉佩朝霞補作紫綃一作烟
衣山中長史來相覓應借窓間白羽揮

寄貞居及柳太常鄭有道次前韻

華陽外史從幽討谷口高人亦賦歸遙憶愚溪對山坐

何時菌閣看鴻飛荒荒旭日晞玄髮滴滴流泉浣素衣
寂寞松牕懸榻處塵生塵尾不堪揮

寄王叔明

幾夢山陰王右軍筆精墨妙最能文每將竹影撫秋月
更愛巖一作山居寫白雲祕笈封題饒古迹幽襟一作雅懷蕭散逸
人羣今年七夕聞多事曝畫繙書到夕曛

薩仲明為丞相府掾時儻居京師名其軒曰半野
後買宅延陵亦揭是名於軒因信宿軒中賦此

贈之

何意開軒名半野身存魏闕思江湖斜侵瓜圃通花藥
稍傍薇垣近竹梧千里秋風催斫鱸九霄晨露浥飛鳧

如今別買荒城宅自掃楓林候野夫

送寶南琛往往荆溪碧雲寺兼柬方厓

碧雲林壑杳重重此去風流似簡公
春藥碓閒湍激下空山蛩響月明中
結茅擬候芝三秀眠鹿應遺地一弓
聞道重居開竹牖待予艇子過溪東

八月三日與劉道益連床夜話風雨淒然五日開

霽道益賦詩見貽次韻一首

扁舟小泊菰蒲雨玄論都消身意塵
空寂室中無侍者蕭條雲外不羈人
酒盃畏病不復舉燈火新涼差可親
嫋嫋秋風振庭樹綠波芳草似初春

別張玄度

歸去荆溪丘壑多松陵浦口復來過
清風明月許玄度泛宅浮家張志和
夜雨燈檠歌陸續秋林樹子落杪櫂
相逢相別嗟遲莫人事多乖奈若何

送張以中由宜興歸金壇

亂後歸來事事非子長遊歷壯心違
陶公館裏懷仙友杜牧堤邊戀落暉
松下白雲初起石草間夕露已沾衣
君今尚有歸耕地顧我將從何處歸

甘允從來過溪上將還汝寧賦此奉送

野夫住近青山郭左右雲林無市聲
忽有故人騎馬至卽呼稚子出門迎
虛窗圖史少開笈細雨滄浪同濯纓
乍別林居無所賴裁詩相憶字欹傾

奉和虞學士賦上清劉真人畫像二首
君向積金峰頂住長年高臥聽松風蓬萊雲近瞻天闕
劍佩春明下漢宮歸去長謠紫芝曲翩然遠挹黃翁翁
標名合在諸天上何事置身巖壑中
焚香坐石孤峯月飛珮朝天萬壑風邈爾空歌傳碧落
飄然流響振金宮神君教服玄霜劑聖主能延綠髮翁
共道乘鸞去無迹祥雲繚繞畫圖中

寄養正

得君佳句清如玉秋色驚人換物華老境侵尋真有感
故園隔絕更興嗟女蘿綠遍縈一作牽茅屋烏桤紅明暎落
霞欲酌一尊澆磊塊幾時邀子過田家

送僧遊天台

四明山水名天下師去那知客路遙雪霽驚麇騰宿莽
月明寒鵲集疎條坐尋雲頂千峰石歸趁江頭八月潮
寄語一作說與山中光老子送賓也合過溪橋

送諸從事之越中

郡廳草色映青衫從事風流雪滿簪最愛長官能化俗
因知僚佐願停驂右軍宅裏尋苔石賀監湖邊咏夕嵐
他日從君覓佳果來禽青李不須函

贈岳松澗

曾訪神仙五粒松澗泉流潤白雲封林間蘿葛交青蔓
水畔一作影菖蒲開紫茸煮石有方畱秘訣采芝何處覓

行踪岳君別我三千歲晚戲滄洲得再一作逢

答邵生

已從鷗鳥狎雲波老我無機似漢陰采采菊花猶滿地
蕭蕭霜髮不勝簪南遊阻絕傷多壘北望艱危折寸心
好在吳松江水上青猿啼處有楓林

逢張玄度

一年不見張玄度秋夜吳城忽爾逢清似石湖梅上月
瘦於廬阜瀑邊松白冠緇布前朝服短髮長齋舊日容
昔者交朋淪落盡及時一作為樂且相從

寄熙本明二首

在山無事入城中每問歸樵得信通松室夜燈禪影瘦

石潭秋水道心空幽扉獨掩林間雨疎磬遙傳谷口風
幾度行吟欲相覓亂流深澗隔西東

白首遙知得道餘不聞詩思近何如高齋夜雪同誰話
古木寒山獨自居夢裏只尋行去路愁時聊讀寄來書
夕陽溪上多飛鳥若箇能看影是虛

寄錢伯行

斑斑苔砌蕙花消忽憶美人山水遙夢得池塘春草句
望殘煙日晚江潮汀雲沙鳥時同宿野飯芹羹或見招
灑掃南湖石上月為留清影醉吹簫

居竹軒

翠竹如雲江水春結茅依竹住江濱堦前迸笋從侵徑

雨後垂陰欲覆鄰，暎葉黃鸝還自語。傷人白鶴亦能馴，遙知靜者忘聲色。滿屋清風未覺貧。

送祖芳二上人參禮育王寺光公

四明之山林麓幽，育王塔前神光浮。一作流湯休賦詩嘆寂寞，遠公結社憶風流。貝葉經文白業進，曇花樓閣青春幽。易屨上堂禮足已，香烟雲霧共悠悠。

寄張天民

清溪演漾綠生蘋，溪上軒楹發興新。只欠竹陰垂北牖，儘多山色近南津。湖魚入饌長畱客，沙鳥緣堦不畏人。媿我萍踪此淹泊，片雲回首一傷神。

送簡禪師易道

蓮花峰下簡禪師，半醉狂吟索賦詩。榻上諸僧禪定後，水邊高閣暮鐘時。不堪雨柳縈春夢，更惜燈花對酒卮。

一作且看書燈照夜甚深羨雲棲松頂鶴，吾生飄泊竟何之。

寄陸靜遠

積雨雲林生薜蘿，墨池新漲浴群鵝。每懷笠澤從漁釣，更擬滄浪聽棹歌。蓮葉滿湖雲掩冉，橘花垂戶雪婆娑。布帆十幅秋風裏，即買湖船載酒過。

雲泉小隱為張德機賦

昕一作朝夕輕鷗傍釣磯，幽情一作好自不與人違。琴尊花圃春酣後，童冠風雩晚咏歸。雲一作清臥半間僧入定，苔一作流侵三徑客來稀。却憐服食清虛甚，黃獨松花煮療饑。

送盧錄判之建寧

清溪九曲遊人少想見官河一水分
理楫初辭季子邑到州好訪考亭文
簿書閒暇對春雨齋舍蕭條棲白雲
洗我明年塵土足扁舟亦覓武夸君

寄曹德昭

遙一作苦憶建溪君獨豪一作人姓曹
五湖春水雲山高丹厓青林紫步幃
蜀錦越羅金錯刀已知雅頌播廟瑟
無復謳吟悲楚騷伏生衰朽見鵬化
願同斥鷃巢蓬蒿

賦王真人胎仙樓

紫閣岩巖閱玉文攝衣迎日禮神君
河汾鳳吹來未泯城郭鶴歸今復聞
貪看飛裙舞綵繚遙憐風馭散繽紛

世人政若塵眯目指點虛無疑白雲

過蘭陵宿蔣達善家

蔣翊初開竹下逕野夫聊乘溪上舟
珍簟敷床夏水薄湘簾受風春浪浮
圍棋終日對急雨解帶六月如高秋
可憐相過便傾倒就宿爲君少淹留

寄張貞居

不但入城踪跡少南隣野老見猶稀
狂歌鳴鳳聊自慰舊學屠龍良已非
蒼蘚渾封麋鹿徑白雲新補薜蘿衣
羊君筆札誰能寄欲讀靈文一扣扉

送徐元度

荷鍤空林春雨餘艤舟江岸燕飛初
去尋天上仙人珮

肯顧山中隱者居霜月四更提劍舞田園二頃帶經鋤
蘭榮桺密南簷下佇子雲間枉尺書

奉懷張外史

陰壑慘慘綠苔生碧雲亭亭多遠情松杉鶴去轉蕭瑟
洲渚花落自縱橫從君下榻住十日看我鼓柁出層城
洞口菌巢無恙否定應閉閣著書成

寄郊九成

芙蓉洲渚映江波落日維舟發棹歌坐久不知初月墮
居謀何處白雲多糠粃富貴知吾否簿領風埃奈子何
几格香材倘持寄熏鑪茶鼎樂漁蓑

初書記以詩來別且諄諄開諭淡見方外之情因

次韻奉謝併期面別

從知四大皆假合順境逆途非樂憂夢中妄想驚得鹿
海上忘機思狎鷗舉世何人到彼岸獨君知我是虛舟
詩來說法能開諭頑礦無情也點頭

鄭德明新居

僦居吳市仍栽竹掛榻高齋獨待余風引香煙金鵲尾
雨添書水玉蟾蜍仲舉未應治一室夏生何用博群書
繞牀阿堵那嫌俗每罄金錢一飯餘

送浙憲掾劉彥文并簡張貞居

落日采蘋溪水綠日追帆影先飛鴻寄書爲覓仙人隱
種杏今居丹井東遠道悠悠宵入夢晴波洶洶晝多風

鳴珂使者清無事爾得優游群掾中

寄吳子併懷貞居

江海風流吳孟思十年不見鬢成絲舊同野老松花供
今寄仙君石室碑秋日滿船初曬藥晴雲浮水獨臨池
南山樹裏孤棲鶴爾去何當一問之

謝伯理東還訪之不遇走筆奉寄

謝眺宅前山黛濃山雲飛墮墨池中攜家又作他鄉夢
歸棹還隨落葉風鶴入暝烟愁浩渺鷗浮遠水思清空
尋君不遇成惆悵江草青青岼蓼紅

寄盧士行

闔閭浦口路依微笠澤汀邊白板扉照夜風燈人獨宿

打窓江雨鶴相依畏途豈有新知樂老境空思故里歸
擬問桃花泛春水船頭浪暖鱖魚肥

訓曹德昭

荆溪山水最清遠結屋溪邊住幾年礧底松棲何處鶴
邨中茶焙隔林煙清譚况有王戎勝閉戶仍多一作孫敬

賢詩出奚囊

一作卷何當

時寄我琅玕色潤雪濤箋

一作長篇短句使人傳

張貞居有詩東梁鴻山楊君次韻和之

鴻山東面受朝暎戶牖嵐光晝吐吞梁婦終甘隱吳市

戴琴原不適

一作遂不過

王門弦歌寂寂虛千載井臼依依自

一村踏

一作掃

雪獨尋楊處士蕭條古道與誰論

杭人有傳余死者貞居聞之愴然因賦以寄之

果園橘熟誰分餉茅屋詩成懶寄將衰謝皆傳余已死
迂疎真與世相忘夜分風雨雞鳴急天濶江湖雁影長
寥落百年能幾面論文猶及重銜觴

霧隱空山秋色一作淡茅齋酒熟向誰斟菊花楓葉愁相
並澗水松風伴獨吟洗耳不堪聞俗語醉眠且復罷清
琴遙知對月深予憶忍不題詩慰子心

寄張德常

身世蕭蕭一羽輕白螺杯裏酌滄瀛逍遙自足忘鵬鷃
漫浪何須記姓名石鼎煮雲聽澗雨玉笙吹和松聲
憑君為問張公子曾到良常夢亦清

十二月廿四日馮高士訪予笠澤旅寓相與遊從累日其操行孤削居處
簡易有古高逸之風從容語及德常明公學行之美與僕交義之篤因言

欲以書札枉問以僕深相怪恨遂不復作計此無他聽雙鳧讒謗之過也雙
鳧以十年前博易之物翻悔不遂竟噴恨而去知其動輿讒於所識非特執
事也鼠輩小計僕固不恤但可笑耳王半山面有黑點人教用園荳煎湯
洗面半山曰天生黑於子園荳其如子何但執事不明之愆則不可逃一
人譽之從而敬之一人毀之從而怒之可乎執事以為何如謹以奉問
千萬還示數字幸甚尊君鶴溪先生侍間道瓚懷仰之私也瓚再拜

寄陸明本索酒

楊柳低昂蕙草青西庄風物一作似華亭日修長史登真
訣夜誦虛王內景經玉冊一作初標紫臺籍石苔應長新
宮銘自慙服食清虛甚為覓松肪釀百瓶

蕭從善集其師外史張君詩賦贈

葛翁臺上繙經處陸子泉頭試茗時石記只畱金菌閣
宮銘猶樹玉津池晚探風雅還心醉謾說曹劉是我師
麟角鳳毛勤採拾却愁雷電取無遺

贈張楨

憶昨州民饋餽初兵戈阻絕飽艱虞忽驚歸路千荆棘
莫致南溪雙鯉魚別浦秋蓮明泛泛寒廳夜雨落疎疎
青衫從事將軍幕已覺門多長者車

答德常別駕初夏見懷

隔浦鼉鳴似打衙雲濤城郭夕陽斜汀前露冷魚鱗屋
窗裡煙輕蟬翥一作紗沛澤風雷時遶几談空衣袂不沾
花欲分香飯能來否早晚門前望鹿車一作菩薩如
今只在家

苦雨

冥冥秋雨溺田禾日日奔雷吼怒鼉十里荒涼黃犢草
五湖浩蕩白鷗波直應天地移龍穴未覺堦除失蟻窠

君子憂民重興感吁嗟天意欲如何

春日送別余一秀才

翼翼高帆開遠天綠波芳草隨烟綿春林風雨集憂思
茅屋琴書移晝眠文采由來庾信少草聖近誇張旭顛
百年聚散如落葉行客居人俱可憐

西野對雨有懷明本彥準并呈道益

怪雨顛風裂芰荷鷗飛雁亂水驚波便須掃地焚香坐
豈有高人載酒過笠澤至今能養鴨山陰何處覓籠鵝
重陰忽霽猶斜日惆悵思君奈若何

贈葛子熙

打碑直入長安道養母還歸白馬峯聞說陰厓畱積雪

將尋隱地看長松晴窓弄翰山僧對寒澗行樵野鹿逢
爲問山中危太朴到州應與子相從

畱別王叔明

秋蛩唧唧雨蕭蕭楮穎陶泓半次寥此去那能期後會
清言聊以永今朝溼雲窗裏初溫酒白鳥汀前又晚潮
故國何人賦招隱桂花零落更停撓

十二月四日和德原率性賦雪韻

海宇希微隱一毫行舟冰泚夕停篙愁看寂寂雙峰並
細數林林亂石高豈有風塵勞白羽謾思文采照宮袍
雪融二月溪流合洞口誰尋千樹桃

題孫氏雪林小隱

天地飄飄一短篷小窓虛白地爐紅翛然忽起梨雲夢
不定仍因桺絮風鶴影褊褊簷上下鹿迹散漫屋西東
杜門我自無干請閒寫芭蕉入畫中

喜謝仲野見過

堦下櫻桃已着花窗前野客獨思家故人攜手踏江路
拄杖敲門驚夢華藉草悲歌聲激烈停杯寫竹影欹斜
新蒲細柳依依綠西北浮雲望眼遮

述感

桑柘蕭條半草萊百年人事叟悲摧沙丘漂母寧復有
故國王孫誰見哀歌吹淒涼銅雀妓世途荏苒霸城災
遙知敕勒穹廬野日夕牛羊欲下來

張德常明公舊有良常草堂在金壇之華陽洞天
揭曼碩張仲舉諸學士嘗賦詩紀勝其後德常
宦遊無定居政績顯著今為松江府判因潘以
仁之便輒賦七言一首奉寄

樗散張侯意久疎齋廚服食轉清虛童初府署標名後
碧落仙官校籙餘海上空濛歸化鶴庭前寂寞有懸魚
一作人間繁
劇真如駕吳松江水浮青玉聊此飡霞駐羽車

寓齋秋懷次韻三首

渚蒲岼柳望秋零桂樹懸香月影清楚水浮舟歸未得
羽觴泛螳一作酒
盃到手句還成雲松眠鶴夢方遠露草寒蟬鳴
不平南郭先生玄默久猶將諷詠寄閒情

思歸江漢濯塵纓旅况蕭條秋氣清

一作况乃秋
高氣凜清

滿壁山圖

初睡起一簾風雨助詩成遠樹芊芊煙鶴唳飛鳶跼跼
暮潮平蒼巒九疊淙松瀑擬畢餘生棲遁情

問我歸期未有程秋光羈思共淒清雪留鴻迹應如幻
羶仰龜毛豈有成破屋逃亡寒燐起故宮基構綠蕪平
試聽嗚咽長溝水水本無情似有情

綠波軒二首

綠波佳思復如何堦下清陰蕩草多爛醉哦詩絃寶瑟
閒眠欹枕幔烟蘿莫將華髮臨明鏡還寫黃庭換白鵝
剪取吳松雲錦麗天孫機杼隔明河

旅况沿洄似夢中孤舟江上白蘋風蕭條病起三家墅

憔悴天涯一秃翁
藿底鷓鴣歎鵬鴞
雷鳴瓦缶棄黃鐘
憂來直欲窮牛渚
河漢迢迢萬里

一作通碧漢

三月一日自松陵過華亭

竹西鶯語太丁寧
斜日山光澹翠屏
春與繁花俱欲謝
愁一作病如中酒不能醒
鷗鳴野水孤帆影
鶻沒長天遠樹青
舟楫何堪久畱滯
更窮幽賞過華亭

病中懷故友華陽外史次韻

憶昔時雍四海寧
華陽外史住南屏
春愁黯黯懷仙卧
幽鳥關關喚夢醒
塞雁歸時鶯出谷
園花落盡柳縈青
傷心南北數千里
無復沙墩長短亭

呈錢復思用前韻

霞食雲卧養黃寧
玉笈幽文護石屏
一榻松濤金石弄
半鐺茶雪夢魂醒
玲瓏泰室生虛白
縹緲空歌自始青
不見仙風雲上過
羽車芝蓋曉亭亭

呈諸友人再用前韻

北窗高臥自清寧
煙霧衣裳雲錦屏
舉世無知心自得
衆人皆醉我何醒
黃熊號野兵埃黑
白骨生苔鬼燐青
舊宅荒蕪時入夢
墨池誰訪子雲亭

歸錫麓

未訪西巖墨沼泉
東家兒女笑相牽
莫話艱難長旅食
敢忘蕭散送餘年
穉程雲黃秋雨後
芙蓉霜落渚鷗邊
歸來何異遼東鶴
荒塚纍纍思惘然

二月二十日大風

南渚春風二月狂，停橈濯足聽鳴榔。
烟邊去鳥暮山碧，衣上飛花春雨香。
高柳拂雲依古渡，驚鷗衝浪起橫塘。
遠懷不作悠悠語，忍躡飛鳧返故鄉。

寄陳庶子

高行簪聞陳太丘，浮雲踪跡長。
一作雲行好在思遠遊丹砂擬訪葛，
洪井湖水堪乘范蠡舟。爐銀欲變頭先白，
田秫可釀行歸休。且排憂憤澄神慮，
奏刀已覺無全牛。

俊仲明以詩見示次韻謾訓

南湖流水綠泱泱，野鶴同栖秋夜長。
短世應須幾緬屐，懷人可但九迴腸。
驚風零亂芭蕉影，冷雨淒迷菡萏香。

高尚劉君此肥遁優游物外久韜光

一作寧知百世有餘光

送柳道傳東歸

賦詩南澗寫烏絲，靄靄停雲去後思。
鄉國動成經歲別，江湖復與故人辭。
溪船斫鱸雲生柁，松室聞猿月滿枝。
他日重尋言子宅，咏歌應在一作唯許暮春時。

寄開元長老兼呈鄭明德

遠公令我詩興生，堂下綠苔無俗情。
天女試散寶花墜，曲生相逢青眼橫。
布金已住長老宅，乞食應憐王舍城。
何當慧筏一作棹歌一來過，同載唯許鄭康成。

呈良常安遇伯仲

松陵竟失五車書，梅里燒焚舊屋廬。
衰季悲吟歎羅隱

盛時作賦羨相如伊優骯髒復何似臃腫支離聊與居
日日秋風白蘋老門前江水接空虛

送梁生讀書沈庄

上蔡梁君譜
蕃凌烟勛業舊諸孫廬山傍斗可攬秀
大江自岷初發源夜誦庭柯襟琴響春羹汀藻帶潮痕
休文舊宅宜終隱歸近南湖祇樹園

題王敬之壁

我來陸庄如故鄉故鄉風景日淒涼解憂幸有盈尊酒
慰眼新栽百畝秧蒲葉清波閒濯足荷花斜日起鳴榔
當年李白成何事白髮緣愁萬丈長

寄周履道

兼旬不見周徵士落月空梁夢見之久狎海鷗聊避世
虛言市虎竟成疑尊前節序梅將玉鏡裏形容鬢已絲
日暮煙濤隔城郭蕭條南渚一吟詩

寄顧仲瑛

江海秋風日夜涼蟲鳴絡緯促寒一作裳民生惴惴瘡痍
甚旅泛依依道路長衰柳半欹湖水碧濁醪猶趁菊花
黃知君習靜觀諸妄林下清齋理藥囊

寄王明卿

不見孝廉踰十年高人風節自居然數間茅屋無人補
一榻寒雲只獨眠酒榼時須粟里菊茶煙還煮惠山泉
衡門不出棲遲久坐有孫登彈一絃

題荆南精舍圖

誰畫荆南精舍圖烟霏嵐翠墨模糊林間野鹿時相逐
洞口山猿不受呼尚有流泉悲夜雨已迷幽徑入寒蕪
癡人莫彈西飛鶴雲外仙君恐姓蘇

題米南宮石刻遺像

千秋遺貌一作米公遺像刻堅珉却在荒煙野水濱絕歎莓苔迷
慘淡細看風骨尚嶙峋山中仙塚芝應長海內清詩語
最新地僻無人打碑賣緬懷英爽一傷神

題畫貽王光大

荆南山色青如染卜築正當溪水南浪舞漁舟鷗泛泛
雪消沙渚柳穆穆涼軒楓葉晴雲綴秋浦荷花落日酣

舊宅不歸幽夢遠吳松聊結小禪龕

用王叔明韻題畫

王郎筆力追前輩海岳新圖入卧遊獨鶴眠松猶警露
孤猿掛樹忽驚秋陶潛宅畔五株柳范蠡湖中一葉舟
同煮茯苓期歲暮殘生此外更何求

題趙墨竹

緣江修竹巧臨模慘淡松煙忽若無亂葉寫空分向背
寒流篆石共縈紆春渚雲迷思鼓瑟青厓月落聽啼鳥
誰憐文采風流意謾賞丹青沒骨圖

辛亥六月三日寓實性源禪房為寫竹梢因賦三

首

禪關分榻

一作開門便宿

留人宿不夜長燃禮佛燈君已風流如

惠遠我聊吟嘯答孫登來依結夏安居者莫厭無家有

髮僧清夜哦詩江月白琅玕節下影鬢鬢

此身已悟幻泡影淨性元如日月燈衣裏繫珠非外

一作不

得波間有筏引

一作要

人登狂馳尚覓安心法玄解寧為縛

律僧曲几蒲團無病惱松蘿垂戶綠鬢鬢

殘生已薄崦嵫景猶護餘光似曉燈

一作縣

圃雨雲元不

隔華嚴樓閣也須登夢歸金菌山前路飯仰白雲窗裏

僧獨鶴步庭閒顧影西風吹鬢雪鬢鬢

寫畫贈潘仁仲醫士

屋角東風多杏花小軒容膝度年華金梭躍水池魚戲

彩鳳棲林澗竹斜疊疊清談霏玉屑蕭蕭白髮岍烏紗

於今不二韓康價市上懸壺未足誇

貞居君在餘杭北郭結樓居之號茅嶺行窩予久

欲往觀而未能也茲貞居適有來此之約因寄

一首

已向雲林開別墅更聞茅嶺有行窩提魚就煮興不淺

看竹頻來意復多梅隴雪晴紅綴萼墨池水暖綠生波

懸知潘令閒居賦不比陰山勅勒歌

再用韻呈張伯雨潘子素

團團桂樹覆巖阿茅屋歸來雪一窩高臥丘園竒氣在

倦遊江海故人多楚山白雁遵寒渚練水長魚出素波

去去南州書問少寂寥誰和紫芝歌

附次韻

扣舷漢子發陽阿落葉霜林見鳥窠清閣前春意早蕭梁臺上月明多顧瞻
鳴雁嵇中散仰視飛鳧馬伏波對酒忍思千古事潘郎刺促為誰歌

東友

幽窗談笑話生平屈指年華一作三幾變更白髮滿頭今

已老青山排闥故多情桃花灼灼應無語春雨蕭蕭尚

未晴明日扁舟期載酒南山笋蕨正堪烹

曹伯高為曹尚書之子以卜居詩卷索題走筆漫

應

清貧我早識尚書身沒韓公為結廬可但家聲今不替

猶趨禁直未全疎窓臨墨沼楊雄宅郭暎雲林謝眺居

共愛諸郎遊息地風雩閒咏暮春初

陽春堂

陽春堂下春波綠臘雪初消蕙草青未覺避喧離世俗

也知習靜愛郊坰欲為野逕孤琴約盡醉華筵雙玉瓶

見說陶朱有遠趣長松傾蓋碧亭亭

風雨

風雨蕭條歌慨慷忽思往事已微茫山人酒勸花間月

秦女箏彈陌上桑燈影半窗千里夢泥途一日九回腸

此生傳舍無非寓謾認他鄉是故鄉

附次韻

看畫哦詩重慨慷百年翰墨付微茫已憐揮灑如摩詰可忍悲歌似子桑名世
幾人稱妙手舊遊隨處擾愁腸雲林故事惟文藻遺跡偏多在遠鄉

張羽

清閼閣全集卷之五

清閼閣全集卷之六

梁溪 倪瓚 元鎮 著

海上後學曹培廉 敬三 校

七言律詩

屋漏

寂寞江天暮色懸
重陰愁絕卷塵編
走看破壁雨沉竈
思臥蘆花雪滿船
風捲高一作堤沙一作樹
拔泉翻野援藥
苗延青山天矯浮
雲外自愛新秋爽
氣鮮

贈惟寅

有引

陳君惟寅天倪先生令子也天倪為黃清權高士之甥清介孤峭甚似其舅讀書鼓琴不慕榮進澹泊無欲以終其身惟寅能守其家法者也世故險巇安貧自樂窮經學古教授鄉里色養得親之歡心友愛盡弟妹之和樂綴詩文於以自娛余嘗愛其藻麗不羣飄然有出塵之想

聊摘鄙語用詠才華暮春之辰忽過江渚
出示新什相與披咏因成長句以歸美焉

不見元方已隔年暮春孤坐此江邊
政憂浪濶多風雨却喜君來共簡編
諷咏新詩非偶爾艱虞遠別更淒然
看花相約重過此已放桺條維酒船

曲彥遠寄茗裹賦此道謝且求致梨栗木瓜

遶屋青山謝眺居木瓜梨栗種扶疎
不妨暇日騎官馬自喜清時少簿書
九月授衣霜欲落百年回首雁飛初
猶憐踽踽空山客茗裹封題遠慰予

故吾

縹緲青山日欲晡瀰漫秋水與何孤
鶴歸城郭生新夢塵掩圖書尚故吾
南畝藝苗傷碩鼠北窓臨碣聽啼烏

醉歸倘乞封侯地便復移家傍酒壚

三月二十二日雨懷荆溪舊遊寄原道

憶昔荆溪棹酒船綠波搖蕩女蘿烟
春茶未放仙人掌雨蕨先舒稚子拳
巖間石上尋遺跡作賦題詩多昔賢
今日空齋獨對雨幽懷猶夢白雲邊

訓友生

泖水山光照屋廬每思潘令賦閒居
客愁不解連三月詩贈全勝枉尺書
醉墨不妨拈秃筆狂吟時復近前除
亂離自歎摧頽甚晝寢毋嗔老宰予

二月晦日聽劉伯容彈琴

遠思翩翩屬五湖一杯濁酒咏唐虞
清琴忽作金石弄

佳士今猶山澤臞飛絮遊絲颺風日瀑流松吹灑巾襦
群龍汨溺淫哇久古樂蕭條古道迂

答元用

野水浮鷗不世情煙濤漂泊羽毛輕雲移短棹無機久
雪點青山照眼明甫里宅邊逢酒熟吳松江上看潮生
夫君爲話征途苦惆悵令人意不平

同通書記過鄭先生舊宅

女蘿垂綠翳衡門野水通池沒舊痕有道忘情觀物化
清言如在想人存淒涼江海空茅宇慘淡煙埃委石尊
一奠山泉薦芹藻古心寂寞竟誰論

馬國瑞東臯軒

未羨勲名馬伏波優游鄉土樂婆娑輕舟陌上山堪數
細雨籬邊菊未過一作浩蕩五湖鷗夢遠蕭寥萬里鶚情
多寒宵偶伴一作廳幽人宿月燭藜床一作幔綠蘿

次韻張榮祿追和楊別駕賦王番陽東湖勝遊四

首呈雲浦耕雲二君

祇今誰是番陽守別駕題詩凡幾春僚屬得才青瑣舊
兒童騎竹白頭新當筵意欲凌雲外今日人誰問水濱
陳迹寥寥風景切桃源何處覓遺民

賓客從來逸興多雨溪春渚綠增波笙簫載月迴鸞鶴
雲錦飛裙織芰荷短世悠悠大槐國餘哀嫋嫋竹枝歌
湖山寥落行人老翠影蒼烟寒蕩磨

散亂鳧鷖發棹謳波明雲淨宛如秋酒杯青落垂楊影
塵尾風生杜若洲匣裏鳴琴俄復掩盃中覆水竟難收
白頭聞說開元盛雙淚滂沱似瀑流
湖上晚風明綺霞春雲覆竹影交加歌喉圓滑吟山鳥
舞袖低徊亂渚花綠淨碧虛寧敢唾星垂河注欲乘槎
玉堂坐想當時勝榮祿詩成謾自誇

贈王文靜

靜寄軒中酒一罇陶然醉裡別乾坤碧桃花已當窓發
翠竹陰須映戶繁荏苒春光逐風雨婆娑歲晚樂丘園
詵詵更祝螽斯羽若欲宜男賸種萱

和王子明韻

從俗浮沉多厚顏醉筵舞袖作弓彎雉羅孰是逃三窟
豹管能窺見一班縱酒已拚時共棄歌詩猶與世相關
采薇巖穴聊終隱林下閒雲自往還

送盛高霞

霜髮飄飄鶴上仙相逢遼海幾何年種桃遂有劉郎賦
鼓瑟寧知曾點賢華表不歸塵汨汨吹簫何處月娟娟
嗟余百歲強過半欲借玄關一作窗靜學禪

陸文玉見過時余初喪長子

荆溪二月春風惡燈火論交夜對床白鶴遶壇初露下
碧梧滿地忽霜黃卜商失子人誰弔阮籍窮途只自傷
政使陸郎能慰藉賦詩懷舊更淒涼

贈道士李嘯虛

龍虎巖前李鍊師，幾時飛鳥洞庭陞。晴天白鶴興閒遠，秋水蒼龍光陸離。山中杏熟從收穀，堦下芝生看奕棋。邂逅樓船海上便，還應與爾道相期。

送霞外師過磧沙寺因寄鄭博士毅長老

湖水東邊磧沙寺，繙經室裏看爭棋。食馴沙鳥巢當戶，坐愛汀雲影入帷。惠遠向修爲律縛，康成終老只書癡。寄語山靈莫疑怪，松陰好護中興碑。

次韻贈林泉民張孟辰

三徑誰尋二仲踪，一丘木石紫溪翁。思尊張翰有清識，閉閣茂溪多祖風。午夢池塘春草綠，輕陰窻戶落花紅。

應懷錫谷林泉勝，山色依微在望中。

送葉道士東歸分得懸字用韻三首

愁心黯對夕陽懸，忽見高標喜欲顛。似與人民千歲隔，更詢耆舊一悽然。青燈綠酒看成醉，秘篋珍圖自滿船。歸去還臨劔池月，定應歌此酌山泉。憶爾心如旌旆懸，相逢泖渚欲華顛。窮冬風景吾衰矣，落日煙濤思渺然。八詠樓前思舊宅，三高祠下覓歸船。棲幽定洗塵喧耳，剩吸東陽一斛泉。

君到茅簷雨溜懸，采芝期我碧山顛。掀髯一笑非徒爾，隔世重逢豈偶然。沙渚屐聲歸泖客，晚潮帆影下江船。爲予一話艱危際，雙淚沾衣似迸泉。

贈別榮子仁

退食從容下玉除當年史館燦成書藝場馳騁答賓戲
筆陣縱橫賦子虛山水娛情經亂後圖書連舸渡江初
君來愧我無供給一勺寒泉薦菊菹

雨中在林氏賦贈徐生

終朝風雨洗炎歊隱几無言思次寥已絕鳴蟬咽衰柳
空吟翡翠集芳一作蘭茗嘉魚坊裏多名酒碧鳳橋邊欲晚
潮二子翩翩一作林徐有高致為陳筆墨遠相招

戲題嚴錄事所集書畫藪

雨館晝逢嚴錄事手持書畫索題詩金題玉躐齊梁迹
墓刻厓鐫秦漢碑把玩始驚繁卷軸品量還愧拙言詞

古人冷淡今誰尚謾葺殘編慰所思

以龍尾硯寄錢徵士

龍尾誰磋古硯池庚庚玄壁隱風漪知君筆力能扛鼎
愛我雲腴欲產芝投贈寧論百金直咏懷夏賦五言詩
唯應洗濯寒泉潔靜試松煤獨下帷

宿清流堂

衍慶院中無市聲清流堂上晚風清一派濁涇從污染
百灘白月見空明我性非澄本爾淨外塵徒擾元不驚
恒公宴坐清涼海還許遊人來濯纓

題畫送僧

用大機吳人也住宜興保安寺壬子九月十九日將還
山戲寫秋樹筠石并詩以贈之且以呈方屋禪伯云

不到荆溪三十秋南津溪水亦東流用公近住金鷺嶺
魏族猶隣白虎丘楓葉爛斑霜落後竹枝蕭瑟渚邊頭
歸逢古德方厓叟爲話談玄舊日遊

夜宿張判府環綠軒贈玄度

戊申十月十八夜環綠軒中借榻眠舞影霜筠風細細
縈窗素練月娟娟此生寄迹雁遵渚何處窮源漁刺船
染筆題詩夏秉燭語淡香冷思凄然

子章號夢庵走筆題

夢庵春夢幾時醒隱約江湖且寓形愁見亂離心忽忽
迹疎親友淚熒熒松陵遇我才經宿浙水歸舟且暫停
蕉鹿紛紛何得失霞明煙外數峰青

江上遇楊德朋

吳淞江上米家船邂逅龜蒙舊宅前政似燕鴻交泛泛
聊憑楮穎度年年糟床滴雨誰沽酒破衲蒙頭獨坐禪
莫學山僧空載月主人情重更畱連

題春山高士圖和韻

扁舟溪上數來過白髮殘春奈我何桺絮如煙迷曉浦
杏花飛雪點春波林扉有客圖丘壑石室何人帶女蘿
欲和華山高隱曲羈愁悽斷不成歌

過桐里

依微桐里接松陵綠玉青瑤繚復縈爲咏江城秋草色
獨行烟渚暮鐘聲黃香宅裏畱三宿甫里門前過幾程

借書市藥時來往未一作不許居人識一作道姓名

寄陳余二校書

吳松江水碧沄沄忽憶江城一作陳兩隱君酒艇時搖夜濤

月書帷影亂晴窓雲一貧老我長為客二仲英賢已著

文何事雙魚俱寂寞一作清言經歲不相一作况聞一作不使余

宿普度僧舍

悲涼華屋總荒墟人事乖張已久如兩部草池蛙鼓吹

一襟桐露鶴堦除狂遊且盡餘生酒宿習猶存半舸書

初日輕煙棹歌去江潭柳影亦蕭疎

贈姚掾史

相府共推三語掾卜居曾占九龍峰美髯不獨如靈運

佳句仍兼似鮑溶我有茅齋當絕壁時看晴雪落長松

因君喚起故園夢彷彿三生石上逢

賦居延王孫德新小隱軒

志隱寧須分小大不論塵市與山林橘中之樂固不淺

壺裏有春藏更淡奕戲自能忘世事酒尊聊用散冲襟

莘耕蠟築苟無遇豈有朝堂論道心

次德機韻一作賦德機

溪上田園定有無愁將歸思畫成圖春林寂寂花開落

風牖泠泠鬼嘯呼尚有流泉悲夜雨已荒幽徑入寒蕪

何當一舉同黃鵠未覺山川路鬱紆

別彥貞

空齋風雨話連宵歸夢不知山水遙鶴遠城荒嗟寂寂
香霏髣髴共蕭蕭市中乳虎人三語燈下寒菹酒一瓢
無念百年聊樂爾海國飛去定難招

挽鶴溪張先生

子述孫承久熾昌薦饑多施活人方向金壇下良常洞
白鶴溪邊世壽堂孔壁遺書覘古學祇園法藏溢神光
乘雲笑謝人間世九秩逍遙返帝鄉

首夏卽興呈貞居

鵝鴨如雲散碧漪來禽青李壓低枝溪林汲澗常聞虎
清晝焚香獨下帷路出城東無十里燕來堂上不多時
可憐稚笋都成竹忽見春蠶已吐絲

寄盛高霞

不見情親踰一載素書到手淚滂沱仙人脫骨煩重瘞
去鶴思歸忍再過墓左碑隨烟燼冷手栽松斷斧斤多
知君欲話悲辛意慟哭爭如後會何

題畫貽王光大

荆南山色隱晴湖暖翠當窗不用圖避世移家今十載
盛書連舸泊三吳可憐畫卷撩歸夢依舊香奩傍藥爐
珍重故人王架閣筆能扛鼎要人扶

寄白石

儻屋渝盟也任渠爭巢野鵲厭鳩居人情轉劇空懷土
家具無多莫借車踽踽獨行良不易紛紛薄俗竟何如

波瀾翻覆從千變道眼遐觀熱惱除

送杭州謝總管

南省迢遙阻北京張公開府任豪英守臣視爵等侯伯
僕射親民如父兄錢廟有碑刊夜雨岳墳無樹着秋聲
好將飲食濡饑渴何待三年報政成

丙午十一月十九日避泖上丁未十二月十六日

始去此至陳溪分湖間矣因寫喬柯竹石并題
泖渚淹畱再燠寒移居何處卜林巒可憐產不能恒業
聊復心隨所遇安船底流澌微浙浙葦間初日已團團
故人存沒應難訪愁裏題詩強自寬

寄錢伯行

春雨斑斑長菊苗坐憐依砌蕙花消此時行逕泉侵溼
閉戶哦詩江怒濤一作動搖政爾清虛忘世傲不妨貧賤使人
驕下帷寂寞錢徵士艇子看花許我邀

題本中峰觀蓮像

東南唱道據禪林諷咏蓮心契本心善矣不塵仍不染
美哉如玉復如金三周妙法者闍崛十丈開花玉井岑
今日仰師猶古佛風波回首一長吟

呈良常

無家已老復何歸碧樹團團尚夕暉清越風湍帝子瑟
縱橫隴畝僧伽衣世波汨濁毋溷我節序炎涼且息機
白鳥汀前坐來久泉侵野徑暮依微

寄朱府判

明月娟娟夜二更挑燈孤坐不勝情尊前舊恨多年積
枕上新愁何處生已作閒雲孤鶴去不堪隨柳傍花行
使君爲省春田出可念憂時老釣畊

清明

江雲籠雨白煙生愁眼看花淚溼纓可憐紅英滿芳草
又經上巳復清明漂漂羈旅燕鴻迹昵昵愁思兒女情
老鶴莫教塵土浣碧巘松下紫芝榮

寄徐季明

海虞山下徐公宅修竹長松左右栽陳榻待君時一下
顧園有客莫驅回至今清夢依依在欲寄新詩草草裁

自是漫郎嫌俗子也應魚石有蒼苔

學書

幾叢枸杞護藩籬一徑莓苔臥鹿麋獨許陶泓爲密友
更呼毛穎伴幽棲野鶩家雞成品第來禽青李入書題
臨池自嘆清狂甚直好還同鍛柳稽

贈范壻

范公文杏園西宅喧寂一塵還一作渾異宜鼓琴淡林調清

越讀書稚子聲唔吽簾旌不動香如霧硯席生涼雨散
絲欲飲寒泉錫麓洞暫違清賞一題詩

題鄧氏扇上

鄧家層軒留十日陸郎酒船來百回尊羹鱸膾亦已甚

冰甌雪碗何爲哉江雲飄飄委坐席岼柳垂垂落酒杯
飲酣戲寫齊紈扇山河微影月徘徊

李文遠製墨次吳寅夫韻

潘衡墨法老坡傳承晏昆仍又幾年獨依山室燒桐子
贈與仙人寫內篇石竈霞光存活火夜帷雲影炫晴煙
要知文字遺不朽猶向詩中咏墨仙

贈墨生吳善

吳生製墨變潘法住近義興山郭中洗玉巧當前澗水
采花還覓古時桐照夜虹光燈隱壁拂雲鸞尾谷生風
長年圭璧富潤屋我善養生那有窮

贈墨生沈學翁

沈學翁隱居吳市燒墨以自給所謂不汲汲於富貴不戚戚於貧賤者也烟細而膠清黑若點漆近世不易得矣因賦贈焉

桐煙墨法後松烟妙賞坡翁已久傳麋角膠清瑩玄玉
龍文刀利淬寒泉山解唯珍白鵝帖雲窗誰錄古苔篇
夢爾治生吳市隱收煤一室數燈然

四月廿八日蓬屋題

江湖風雨夢頻驚舟楫沿洄莫計程不幸乃今成大幸
有生真亦似無生郝生自足賢賓主岑氏誰言好弟兄
世故愛憎從毀譽一杯聊復暢幽情

擬賦岳鄂王墓

耿耿忠名萬古留當時功業浩難收出師未久班師急
相國翻爲敵國謀廢壘河山猶帶憤悲風蘭蕙總驚秋

異代行人一灑淚精爽依依雲氣浮

一作荒墳落日重回頭

再二首

姦任忠誅轉■悠鄂王固豈為身謀中興可望隳成業
南渡何心報敵讐廢壘山河猶帶憤悲風蘭蕙總驚秋
莫言當日民遮哭更使他年過客愁

丹楓落日隱荒祠蕭瑟清秋志士悲復國豈期讒賣國
出師何遽詔班師少康一旅應無計李牧多功徒爾為
汨汨江流寫餘恨可憐宋祚亦終移

盧公武甫當世衰道卷之際獨能學行偉然不但
賢於流俗而遂已不愠人之不知嗜古金石刻
辭汲汲若饑渴隱居婁江之鹿城澹泊無營若

將終其身焉命予賦鹿城隱居詩因賦

避俗龐公隱鹿門鹿門靜亦絕塵喧釣綠水北菰蒲渚
牕俯江南桑柘邨書蠹字殘繙汗簡石魚名古刻窪尊
地偏舟楫稀來往獨有烟潮到岸痕

和甘白先生樂園林居二首甲寅六月五日

關關幽鳥綠陰濃林塢陂池曲曲通荷雨逗涼侵北牖
汀雲度水迅南風清琴詠雅寧諧俗濁酒攻愁似有功
聞道秋來偏起蚤一簾晨露引高桐

竹裏齋廚柳下渠幽林風景自應殊家無甌石惟憂道
鄰斷炊烟急索租山水巍湯聊足樂雨雲翻覆豈吾徒
濛濛栩栩天涯夢楚水湘雲叫鷓鴣

十六日夜聽甘白彈琴

溥溥夕露淨衣巾
虛牖琴聲向夜分
變雅變風由正始
江濤江雨洗炎氛
烟中雉雊登春木
石上猿吟隔嶺雲
山意寂寥知者少
匣藏無使世人聞

廿八日又一首

白蘋風起日初沉
露坐鳴琴望碧岑
七月炎熇已流火
一聲冰玉落空林
胡沙幽結嬋娟恨
飛佩空遺縹緲音
清景娛人羣動寂
冷然真足洗予心

貞壽堂爲吳縣尹楊彝作

貞壽堂前風日遲
天天寸草答春暉
兒兮事育心無忤
母氏康寧志不違
後日腰懸季子印
只今身着老萊衣

熙然鶴髮照綠酒
金鴨火溫香靄微

因儒者董惟明至荆溪輒寫贈別士元鄉契一詩

以呈厓翁知已承數念及恐欲知近况何如耳

古德乖違已數年
相逢吳苑話迤邐
木魚晨粥同僧赴
仙掌春茶破悶煎
採藥童歸隨貿市
眠松老鶴伴棲禪
語離更問余何適
思屬江雲浦月邊

兩往候見皆不得
面賦此奉寄以寫我心須稍涼

再謁耳瓚上惟寅高士

兩到幽居不一逢
青苔行徑白雲封
敲門自看池上竹
悲嘯更倚風前松
足疲塵土三伏日
思屬雲屏九疊峰
解帶墻陰憇孤寂
暮歸林下已鳴鐘

野舟西堂吾鄉之英才也辛酉冬仲邂逅於簡邨
蘭若爲寫江山夕照圖并詩以贈野舟又號牧
菴故云耳

鵬搏鯤化未逍遙大呂黃鐘久寂寥燕處丘園真足樂
貪愚海賈定難招能禪豈復沉空寂善牧寧當犯稼苗
逢着吾鄉間老子地爐連榻話連宵

題陳虛碧畫

虛碧真人物外遊尚遺餘跡雪鴻洲城荒鶴怨無窮恨
雨駭風驚滿眼愁紅樹青山樓石馬碧花翠蔓引牽牛
我來彷彿三千歲清淺蓬萊幾度秋

八月二日雨涼寄道翁親契

飄飄江雨沃秋陽戢翼幽禽葉底涼庭砌苔滋連竹淨
陂塘荷氣勝花香結茅何處足松水歸夢遠林餘磴岡
惆悵同心阻攜手掩扉山室聽鳴蜩

畱別道翁二首

一室蕭閒無市聲浦雲沙鳥到堦庭朋來直諒惟三益
心醉離騷與六經曠世有懷頭已白經年不見眼猶青
江村又作思君夢睡起長吟月滿汀

綠雲幽思接飛猱與子乖違更鬱陶門掩候蟲秋寂寂
窗鳴風柳夕騷騷滄江波外孤帆舉太華峰顛一準高
歸去青苔黃葉落托鄰樵牧共遊遨

題顧定之爲周正道寫篔簹圖

蕭蕭瑟瑟一林風寫與城東拙逸翁石室先生仙去遠
虎頭孫子獨稱雄霜毫淡墨陰晴外曙月寒牕夢寐中
對月懷人一悲慨雪泥蹤跡似飛鴻

和拙逸翁謝惠紙扇之作

楮箠輕於一葉桐淒淒懷袖灑溪風吟搖楊柳春烟綠
醉障荷花落日紅疑是片雲飛忽墮修成寶月樣偏同
美人半掩歌唇小翠黛清眸莫惱公

次拙逸叟立春韻

雪泥蹤跡歎飛鴻逐逐馬牛千里風去日年光悲少壯
中星時節自西東園梅破臘花渾白詩老逢春語更工
獨有無家霜髻客寒廳咄咄坐書空

題周遜學天香淡處卷

城柝啼烏風滿裳月明琪樹影侵墻霏微露下琴尊淨
鬱勃胸中書傳香山隔浦城迷去雁草荒吳苑泣寒螿
黃雲堆逕無行跡幽思迢迢夢故鄉

次遜學道經錫麓懷外家韻

九龍峰色葉蒼茫雲臥西溪夢洛陽鴻漸草堂泉石在
春申祠宇草苔荒千年仁術傳鄒孟萬里風烟壯帝鄉
欲覓外家成惆望船窓風雨灑微涼

一菴大士舊雖識未淡相知庚子二月十四日復
訪之於壽明卽畱宿挹其風標聽其言論始
知古德師也余恐其慈忍拯溺之心過甚未即

深僻幽閒之地乃寫竹梢并賦以撼之云爾十
六日懶瓚和南

壽明寺裏連宵話震澤汀前永日留雨葉風梢愁寂寂
陶泓毛穎思悠悠蓬萊莫道仙人遠兜率還同大士遊
乞子玉窗清鳳尾能從歸掃白雲不

壬子正月廿三日邂逅芝年講主於婁江朱氏之
芥舟軒中芝年熟天台三教旨嚴菩薩之戒儀
七遮既淨一乘斯悟與語久之歛衽敬歎因寫
圖賦詩以贈

優鉢曇花不世開道人定起北巖隈遠山迢遞窓中綠
垂柳低昂水次栽文室淨名禪不二三生園澤夢應迴

閒雲野鶴時相遇草草新詩爲爾裁

七月六日雨宿雲岫幽居文伯賢郎以紙索畫因
寫秋亭嘉樹圖并詩以贈

風雨蕭條晚作涼兩株嘉樹近南牕結廬人境無來轍
寓跡醉鄉真樂邦南渚殘雲宿虛牖西山清影落秋江
臨流染翰摹幽意忽有衝烟白鶴雙

留別勝伯徵君

清修卓行虞徵士食粥三年致母喪詩法道園能入室
畫傳洪谷早升堂獨高落落松筠節不逐悠悠鷓鴣行
此日別君泣海去波光鷗影思微茫

寄惟允

我別陳公才五霜未應髮白視茫茫句哦夜雨懷無已
冠着方山似季常夏沼已浮蓮蕊碧春衣猶怯樹陰涼
久知服食清虛甚更試山翁煮石方

題安處齋

湖上齋居外史家淡煙疎柳望中賒安時爲善年年樂
處士謀身事事佳竹葉夜香缸面酒菊苗春點磨頭茶
幽棲不作紅塵客遮莫寒江捲浪花

送虞勝伯之雲間求先世遺書

虞勝伯徵君隱居行義家甫里垂二十年不以姓名求知於時之聞人
道園先生其從叔祖也先世雍公遺文道園先生欲求而不可得勝伯
必欲以意購取之可謂有志而不忘其所自矣聞此書藏松江俞子中
推官宅推官沒已久而子俊州尹其弟能假以歸勝伯非仁人義士之
存心乎州尹吾故人也因書以爲之
請陶蓬大尹見之當有以教我

州谷沄沄逝水波雍公勛業未消磨况當異代求文字
尚有聞孫校舛訛京國不聞收汗馬草萊終見沒銅駝
誰陳聖主賢臣頌奈爾陰山勅勒歌

上平章班師

金章紫綬出南荒戎馬旌旗擁道傍奇計素聞陳曲逆
元勲今見郭汾陽國風自古周南盛天運由來漢道昌
妖賊已隨征戰盡早歸丹闕奉清光

次韻畚陳叔方早春見懷二首

隔江山翠晚依微隱映江邊白板扉事往依依驚歲改
老來念念覺前非已看庭草侵行徑漸有汀花拂釣磯
慚媿詩篇慰幽獨白頭從此莫乖違

清夜哦詩手自書也應把燭倩官奴瘦牛犂确荒田隴
肥馬蹒跚笑瓠壺且釀松花江水碧夏分煎木嶺雲腴
人間誰覓玄真子春雨扁舟釣綠蒲

贈周校書

中元習靜松江渚回首塵埃多厚顏富貴不如長處賤
奔馳何似得心閒叅天竹樹存貞碧動地波瀾任往還
輸與荆溪周處士避人揆道掩松關

西神山行

載錫
山志

簪在九龍雲霧中泉邊蠟屐遍行踪南樓明月看時好
西澗故人行處逢亂後不聽驚鶴錫夢回猶憶下堂鐘
休兵即欲幽棲去見說禪房膝可容

送朱善良

之子才華足起予迴如明月麗清渠方誇道韞哦春雪
已見梁鴻挽鹿車榕葉擁厓山店遠海濤喧枕夜城虛
明年好鼓澄江柁歸奉江波雙鯉魚

老唐有詩見寄謂冷淡無錢覓即欲返棹豈知不
冷淡而冷淡中有溫甘者存焉

春風春雨不勝寒江路無泥雨即乾千樹梅花明屋裏
一痕山翠出林端高情不許庸人識俗眼何從妙畫看
若對陶公談世利唐翁可謂沐猴冠

易尚賢赴鮑郎場司丞次王叔明韻

江山寥落白雲飛城郭烟濤獨鶴歸碧落輕帆來縹緲

夕陽遠樹見依微
熬波霜雪良艱苦
富國魚鹽果是非
猶歎蝸牛廬底客
焜黃時節尚絺衣

白馬寺通長老修圓覺期化緣

惠遠淡心白蓮社
湯休麗句碧雲篇
懺摩不懈香燈供
般若仍通文字禪
雨後春池芹細細
月明寒渚竹娟娟
東林門外聞鐘返
惟有陶公妙入玄

至正九年八月十六日計籌山呂尊師訪予蕭閒

館為予言顧仲瑛徵君玉山隱居之勝輒想象
賦長句以寄他日尚同袁南宮攜琴嘯咏竹間
也

解道玉山佳絕處
山中惟有呂尊師
已招一鶴來庭樹

更養群鵝戲墨池
松風自奏無絃曲
桐葉新題寄遠詩
若許王猷性狂僻
徑來看竹到堦墀

別章鍊師

方舟共濟春江濶
訪我寒煙菰葦中
鼓柁斜衝蕢葉雨
鈎簾半怯杏花風
仙人壇上芝應碧
玉女窓前桃未紅
擬趁輕帆數來往
縹壺不惜酒如空

送盛道士遊越

浙東山水隔層雲
雪霽千峰曉不分
蕭瑟松林疑鶴語
縱橫苔石見羊群
昔聞陽洞啓神秘
中有仙人畱玉文
羨爾尋真不辭遠
好隨烟霧挹飛裙

送元白上人往中竺

求法高僧何處去向中天竺最高峰飛鳶欲沒天低樹
杖錫應投湖外鐘半席白雲臨碧澗四夏落月掛長松
定回依約三千歲若見拈花紹遠宗

因吳國良過玉山草堂賦詩奉寄

玉山樹色隱朝陽夏著魚莊近草堂何處唱歌聲欸乃
隔雲濯足向滄浪珍羞每送青絲絡佳句多投古錦囊
幾問掉船尋好事辟疆園圃定非常

昔張外史有古銅洗種小蕉白石上置洗中名之

曰蕉池積雪軒西園老人追和張劉二君詩書
掛軒中余亦爲之次韻

雪中芭蕉見圖畫蕉池積雪終凋零風翻窗裏浪花白

雨壓牀頭雲葉青詩人超軼有遠思造物變幻難逃形
爾亦林居喜幽事曉浥石溜攜銅瓶

題良夫遂幽軒

來訪幽居秋滿林塵喧暫可散煩襟風迴研沼搖山影
夜靜寒蛩和客吟危磴白雲侵野屐高桐清露溼牕琴
蕭然不作人間夢老鶴眠松萬里心

贈茅山陳太虛

三茆山色隱晴空君住華陽第幾峰陰磴石梁懸蟠竦
曉窗雲氣結芙蓉南遊白拂凝塵久西去青牛何處逢
歲晚棲息足松水遲予飛屩往相從

題朱澤民爲良夫作耕漁軒圖

寂寂溪山面碧湖輕舟煙雨釣菰蒲曉耕巖際看雲起
夕偃林間到日晡漢書自可掛牛角阮杖何妨挑酒壺
江稻西風鱸膾美依依蓐食待樵蘇

和正道哭外孫張汶二首

幼能爲學日劬書一病兼旬遂墮軀已怪飛來坐隅鵬
俄驚斃此渥洼駒窓間夜雨青燈曉庭下微霜碧樹枯
谷鳥呼兒聲慘惻傷心慈母體爲痛
富貴壽夭柄誰操造物無情偶自遭病葉辭柯驚宿雨
殘燈照室歛餘膏外翁攜幼情如失慈母思兒夢亦勞
忍聽風前泣幽咽城樓吹角月當壕

送賴善卿采詩

陳詩昔在周盛日刪詩已是衰周餘祖述孰能加四始
研窮我已後諸儒嗟子用意亦勤厚聽音知政非迂疎
願排閭闔獻采錄坐變四海如唐虞

題本立中上人雲山望松圖

西望雲山何處亭鶴歸松栝秋冥冥上人不廢蓼莪句
山室長書貝葉經未應佛法外孝弟定感仙手鐫碑銘
過家上冢世代隔慟哭亭前蘿月青

次孟辨見寄兼柬立中蘊中二大士

江水空青好卜居會衝春雨過平湖雲山欲覓無聲句
花果誇傳沒骨圖莫倚陸機曾入洛最憐張翰獨思吳
本瓊二士平安否應共清吟對酒壺

贈述首座

述也嘗爲第一座袈裟曾染苾芻尼鳥鳶翔舞隨施食
龍象森嚴聽白椎歸錫湖崩沙際路晨飡笋茁岸邊籬
何當就子西汀樹著我輕舟一暫維

九日田舍小酌

身世浮沉如漏舟師亡道喪獨悲秋蛩寒尚復吟秋草
狐死猶能正首丘強理篋書聊自慰急呼家釀與澆愁
不堪萸菊生佳色悵望雲山憶勝遊

和默菴遊林屋二首

聞道尋真林屋洞歸來笠澤路應賒未須勅賜鑑湖水
所憶傳經許椽家蒸朮烟侵雲去逸歸樵路逼澗崩斜

只恐武陵迷去向移船處處遍桃花
君向山中餌絳霞行經丘壑路忘賒仙公久住金庭館
秘訣應畱玉斧家湖上帆將青影度烟中鳥趁夕陽斜
亦欲維舟候春水華林相約采松花

題竹

歎息真成汗漫遊經春歷夏又嗟秋林居已是能鳴士
顧我寧非不繫舟江渚出吟聊自適竹梢清淚浩難收
王孫莫道歸來好芳草天涯恨未休

三月廿日遊海雲蘭若寫竹石古槎

春盡湖濱偶獨來高僧煮茗話和諧鳥啼花落忽如夢
水影苔文渾上堦坐咏遠遊悲世慮閒將曠達遣愁懷

竹林生筍還相別人事睽離亦易乖

十三日晚步良輔南園

晚步南園秋滿林蒼茫斜日一登臨清池風度搖山影
陰砌蛩悲和客吟窓下玉琴桐露溼竹間幽徑野泉侵
雲樓不作人間夢白鶴眠松萬里心

次薩天錫韻寄張外史

谷口路微山木合溼衣空翠不曾晴饑猿扳檻為人立
寒犬號林如豹聲小閣秋清聽雨臥長林日出采芝行
道心得失已無夢沐髮朝真候五更

附錄次韻

梁溪歲莫若為情溪上梅花待雨晴徑雪曉埋山屐齒簷冰夜墮石牀聲內篇
持向松根讀如意攜將竹裡行短晷何能理幽事南窗剪燭話寒更

寄鄭徵士

谷口子真今最賢久別鬱鬱夢相牽好營秫田多釀酒
欲買茅屋尚無錢兄病每書賒藥券客來唯候煮茶煙
闔閭城東有艇子憶爾青燈相對眠

附次韻

鄭元祐

穴培薜荔根株懸倒架葡萄藤蔓牽非無洛下先生屋須待邛州錄事錢鴻雁
天高青不雨鶻鷂沙暖白生烟松雲隱屋結構未何日書來解榻眠

又

張天雨

衣桁常容蛛網懸石味渾讓女蘿牽道術何煩孔郎廟屋廬政用邠超錢泉崩
澗底歸樵路雨壑厨頭蒸木煙誰見西林拆書夜一枝風竹鶻鳩眠

和朱秉中三首

鳥啼花落水西潯幾日門前春水淡避世何心歌白石
論交原不在黃金樗散餘年猶嗜酒夢回遠道獨驚心
桃源亦有秦人在落日漁舟何處尋

僦居茅屋碧江潯
花落空階一尺深
山簡由來狂愛酒
管寧不復顧鋤金
長鯨吸浪成何事
老鶴鳴臯見遠心
中歲畏從親友別
自憐黃一作華髮已侵尋
白板扉開江水潯
雨餘階下綠苔深
愚人自寶應非石
同舍緣知不盜金
天地瘡痍誰復憫
江湖羈旅我同心
故山日日生歸夢
翠竹青松自百尋

彥楨繼和復答二首

風生水國晝多陰
錯莫遲回意自深
鮑叔今封馬鬣塚
鍾期誰範裊蹄金
一官政不爲人役
七字真能慰我心
乳燕鳴鳩更無賴
片時春夢不堪尋

鳥啼花落水西潯
春水侵門雨尚深
丈室自寬千戶邑
一經已富滿籬金
殘年樗散仍憂國
短髮絲垂獨苦心
可似桃源潔身去
漁舟何處得重尋

寄德朋

故人欲問梁鴻宅
遺跡猶應杵臼存
楓葉菊花秋瑟瑟
荒園廢圃雨昏昏
農人掩舍春明墅
縣吏催租夜打門
惟有德朋多遠思
賦詩刻燭酒重溫

贈楊大同

石魚峰下子危子
出有楊羲陪勝遊
斜日碧山梁苑暮
清風白拂冶亭秋
松肪和飲三危露
桂棹同乘萬里流
擬酌春醪相慰藉
梅花欲發聽鳴騶

題枯木竹石

益公以道不見忽忽七改年矣辛亥七月余來自苕溪偶遇松陵之桐里雙井院數日矣以道因過慧日懺堂解后一見因寫竹樹小山并賦詩寄意云

一笑相逢豈有期因懷西崦話移時李公堂裏頻曾宿
一作祠畔陸子泉頭舊有詩旅思淒淒非中酒人情落落似
空餘月

殘棋雲濤眼底三生夢鷗影秋汀又語離

以道因詠余舊詩春日試筆一首今三十年矣併

書畫上是日秋水性源
二上人同集

喜看新酒似鵝黃已有春風拂草堂二月江南初破柳

扁舟晚下獨鳴榔苔生不礙山人屐花發應連野老墻

世外寧辭一作美
酒已拚千日醉未容人事惱年光一作莫將時
事攪愁腸

次韻叔勝先生七言一首錄呈伏冀賜教

朱弦流水寫徽音古意寥寥何處尋道力已消金鑛淨

禪那曾住嶺雲深毀譽不礙逍遙樂懲室應無忿忿心

說與先生惆悵恨牛山何日見成林

瓚此三兩月方為義士之賢子與二三名勝作為文辭以頌述其德美且預為挽詩弔文之類家傳而戶習或有每夜醉咏一過大笑而登床者獨先生不隨流俗哀哀耳如何如何故賦此以發一笑云乞於韻會中檢尋瓚字一觀明日即納還也匆匆不具瓚啓上

重改次韻奉答

朱弦流水寫徽音古意蕭寥尚可尋道業已消金鑛淨

禪那曾住嶺雲深猿猱騰攫初何怪風雨飄搖不動心

笑爾自戕成濯濯牛山何日見喬林

此間俊秀子弟習尚不佳為二三不孝義無廉恥之徒誘引而喪其良心以不孝悌為當為以講論是非毀謗輕薄為政事蘭蕙而尚化為茅况中人之才者乎先生以為何如良心淪亡冀壤何異是可哀也十三日瓚啓上

洪武甲寅中秋夜寓姻鄒氏病中咏懷

經旬臥病掩山扉
蠟穴潛神似伏龜
身世浮雲度流水
生涯煮豆爨枯箕
紅螽捲碧應無分
白髮悲秋不自支
莫負尊前今夜月
長吟桂影一伸眉

壬子七月一日留昌言高尚書堂寫圖賦贈

下有陽文雲林

子印此畫藏項玄海家

七月一日風雨集桐里湖邊吹夕涼
柳葉顰烟籠翡翠
荷花濺淚溼鴛鴦
却疑身在瀟湘渚
且著舟停雲錦鄉
顧我自非徐孺子
陳蕃下榻更銜觴

贈別宋君仲溫 有序

至正乙巳三月廿四日仲溫高士與沈文舉共載訪余笠澤東渚之蝸牛廬中相從過王明宅者茶留坐遂以永日吹笙鼓琴於水光林影間

但恨吾子儀遠在數十里外不得同此集也廿五日仲溫別余他之漫成長句以寫余懷

三月將闌春欲夏
循簷共看辛夸花
階前滄茗香照色
坐上吹笙清不嘩
拄杖偶過公子宅
班荆宛似山人家
宋玉才情何可得
肯拋塵土踏江沙

清閼閣全集卷之六

